

**NATIONAL ASSEMBLY OF
SEYCHELLES**

Tuesday 12th July, 2022

The Assembly met at 09am

National Anthem

Moment of Reflection

Mr Speaker in the Chair

MR SPEAKER

Bonzour Manm Onorab. Bonzour nou *staff* ki pe asiste nou ozordi. Bonzour tou manm piblik, oditer, telespektater. Byenveni pou nou travay Lasanble pou ozordi.

Bon Madanm Clerk mon krwar nou napa *Public Reading, First Reading*.

E dan labsans *LOTO* ki lo misyon nou napa *PNQ*. So madanm raporter mon ava demann ou pou apel Vis-Prezidan Ahmed Afif avek premye delegasyon silvouple pou kestyon.

Bonzour Vis-Prezidan Ahmed Afif. Byenveni pou nou sesyon kestyon. E bonzour e byenveni egalman Mrs Shella Mohideen, *Chief Secretary pou Public Service*. E Mrs Jill Tirant, *Principal Performance Management Officer*.

Bon nou komans kestyon. Premye kestyon limero 95 pou Onorab Gervais Henrie.

HON GERVAIS HENRIE

Mersi Mr Speaker. Ou ava eskiz mwan parske mwan ankor pe rod mwan.

MR SPEAKER

Eski, ou mikro i *on* Onorab.

HON GERVAIS HENRIE

I *ok* mon ava lir la. Mon *laptop* ti ankor en pti pe dousman. *Ok* premye kestyon Mr Speaker i lir koumsa: -

Pou demann Minis ki responsab pou Ladministrasyon Piblik ki travay pe ganny fer dan servis piblik pou asire ki tou le 4 pilye Program *Result Based Management* pe ganny deplwaye avek efikasite e bon sipervizyon? Mersi.

MR SPEAKER

Mersi Onorab. Vis-Prezidan ou larepons silvouple.

**THE VICE-PRESIDENT MR
AHMED AFIF**

Mersi bokou Mr Speaker. Bonzour Mr Speaker. Bonzour tou bann Manm Lasanble. E tou Seselwa a lekout.

Mr Speaker premye kestyon *Result Based Management*. I annan 4 pilye.

E pou Gouvernman war son benefis i nesese ki i annan en lapros entegral dan lenplimantasyon.

E sa pou anmenn pli bon rezilta dan servis piblik. Sa lapros zesyon ki'n fini ganny pilote. Pe ganny enplimante depi Fevriye 2022 *comme swivan*;

I annan en Komite Onivo ki ganny *Chair* par Minis pou Planifikasyon Ekonomik, Finans ek Komers.

Minis li i *chair en meeting* tou le mwan, pou fer sir ki lenplimantasyon pe al dapre plan ki'n ganny aprouve dan Konsey de Minis.

Tou Minis dan Gouvernman in *Chair* bann *meeting* lo nivo sekter. Pou fer sir ki planifikasyon i an lir avek bann priyorite Nasyonal. E anliny avek vizyon pei.

Sa i osi permet tir sa ki nou apel sa *silo mentality*. Savedir sakenn pe travay dan son prop domenn. I annan en seri *training* ki'n ganny fer pou tou Zofisyte *Senior* dan Gouvernman.

Lo lenplimantasyon e lentegrasyon sa 3 pilye Program *Result Based Management*.

Savedir planifikasyon stratezik. *Zero based budgeting, monitoring and evaluation*.

Sa bann *training* in ganny fer par Lenstiti Guy Morel anba sipervizyon Biro Servis Piblik.

Pandan mwan Out, *training* pou kontinyen lo *Performance Management System*.

Sa *training* pou met lanfaz lo sa katriyenm pilye. Ki en nouvo sistenm *appraisal*, ki pou apel *Performance Contract*.

Tou travayer servis piblik pou ganny *training* lo lenplimantasyon. E lenplimantasyon pou komanse formelman dan lannen 2023.

I annan en lekip ki'n ganny met ansanm ki konpri zofisyte sorti dan Departman Planifikasyon Ekonomik, Departman Finans, Biro Servis Piblik e Lenstiti Guy Morel.

Rol sa lekip se pou rod sipor bann lorganizasyon dan lenplimantasyon *Result Based Management*.

Mr Speaker, avek ou permisyon, si i annan lezot kestyon ki ganny monte lo la, permet mwan permet Ms Shella Mohideen pou li kapab osi donn lanmen reponn kestyon. Mersi bokou.

MR SPEAKER

Byensir Vis-Prezidan. Onorab Gervais Henrie i ava met son siplemanter silvouple.

HON GERVAIS HENRIE

Mersi Mr Speaker. Premye kestyon i se ki enn fwa ki sa program i ganny *rollout*, eski i annan en prozeksyon an term ki kalite benefis, ouswa lekonomi an term zesyon finansyel. An term Bidze ki sak bann MDAs i gannyan ki nou kapab vwar en amelyorasyon ladan? Konmsi pe fer plis ek mwens. Sa i mon premye kestyon.

E dezyenm, pou benefis nou bann *constituent* ki nou isi anndan nou reprezante, ki kalite sanzman, ou transformasyon zot pe espekte vwar enn fwa ki sa program i ganny *rollout*?

Akoz ozordi nou vwar bokou nou bann sityasyon ki vin devan nou, se sa retar dan sa enteraksyon ant piblik avek bann MDAs. So ki kalite amelyorasyon dimoun i espekte vwar? Mersi.

MR SPEAKER

Mersi Onorab. Vis Prezidan ou ava dirize si ou ki le reponn oubyen si ou pas laparol Mrs Mohideen. Yes, Vis-Prezidan.

THE VICE-PRESIDENT MR AHMED AFIF

Mersi bokou Mr Speaker. Mersi Onorab. Mwan mon ava reponn briyevman. Me selman mon ava permet avek ou permisyon Mr Speaker, Ms Mohideen pou donn larestan detay.

Eski nou kapab fer, eski nou espekte fer bokou plis avek mwens? Esansyelman, larepons se ki dan *Results Based Management* ou meet serten target.

Savedir ou konnen ki ou anvi gannyan ou. Me ou osi konnen ki resours ou annan. Parske sa i dan Bidze, e ou Bidze i baze lo la.

Alor regilyerman Minister, sak Minister pou mezire konbyen in reisi. Konbyen in depanse.

En lentansyon byensir parey ou'n dir se pou nou fer bokou plis avek mwens. Se sa lentansyon.

Ki benefis bann dimoun pou vwar dan ou distrik e popilasyon an zeneral? Mon krwar benefis ki zot sipoze vwar se en amelyorasyon dan kalite servis ki vize vreman ver zot lekspektasyon.

Parske rezilta ki Gouvernman i mete, i baze en kantite lo lekspektasyon ki pep Seselwa i annan.

E ki li avek son resours i met bann target pou li zwenn sa bann lekspektasyon. Alor nou espekte ki bokou sa bann target i annan pou fer avek kalite servis ki nou pe donner. Lavites ki nou pe donn servis. E alor mon espekte wi, popilasyon pou vwar tou bann domenn ki kekfwa larepons ki zot pe gannyen i pli vit. Enplimantasyon proze i ava vin pli vit. Kalite servis ki zot zwenn ler zot al kot en Minister i amelyore.

Tousala i ganny mezire e mon espere ki avek sa *Results Based Management* kot lanfaz i vremen lo sa bann target spesifik, nou ava vwar e ou bann dimoun i ava vwar en benefis ki tanzib.

Avek ou permisyon mon ava permet Ms Shella si i annan lezot detay pou azoute. Mersi.

MR SPEAKER

Yes, Chief Secretary.

CHIEF SECRETARY SHELLA MOHIDEEN

Bonzour tou dimoun. Mon krwar Vice- President in byen reponn kestyon. In donn ase detay. Be solman mon krwar sa lanfaz - I annan 2 keksoz nou ava met lanfaz lo la. I sa bann target. E pou mwan i target ki realistik *as well*.

Ou konnen i annan de ler ki i annan bann target, bann lekspektasyon ki pa neserman annan de ler realistik.

So ki nou le fer se set bann target ki realistik. E sa i ava ganny kominike avek piblik. Alor piblik i ava konnen ki zot pe espekte. E sa lot pwen for i pou annan sa ki nou apel *monitoring and evaluation*.

Ki vedir dan lenplimantasyon, nou ava *monitor*, nou ava evalye. E kot nou pa pe vwar sa rezilta ki nou ti ava swete annan, nou pa kontinyen lenplimantasyon, me nou pou annan bann revi ki nou fer regilyerman. Ki pou fer ki toultan i ava annan sa amelyorasyon. Ki a lafen dizour nou ava ganny sa servis ki nou anvi vwar dan servis piblik.

MR SPEAKER

Mersi *Chief Secretary*. Ozordi nou annan en pe mwens kestyon, so nou annan en pe plis posibilite pou kestyon siplemanter.

Nou ava pran sa ki nou kapab tout an respektan tou lareg demann kestyon. Mon a komans avek Onorab Gill.

HON CHURCHILL GILL

Mersi Mr Speaker. Bonzour *VP* ek delegasyon. Bonzour tou

Manm. Mon kestyon se ler ki *training* in fini ganny fer, eski sa faz lenplimantasyon i vin imedyatman apre *training* in ganny fer?

Apre mon dezyenm kestyon se, ler bann lekspektasyon in fini ganny *set*, aprezan ou'n mansyonnen ou dir pou annan sa faz *monitoring*. E ou'n *monitor*.

Me selman sa rezilta ki ou, ou ti pe espekte inisyalman ler ou ti met sa lekspektasyon *still* ou pa, serten partisipan dan *training* dan zot travay zot pa pe kapab delivre sa oter ki sa *bench mark* ki ti'n *set*.

Dan ka sityasyon koumsa. Ki bann *course of action* ki ganny pran avek sa bann dimoun? Mersi.

MR SPEAKER

Mersi Onorab. *Chief Secretary* ou a pran repons?

CHIEF SECRETARY SHELLA MOHIDEEN

Ok nou'n mansyonnen i annan faz *training* ki'n ganny fer. *Actually*, lenplimantasyon in fini komanse. E ki mannyer nou pe delivre *training*, an mezir nou fer *training* nou pe fer lenplimantasyon.

Par egzanzp letan nou'n fer bann *training lo planning*, lo planifikasyon, tou bann

Departman Gouvernman, Tou bann *agencies* in travay lo plan.

E letan nou'n travay lo *zero based budgeting*. Zot in fini al fer zot Bidze. Ki Bidze pou sa enn lannen in ganny *submit* par servi sa lapros *zero-based budgeting*.

Sa eleman *monitoring ek evaluation* li letan ou pe fer planifikasyon ansanm ladan. So lenplimantasyon in fini komanse pou sa 3 premye pilye.

An Out parey in mansyonnen nou pou annan sa ki nou apel prezan sa *Performance Management System* ki sa nouvo fason ki nou pou fer *appraisal*.

E li i osi anmezir ki nou fer *training*, nou pou fer lenplimantasyon. Akoz annandler si ou *training* ou pa fer lenplimantasyon, sa *training* i perdi.

So apre la dan lenplimantasyon nou ava *monitor*. E nou ava *fine tune* anmezir nou ale.

Ou dezyenm kestyon. Dan tou sistenm *Performance Management System* i annan bann *target* ki ou *set*. E i annan osi sa ki nou apel *reward* avek *sanction*. Sa i travay ki nou pou fer. E pou mwan lo kote *reward*.

Well i pou komanse *Performance Management*

System, i bezwen fer sir ki tou dimoun ki pe travay i *earn* son saler parey nou dir.

Nou pa oule i annan dimoun ki pe vin travay pe kale. E zot pa pe *earn* zot *salary*, a lafen di zour.

E nou konnen i annan en pe diskisyon ki pe fer lo sa 13th *month salary* ekivalan ki manner nou pou apel li, ki kapab vin *performance driven*.

So sa i ava *reward* ki ava vini. Me *sanction* definitivman si i annan travayer ki pa pe delivre, nou bezwen rode aköz, petet i annan zot ki bezwen ganny *empower*.

I bezwen annan zot ki ganny *training*. E letan nou donn *training*, nou'n ganny *empowerment*.

Lalwa Lanplwa i fer provizyon pou nou kapab fer sanksyon. E nou ava kapab fer sanksyon anliny avek Lalwa Lanplwa. Mersi.

MR SPEAKER

Meri *Chief Secretary*. Onorab Aglae. Kestyon.

HON EGBERT AGLAE

Mersi Mr Speaker. Bonzour VP, CEO e tou dimoun a lekout, ek Manm Onorab.

VP ouswa Madanm Mohideen li menm, avan ki nou ti antre dan sa, pe lans dan

RBM, nou ti al lo, ti annan sa *Performance Based Budgeting* ki nou ti lo la.

Eski zot ti ekspekte annan en evalyasyon pou vwar ki lenpak swa pozitiv, swa negativ, ki'n anmennen pou vwar si vreman prezan nou kapab antre lo sa *RBM fully*.

E dezyenmman, eski, kan ki zot espekte ki nou kapab ganny en *fully fledge working RBM system - Management System*, pou kapab petet ariv kot zot anvi arive dan Ladministrasyon Piblik? Mersi.

MR SPEAKER

Mersi. Yes, Mrs Mohideen?

CHIEF SECRETARY SHELLA MOHIDEEN

Mersi Onorab pou ou kestyon. Nou'n fer evalyasyon. E rezon aköz nou pa ti pe vwar tou benefis dan lepase, ki manner sa ki ou'n apel *Performance Base Budgeting* ti pe ganny enplimante, se in ganny enplimante in izolasyon. *RBM* i annan 4 pilye, e pou ou ganny benefis fodre i annan en lenplimantasyon entegral.

Aküz Bidze i enplimant ou plan. Konmsi ou bezwen planifye avan, apre ki ou, ou enplimante. So, la ki nou pe fer, tou le 4 pilye lenplimantasyon

ansanm. Mon konnen nou pou vwar son rezilta.

E sa rezilta i pou en rezilta ki progresivman nou pou vwar plis rezilta. Akoz toultan letan ou fek komans lenplimantasyon, i annan bann lessons ki ou pou bezwen aprann.

E anmezir ou aprann ou perfeksyonn li. E mon asire ki nou pou annan pli bon rezilta.

Already la nou annan bann *MTest* par egzantp ki'n ganny *submit* kot Minis Finans. E evalyasyon ki nou pe fer par egzantp nou pe vwar bann *budget line* ki ti zis *appear traditionally* ki pe ganny tire.

Savedir i montre ki sa *tool* ki nou pe ganny servi, *zero-based budgeting* i pe fer ki nou pe servi sa *tool* pou nou enplimant plan stratezik avek priyorite pei.

MR SPEAKER

Mersi. I annan en klarifikasyon ki ...

HON EGBERT AGLAE

Yes, Mr Speaker. *In term of time frame* pou kapab enplimant sa *fully fledge*. Mon konnen pou pran en pe letan. Me selman kan eski nou kapab war en *fully fledge RBM Management System* ki marse?

MR SPEAKER

Mersi. *Panel*.

CHIEF SECRETARY SHELLA MOHIDEEN

Ok. Nou'n lenplimantasyon i pou 3 an. Si i annan 2023, '24, '25. I annan bann target ki nou pe set pou '24, '25.

E pou sak lannen i annan serten target ki nou pe *set*. E ki vedir ki i annan bann *short term result* ki nou pou vwar en pe pli boner.

Me solman fason ki nou le enplimant *result base management*, nou pa le *focus* zis lo bann *short terms strategy*.

Nou pe mazin pei. E nou pe mazin bann keksoz ki nou le vwar dan pei a long term. E i vedir ki i annan ki nou pou vwar en pe deswit, me solman i annan ki nou pou vwar en pti pe pli long term.

MR SPEAKER

Mersi Madanm. Kestyon Onorab Mondon.

HON TERENCE MONDON

Mersi Mr Speaker. Bonzour Vis-Prezidan avek ou lekip. Mon kestyon, eski sa legzersis i enkli osi revwar e fer en *proper analysis* bann sistenm ki an plas ki pe deservi Gouvernman?

Setadir pou idantifye dan sistenm, bann prosedir swa

bann fason fer ki pa neser, ki pa pe azout valer. Eski sa i pou enkli dan sa transformasyon ler pe met an plas sa sistenm?

E dezyenman, eski zot in fer en bon levanter lo sistenm enformatik an plas, ki pou bezwen ganny modernize pou annan en pli bon platform?

En fason ki sa transformasyon *result based* i osi lo en sistenm ki pli modern, ki fasilite sa transformasyon? Mersi Mr Speaker.

MR SPEAKER

Mersi Onorab. Mrs Mohideen.

CHIEF SECRETARY SHELLA MOHIDEEN

Definitivman i bezwen annan bann prosedir. Bann sistenm ki an plas ki bezwen ganny modernize.

Ou konnen pou ou vin pli efektiv, 80poursan i sistenm e 20 poursan i dimoun. Alor nou pa pou vwar rezilta si nou pa travay lo sistenm.

E *Public Service Bureau* i annan en bon pe sistenm, par egzant ki nou pe revize. Par egzant *Public Service Order* i en keksoz ki nou pe regarde. I annan bann *Schemes* ki nou pe regarde. E i annan en kantite travay ki pe fer. Akoz si ou fer travay dan izolasyon, ou pa fer

li *comprehensive*, ou pa pou vwar son benefis.

So i annan travay ki pe ganny fer. E lo kote teknolozi osi. Nou annan sa Komite O Nivo ki Vis-Prezidan in koz lo la, ki *chair* par Minis Hassan.

PS Choppy i osi sit lo sa komite. E nou pe regarde ki mannyer nou pou anmenn teknolozi. Nou pa pou kapab kontinyen fonksyonnen dan Gouvernman parey nou pe fonksyonnen la, san anmenn teknolozi.

Nou pou bezwen anmenn teknolozi. Nou pou bezwen modernize. E sa osi i bann diskisyon ki nou pe fer.

E anmezir ki nou ganny - Ou konnen i annan serten travay ki pe fer pou nou idantifye bann sistenm ki pou *suitable* pou nou pei. E letan nou fini fer sa travay nou ava kapab donn plis lenformasyon Lasanble. Mersi.

MR SPEAKER

Mersi Mrs Mohideen. Kestyon Onorab Cosgrow.

HON WALLACE COSGROW

Bonzour Mr Speaker. Bonzour Minis. Bonzour *VP* avek ou tim.

Mr Speaker kestyon ki devan nou pe koz lo deplwayman *RBM* avel efikasite, mon en kestyon ki

petet pou tous en pti pe labaz. *I mean* lo teren e bann dimoun ki pe enplimant sa sistenm.

E la spesifikman mon le koz lo *PMS*. Nou konnen Minis Finans ti anonse semenn pase dan Lasanble ki trezyenm mwan saler an 2022, lanmwatye pou ganny peye. E lot lanmwatye pou baze lo en *appraisal* sistenm ek performans.

Now i reste nou apepre 5 mwan realistikman avan ki lannen i fini. E nou konnen nou dan bann prosedir Bidze.

So eski Minis ouswa *Chief Secretary* i kapab donn nou en garanti ou en lasirans, donn travayer servis piblik en garanti, en lasirans ki bann *HRs* avek zot tim dan bann lorganizasyon dan bann Departman Gouvernman, zot in pare, zot in ekipe pou kapab antreprann sa bann *appraisals*. An vi ki i annan Departman ki bokou dimoun.

Ki zot in pare. Ki zot pou kapab *undertake* sa bann *appraisal in time* avek sistenm ki pe ganny met an plas, pou ki travayer servis piblik pa perdi kan ariv lafen lannen. Akoz bann keksoz petet pa ankor pare. So eski i annan en garanti ki zot in pare? E sa bann dimoun dan sekter piblik zot osi

zot ekipe e pare pou delivre. Mersi Mr Speaker.

MR SPEAKER

Mersi Onorab. Mrs Mohideen.

CHIEF SECRETARY SHELLA MOHIDEEN

Sa kestyon ki ou'n demande mersi Onorab. I baze prezan lo sa katriyenm pilye *RBM*. Sa ki nou apel *Performance Management System*.

E i osi en kestyon mon krwar ki pou vini apre. E ki tou travayer pou ganny mete lo sa ki nou apel en *Performance Contract*.

E sa i pou ranplas sa ki mwan mon apel *the traditional way* ki nou'n fer *appraisal* dan Gouvernman pou bokou lannen – en?

E travay ki pe ganny fer se akoz kantite dimoun ki nou annan dan servis piblik, nou pe fer lapros la an se moman ki nou pe fer. Nou pe fer sa ki nou apel *train the trainer*. Savedir nou pe build kapasite bann dimoun. Prensipalman bann *HR*.

Actually, i annan bann dimoun ki deza annan sa konpetans. Akoz letan mon ti ankor travay kor *Guy Morel Institute*, *Performance Management System* ti en *module* dann nou *course HR*.

So tou dimoun ki'n *study HR at the Guy Morel Institute, already* zot annan sa konpetans dan *Performance Management System*.

So ki nou pe fer la, i idantifye bann dimoun ki deza annan konpetans. Fer *refresher training*. E apre zot, zot ava al dan lorganizasyon pou fer sa preparasyon.

Epi letan nou pou'n fini. Nou pou fer en pe *piloting*. Akoz petet i ava reste nou kekfwa en 3 mwan avan lafen lannen letan nou pou'n fini fer tou sa travay.

La nou ava met tou dimoun lo bann kontra ki nou pou pilote. E apre formelman pou fer lenplimantasyon lannen prosenn.

E ki mannyer nou pe anvizaze fer lenplimantasyon pou sa lannen, se nou pa pou komans avek bokou target.

Nou pou komans avek mwens target, ki tou dimoun i ava konpran sa sistenm. Tou dimoun i ava konnen ki son bann - sa ki nou apel *core target*. Bann ki pli enportan dapre ou travay ki ou fer. E apre lafen lannen nou ava fer en evalyasyon lo la.

So i pou annan en faz kour ki pou osi donn nou lenformasyon. Pou nou kapab anmase pou nou kapab fer lo *sort of improve on the system*

letan nou enplimant li formelman lannen 2023.

MR SPEAKER

Wi klarifikasyon Onorab Cosgrow. Silvouple.

HON WALLACE COSGROW

Mersi Mr Speaker. Zis en pti klarifikasyon. *Chief Secretary* pa'n neserman dir mwan si zot santi poudir bann *HR* dan sa bann lorganizasyon, *they are actually ready* silvouple? En wi or non.

MR SPEAKER

Thank you. Chief Secretary.

CHIEF SECRETARY SHELLA MOHIDEEN

Mon pou dir *HR* pou ganny kapasite. E apre zot pou ganny sipor. *Ok?* Zot pou ganny kapasite e zot pou ganny sipor.

Parey sa group ki la nou pe travay avek, ki nou pe dir *training the trainer*. Sak portfolyo dan Gouvernman pou annan enn sa ki nou, nou pe apel *the RBM champion*.

So, zot pou annan enn sa dimoun ki pou travay ek zot. Ki pou ed zot pou delivre.

MR SPEAKER

Mersi. Bon mon ava bezwen bouz lo prosen kestyon prezan.

E sa se kestyon limero 96.
Onorab Aglae.

HON EGBERT AGLAE

Mersi Mr Speaker. Etandonnen ki bokou koze ki plizyer travayer pou bouz lo en kontra, eski Minis responsab pou Ladministrasyon Piblik, i kapab eksplik sa Lasanble ki bann travayer ki pou tonm dan sa kategori?

E 2, ki konsekans bidzeter kour term e lonterm? Mersi.

MR SPEAKER

Mersi Onorab. Vis-Prezidan.

THE VICE-PRESIDENT MR AHMED AFIF

Mersi bokou Mr Speaker. Mersi Onorab. Tou travayer dan servis piblik pou al formelman lo en kontra. Ki pou apel en *Performance Contract* apartir 2023.

Sa i pa pou ranplas *Employment Contracts*. Me i pou en sistenm *appraisal* ki pli modern. E ki met plis lanfaz lo prodiktivite.

Benefis sa sistenm *Performance Management* se ki, performans travayer pou ganny evalye dapre bann target performans.

E i pou annan en gran lanfaz lo levidans ki travay in

ganny fer e lo rann kont. Sa sistenm ki mannyer pou ganny enplimante, i fer ki pou annan plis sipervizyon lo performans travayer tou dilon lannen. E non pa zis en *appraisal* lafen lannen.

Avek sa nouvo sistenm, pou osi annan plis sipor sorti kot bann *Line Managers*, pou fer travay vin pli prodiktiv. Mon ti ava kontan fer resorti ki travayer *PSC*, zot pou kontinyen lo zot kontra 2an a 3an.

Lezot travayer *non-PSC* i pou lo sa kontra ki nou apel *Continuous Contracts*. Savedir zot a plen tan. E zot sistenm *appraisal* i pou diferan.

Kot i konsern konsekans bidzeter, kour term e lonterm, nou espekte ki i pou anmenn plis lefikasite. Pou la senp rezon ki ler ou pe fer en Bidze, ou pe toultan fer en Bidze ki baze lo en performans.

E parey *Chief Secretary* in eksplike taler, i annan de fwa kot zot in bezwen tir serten Bidze aköz i pa, kekfwa in la tradisyonnelman. Me selman i pa lye avek okenn target spesifik dan sa Minister.

So kour term e lonterm, nou espekte war benefis finansyel atraver sa. Mersi Mr Speaker.

MR SPEAKER

Wi Onorab Aglae, siplemanter.

HON EGBERT AGLAE

Mersi Vis-Prezidan. *VP* eski ou kapab eksplik nou, baze lo sa nouvo *Performance Contract*, eski zot pe mazin revwar en pti gin sa metod evalyasyon li menm. An vi ki si en dimoun ki pe *non-perform*. *Ok* ki pe *non-perform* baze lo sa *set target* ki zot in mete.

Ki i pou annan en prosedir. Petet si ou kapab dir nou, ki prosedir ou bezwen pas ladan avan ki i pou ganny swa met *redundant based on non-performance*. Me selman i ava kapab osi dan en fason eksplik son lekor? Sa i enn.

E dezyenman, baze lo zouti sa Departman li menm. Akoz parfwa i kapab arive ki sa travayer i le donnen. Me selman i annan serten lanpesman. Petet i kapab resours. I kapab petet i annan serten keksoz ki i pa annord.

Eski osi zot pe mazin vwar pou sa desizyon ki pou ganny pran par sa enn ki'n fer sa evalyasyon. Pou zot osi *double check*. Eski i korek ki sa travayer pa pe performen. E ki bann rezon par deryer. Mersi.

MR SPEAKER

Mersi Onorab. Mrs Mohideen.

CHIEF SECRETARY SHELLA MOHIDEEN

Mersi Onorab. Sa *System Performance Management* ki mannyer i marse la, ou komans lannen ki i annan e diskisyon ant ou avek ou *line manager*.

E sa diskisyon ou'n osi pran kont, ki Bidze ou annan. Ki resours ou annan a ou dispozisyon. E ki fer ki nou target i baze lo ou koman en endividi. Me resours ki ou annan osi pou al travay avek. *Ok?*

Ki vedir ki ou'n pa pou kapab ganny demande pou al fer en keksoz ki enposib ki ou pa pe ganny resours pou ou travay avek. Sa i komans la.

E ou'n koz lo si en dimoun pa pe *perform*. Sa sistenm ladan i annan bann konpetans ki ou bezwen gannyen. *So training* i pa neserman toultan bann gran kalifikasyon. Be solman bann *on the job training* parey nou dir.

Bann *coaching*, bann *mentoring* ki ou pou gannyen dan lorganizasyon. I annan osi en sistenm ki nou apel *Performance Improvement Plan*. Kot letan ou pa pe perform alaoter, ou ganny kriye. Ou ganny dir ki ou pa pe *perform*.

E kwa ki ou bezwen fer, e ki sipor ou pou gannyen pou ou kapab *perform* pli byen. E i en

sistenm ki *empowering* li en. I pa *punitive in nature*. I *very empowering*. Ki fer ki i ed ou pou ou kapab *perform* pli byen.

E mwan bann dimoun ki *eventually* nou pou bezwen prn sanksyon avek, i bann dimoun ki pa pe serye menm.

Akoz si ou serye ou anvi travay, sistenm ki nou pe met an plas pou donn ou sa sipor, pou *empower* ou, pou ou delivre e delivre alaoter.

MR SPEAKER

Yes Onorab Aglae.

HON EGBERT AGLAE

Mersi *Chief Secretary*. La i kler. Eski prezan nou pou war bann lentrodiksyon petet dan bann Departman ki ler en desizyon i ganny pran, i pa en desizyon endividyel.

Petet i ava annan en pti komite ki vwar sa bann desizyon avan ki zot tonm lo bann pozisyon final.

Eski pou annan sa bann dan sa bann Departman? Mersi.

MR SPEAKER

Mersi Onorab. Mrs Mohideen ou ava kontinyen.

CHIEF SECRETARY SHELLA MOHIDEEN

Mersi. Ki mannyer sistenm in devlope, sa travayer i pou konnen kwa ki i espekte fer. E i pou annan son bann levidans ki i pou bezwen donnen avek son *line manager* i montre ki in delivre travay.

Ki vedir ki sa dimoun ki siperviz li, i sa dimoun ki pou fer son evalyasyon. Mwan mon pa pou kapab evalye en dimoun ki mon pa pe siperviz li.

Akoz mon pa pe siperviz son louvraz toulezour. Zis sa dimoun ki siperviz son louvraz toulezour, sa ki nou apel son *line manager* ki pou fer son evalyasyon.

Sa komite i pou zis la si annan dezakor ant sa 2 dimoun. La si i annan dezakor savedir i fer en *grievance*. E la nou ava annan bann komite ki dil ek *grievance*.

Me solman ki mannyer sistenm i devlope, si sa travayer i annan tou son levidans ki in fer son travay, ou pou bezwen donn li sa ki i merite.

Akoz i en sistenm ki *evidence based*.

MR SPEAKER

Thank you, Madanm. Kestyon siplemanter Onorab Gill.

HON CHURCHILL GILL

Mersi Mr Speaker. Mon kestyon se sa bann diferan Kontra ki *VP*

in mansyonnen. Eski i garanti ki tou travayer piblik anba sa bann diferan kontra ki zot sipoze tonbe, zot tou zot pou ganny abzorbe?

Oubyen si i annan ki petet pa ou ganny abzorbe. Anba ki sirkonstans ki sa i fer ki zot pa kapab ganny abzorbe? Mersi.

MR SPEAKER

Mersi Onorab. Mrs Mohideen.

CHIEF SECRETARY SHELLA MOHIDEEN

Tou travayer dan servis piblik pou bezwen ganny abzorbe. *Ok?* Menm mon koman *Chief Secretary* mwan osi tou mon pou annan mon *Performance Contract*.

So from tou. Enkli drayver, enkli bann *housekeeper*. I vin en nouvo sistenm *appraisal*. Son lavantaz se lo komansman lannen ou konnen kwa ki espekte de ou.

Ou *set* ou bann target an diskisyon avek ou *line manager*. E apre ou ganny mezire lafen lannen. *So in a way* nou pe do away avek sa bann *appraisal* ki koz lo par egzantp *work output*.

Annandler mwan mon kapab *define work output* dan mon fason. En lot dimoun i *define work output* dan son fason. La par egzantp si mon pe

koz en *HR*. Si nou'n dir en *HR* i bezwen devlop en Polisi pou sa lannen, se sa ki nou pe al ziz li lo la koman *work output*.

Se in devlop son Polisi. Li i konnen i bezwen devlop son Polisi. Mwan koman son *line manager* mon konnen. E lafen lannen ki mon pou al evalye li lo la se in prezant sa *HR Policy*.

Savedir si i vin ek son levidans baze lo nou diskisyon, i pou bezwen ganny sa ki i merite. Par egzantp mon dir letan nou pe fer sa evalyasyon lafen lannen.

Very quickly osi. I osi en sistenm ki tou dilon lannen ou pe bezwen *monitor*. Ou konnen konmela nou fer *appraisal* zis lafen lannen.

E letan ou vini a lafen lannen i annandler nou pe koz lo bann difikilte ki ou'n gannyen depi Zanvyé, Fevriyé.

Sa tou dilon lannen i bezwen annan dialog ant sa travayer ek son *line manager*. Parey mon dir i en sistenm *empowering* ki ed ou pou ou overcome ou bann difikilte pou ou perform a la oter *eventually*. Mersi.

MR SPEAKER

Wi Onorab Gill ou kapab klarifye.

HON CHURCHILL GILL

Dapre ou lesplikasyon ki ou'n donnen i kler ki sa *line manager* i en key factor li dan tou sa bann keksoz.

Eski sa bann *line manager* zot, zot in ganny evalye, zot abilite being *line manager* pou zot kapab desarz sa bann responsabilite?

Eski zot satisfè ki tou sa bann dimoun i kapab fer sa? Akoz par ler i kapab annan kot en dimoun ki par anba sa *line manager* li i kapab performen.

Me selman *inability* sa *line manager* li prezan i kre en konfli? Mersi.

MR SPEAKER

Mersi Onorab. Mrs Mohideen.

CHIEF SECRETARY SHELLA MOHIDEEN

Mersi Onorab. Se pou sa rezon ki nou pe fer sa bann seri *training* ki nou'n komanse depi komansman lannen.

So nou'n komans ek *assumption* ki nou tou nou bezwen pas dan sa bann *series training*. Parey mon dir nou tou, mon osi tou mon'n asiz dan *training*. Pou nou fer sir ki letan nou pe fer lenplimantasyon, nou tou parey nou dir *on the same page*. Nou tou nou konpran ki nou pe al delivre.

E i osi parey Vice-President in mansyonnen pou

premye kestyon. I annan sa lekip ki nou'n met ansanm ki pou al dan lorganizasyon, pou donn sipor kot nou santi sipor i bezwen ganny donnen.

E apre la lafen lannen nou ava fer levalyasyon. Apre evalyasyon nou ava regarde kwa ki nou bezwen ranforsi.

E sa nou pa pou fer li zis lafen sa lannen. Tou le lannen nou bezwen fer evalyasyon pou nou regarde kote nou kapab reanforsi. E mwan mon pe krwar ki en sistenm ki tou-le-z-an we will *get better and better*.

MR SPEAKER

Thank you Mrs Mohideen. Nou ava pran kestyon siplemanter Onorab Cosgrow.

HON WALLACE COSGROW

Mersi Mr Speaker. Minis eski ou kapab dir nou an vi ki zot in nonm 2 kontra - en Kontra *Continuous* avek en Kontra Performans.

Eski pou nesesit okenn sanzman dan Lalwa Lanplwa ozordi an ski konsern kontra?

Akoz Lalwa Lanplwa i *set out* bann *requirement* kontra. Eski i pou nesesit okenn sanzman an Lalwa Lanplwa?

Dezyenm, *Chief Secretary* in mansyonnen ki tou dimoun dan sekter piblik pou lo en Kontra *Performance*.

Zis an pasan mon anvi konnen si bann Minis osi anvi ki zot ganny en benefis lafen lannen. Eski zot pou osi lo Kontra *Performance*? Mersi.

MR SPEAKER

Mersi Onorab. Mrs Mohideen.

CHIEF SECRETARY SHELLA MOHIDEEN

Ok. lo kote si pou bezwen annan Lalwa. Sa ki nou pe apel *Performance Contract* la en, letan mon pe ekout kestyon, i *sort of like en Performance Agreement* li.

I pa *Employment Contract. Employment Contract* nou annan 2 kalite *Employment Contract*. Nou annan sa ki bann PSE, i lo *fixed term*.

Aprè larestan dimoun i lo *continuous*. Sa pa pou sanze li. i sa *appraisal system* ki nou pe al apel li *Performance Contract. Which is a Performance Agreement*.

Nou le servi sa mo kontra akoz la o komansman lannen, mon pou sinyen konmkwa monn diskite avek mon *line manager*.

E sa i bann keksoz ki monn dakor pou mwan fer. E lala bann target ki mon'n *set*. E nou pe servi sa mo Kontra akoz i en Lagreman.

E a lafen lannen ou pou al ganny evalye dapre sa ki ou'n *agree*, sa ki ou'n sinyen. *Which is your Performance Contract*.

MR SPEAKER

Mersi Mrs Mohideen. I annan en kestyon lo bann Minis. Mon pa konnen si VP i dan en pozisyon pou adres sa.

THE VICE-PRESIDENT MR AHMED AFIF

Mersi Mr Speaker. Mersi Onorab. Bann Minis zot pa trete koman *civil servant*. Zot anba Konstitisyon.

Zot annan en Lalwa ki govern zot saler. E zot kondisyon vremen i ganny determinen atraver zot lapwentman ek Prezidan.

Alors mon mazine Prezidan detanzaot i revwar ki mannyer son bann Minis pe travay. E se li ki fer sa evalyasyon. Mersi Mr Speaker.

MR SPEAKER

Thank you. Kestyon siplemanter Onorab William.

HON WAVEN WILLIAM

Mersi Mr Speaker. Bonzour Vis-Prezidan avek ou lekip. Mon anvi demann ek Prezidan. Vis-Prezidan par lefe ki sa nouvo fason fer i en keksoz ki

enportan pou pei. Lo kote *delivery*.

Mon anvi demande si zot pe mazin apard ki bann travayer, met lanfaz osi lo bann dimoun ki pe fer bann *careers guidance* dan lekol vizavi sa?

Akoz si ou pa komans lo boner bann *potential worker* pou lavenir. Mon krwar i pou vin pli bon si nou kapab fer li dan sa fason.

Eski zot pe mazin al dan sa direksyon sirtou? Mersi.

MR SPEAKER

Mersi. Mrs Mohideen.

CHIEF SECRETARY SHELLA MOHIDEEN

Mersi Onorab. Mon krwar sa i en vreman - i pa en keksoz ki nou ti'n mazin lo la. Me en tre bon sizesyon.

E nou ava regarde letan nou pe fer devlopman, ki manner nou *include* pou nou meet avek bann *careers guidance officer*. *A very good suggestion*. Mersi bokou.

MR SPEAKER

Mersi. Bon *ok* mon ava pran kestyon Onorab Gabriel.

HON CONRAD GABRIEL

Mersi Mr Speaker. Bonzour tou dimoun a lekout. *Welcome* Minis ek ou *panel*.

Minis an relasyon avek bann travayer etranze. Zis dir nou si sa bann mezir ki pe ganny anonse i pou enkli sa bann travayer etranze?

E dezyenman, nou konnen poudir sa zafer kontra i en pti pe - Mon ti ava kapab zis demann ou pou eklersi byen pou manm piblik *out there*, kisisa egzakteman ki nou pe al anbank lo la? E apre osi zis dir nou ki bann *reward* an plis ki kapab egziste pou bann travayer ki nou konnen i pou al donn tou, *once* nou pe koz lo *performance based*.

E nou konnen nou saler, nou *thirteenth month*, *everything* pou depan en pe lo sa larzan ki nou pou gannnen.

So performans mon krwar i pou vini. So zis dir nou ki i annan an plis pou sa travayer *out there* ki pou donn tou *in the end*. Mersi.

MR SPEAKER

Mersi Onorab. Mrs Mohideen *Chief Secretary*.

CHIEF SECRETARY SHELLA MOHIDEEN

Mersi Onorab. Bann etranze zot deza lo *PSE*. Savedir zot deza pe *submit* sa ki nou apel *plans and target*.

Ki pou sanze la se prezan zot antre zot osi lo sa ki nou

apel sa *Performance Contract*. So, zot ti deza pe *submit plans and target*. Tou etranze ki dan servis piblik i bezwen fer sa.

Ou dezyenm kestyon Onorab. Mon krwar pou en bon pe letan. En bon pe dimoun pe dir letan nou ti entrodwir trezyenm mwan saler, ki tou dimoun pe gannnen.

I annan en bon pe koze ki sa ki travay dir i gannnen. E sa ki pa travay dir osi i gannnen. E nou'n vwar ki sa i pa en sistenm ki ti pe siport prodiktivite.

E sa ki nou pe enplimante la. nou pe sey redres sa sistenm. Kot sa ki travay i ava ganny serten benefis. So mwan pou komanse *performance Management* i devret fer ki tou travayer i *earn* zot saler.

Nou ankor annan dimoun ki pe al travay ki pe trenn lipye, ki pe kale. Ki pa pe menm earn zot saler lafen di mwan. Selman mon le nou komans la. ki tou dimoun ki desann ki vin travay i bezwen *earn* son saler.

E sa bann ki fer an plis, la i ava ganny benefis. E nou ava arete tann dir ki bann ki kale i ganny trezyenm mwan saler.

E bann ki pe debourye ki pe travay dir, zot osi zot ganny trezyenm mwan saler.

So sa sistenm ki nou pe al enplimante pou redres sa. E

petet i pou annan en pe *hick-ups* dan lenplimantasyon. Me solman i pou anmenn bokou benefis.

Alor menm si i pou annan *hick-ups*. I en keksoz ki nou pou persevere. E nou bezwen fer sir ki nou ganny li byen. Mersi Mr Speaker.

MR SPEAKER

Tre byen. Bon nou pe sanz delegasyon la. E mon ava remersye Mrs Mohideen e Mrs Tirant pou zot partisipasyon. Mon a swet zot bon depar. E bonn kontinyasyon. Mersi.

Nou pe al pran en pti poz *sanitizing*. E nou pou pas lo lot kestyon. Mon pe demann konprenezon bann Manm.

Mon bezwen *release* Onorab Esparon pou e konferans *virtual SADC* ki i pe partisip ladan. E ki komans 11er.

Alor avek zot permisyon, madanm raporter si ou ava atann mwan en pti moman. Alor avek zot permisyon mon pou sey pas son kestyon pli boner.

Nou pou pran kestyon 77 ki pou Onorab Aglae. E apre madanm raporter mon ava demann ou pou verifeye si delegasyon zofisye pou kestyon limero 100 i la. Pou ou kapab dir mwan apre. Mersi.

Nou ava pran en poz *sanitizing* silvouple.

(technical break)

MR SPEAKER

Bonzour e byenveni Mr Benjamin Choppy, *Principal Secretary* pou Departman Lenformasyon, Kominikasyon e Teknolozi. Mersi pou *join* nou pou sa kestyon.

Nou pran kestyon 97 Onorab Aglae.

HON EGBERT AGLAE

Mersi Mr Speaker. Bonzour Mr Choppy.

Eski Minis responsab pou kominikasyon e Teknolozi i kapab dir ek sa Lasanble, apre ki bann negosyasyon ki Gouvernman ti pe al fer ek bann *service provider internet*, televizyon ek *mobile*, ki lenpak ekonomik sa in anmennen pou konsonmater?

Ki amelyorasyon i annan ek servis sirtou an term lavites ouswa *bandwidth*? Mersi.

MR SPEAKER

Mersi Onorab. Vis-Prezidan.

THE VICE-PRESIDENT MR AHMED AFIF

Mersi bokou Mr Speaker. Mersi Onorab. Mon ti ava kontan tou dabor petet komans avek

dezyenm kestyon ki pou answit kapab diriz nou ver larepons pou premye kestyon.

Alors, ki bann amelyorasyon in annan swivan negosyasyon ki nou'n fer avek bann diferan operater.

Premyerman, ki nou, nou ti pe rode atraver sa bann negosyasyon? Premyerman en meyer kalite servis a en meyer pri.

Ki nou kab soumaren i ganny servi pou donn meyer rannman pou Sesel.

E trwazyenmman, ki tou bann operater i konpran ki Sesel i bezwen reste konpetitiv.

Alor apre bokou diskisyon avek bann diferan operater, nou'n vwar bokou servis ki'n ganny revize.

Sirtou kot i konsern servis *mobile postpaid*. E osi *fixed broadband*.

Mon ava donn en legzanp san nonm bann diferan operater ek dimoun ki ganny sa servis. Me i baze lo lenformasyon reel. Pou en servis *broadband* i annan en dimoun ti pe pey R2 mil 500 pou anviron 40 *gigabit*, dan son *package* 2021.

Ozordi sa menm dimoun apre negosyasyon ki nou, nou'n fer, pa zis pou li me zeneralman lo *package*.

Ou kapab pet R2 mil pou *unlimited* avek en *speed* bokou pli for. Sorti par egzansp 0.6, 0.5 *MBPS* pou vin lo 9 *MBPS*.

Ki sa i vadir? Dizon avan ou ti pe pey R2mil 500 pou 40 *gigabit*. I fer ki ou ti pe pey R62.50 pou ou aste 1 *gigabit*.

Par kont ozordi, ou pe *download* napa limit. Me byensir ou, ou konnen ki kantite ou *download*. E dizon sa dimoun i *download* 150 *gigabits*, akoz i *unlimited* li. Dan en mwan pou R2 mil. Sa i fer ki ou pe pey sorti R62.50 ou pe pey R13.33 pou en *gigabit*.

Sa i reprezant en rediksyon 80poursan pri 1 *gigabit*. Zot a demande be ki mannyer sa i posibil. Larepons i tre senp. Nou'n ensiste koman Gouvernman ki annan en par dan kab soumaren ki zot servi plis kapasite sa kab.

Pou ki pei i ganny plis kapasite san ki nou bezwen pey plis.

Operater pou fer plis larzan. Akoz zot espekte ki plis dimoun pou rod bann tel koneksyon e demann pou servis telekominikasyon pou ogmante a long term, san ki zot pou bezwen ogmant zot kou par menm kantite.

Pou vin lo dezyenm parti ou kestyon kot i konsern lekonomi. Dapre Labank

Santral sektor telekominikasyon ti agrandi par 14 poursan an 2020. Kan *COVID* ti lo son *peak*. Sa se senpleman parske tou dimoun ti ape kominik plis atraver *internet*. Akoz zot pa ti kapab zwenn fizikman.

Me diferans ki sa i kapab fer pou ou dan lakour, ou dan biznes i enorm. Parski ou biznes pe ganny plis pou menm larzan. E parfwa menm mwens larzan parey sa legzanp ki monn demontre.

Sa i permet zot fer *savings* oubyen menm re investir dan bann nouvo teknolozi. Parske teknolozi in bouz tre vit ozordi. E sa i kapab rann zot lavi pli meyer e pli abordab.

Zisteman nou pe osi pouse ki Sesel i kapab byento konekte avek *OneWeb*. En proze ki ava permet bann zil elwanye, bato oubyen bann avyon ki an deor rezo normal *internet* bann operater. Zwenn atraver *OneWeb* pou ganny data avek *speed* a en pri pli abordab ki sa ki egziste ozordi. Atraver *VISAT* ou bann lezot mwayen.

Ankor sa i form parti bann negosyasyon ki pe arive lo en baz toulezour. Pou nou kapab kontinyelman amelyor servis telekominikasyon dan Sesel. Mersi Mr Speaker.

MR SPEAKER

Siplemanter Onorab Aglae.

HON EGBERT AGLAE

Mersi *VP* pou ou larepons. 2 siplemanter. Premyerman *VP* an term prozeksyon plan.

An vi ki i annan serten rezyon ki pa ankor kapab antre lo sa *fiber optic* pa ankor ariv kot zot.

Eski i annan bann plan etale pou kapab sirtou dan bann rezyon en pe dan sid, dan sid was laba. I annan serten landrwa ki pa ankor kapab ganny *coverage*. Eski zot pe mazin travay lo sa pou arive?

Dezyenmman, kot i konsern televizyon li menm, eski zot pe mazin en annan bann negosyasyon en pti pe pli *in-depth* an term *package*?

E swa ki i annan dan sa bann *package* osi. Pou i kapab konsonmater i kapab swazir par egzanp si mwan mon en fanatik spor, petet mon pa bezwen pe get tou.

Mon kapab pey en sonm larzan pou mwan kapab get pou spor. Ouswa si mon larelizyon. Ouswa mon en fanatik manze.

I annan sa bann opsyon parey enternasyonal i annan kot ou kapab *pre-pay*. Ou ale ou peye pou ou ganny zis er serten

group *channel*. Eski nou pe negosye dan sa laliny?

E dernyen se ki kot i konsern *coverage* pou telekominikasyon. Nou ankor annan bann rezyon lo Mahe ki par ler, ler ou pe pase menm ek ou *mobile*, nek ou pe perdi *network*.

Eski zot pe mazin osi ganny bann konversasyon pou kapab adres sa size? Mersi.

MR SPEAKER

Mersi Onorab. Vis-Prezidan.

THE VICE-PRESIDENT MR AHMED AFIF

Mersi Mr Speaker. Avek ou permisyon vi ki sa bann kestyon i kouvert bann landrwa en pe teknik. Mon ava demann *PS Choppy Ps Telecoms* pou reponn. Mersi Mr Speaker.

MR SPEAKER

Mersi. *PS Choppy* ou annan laparol.

PS BENJAMIN CHOPPY

Mersi Mr Speaker. Mon aa pran premye pou kouvertir bann landrwa sirtou dan sid.

Sa ki nou konnen se bann *operators* deza zot annan en program pou zot met *FTTH*, *Fiber to The Home*.

So i en program ki zot pe deroule gradyelman. Nou

espekte i en osi tou bann gro proze. I koute, i pran letan pou enplimante.

Selman sa ki nou *aware* I dan zot plan e i pe ganny fer. Nou espekte ki dan lannen ki pe vini sa i ava konplete.

Selman lentansyon i la pou *at least 2* operater ki nou konnen Nasyonal i annan aim pou zot met *Fiber To The Home*. Pou ranplas bann lezot koneksyon. Sa premye.

Lot an term *TV*. Pou lemoman nou focus ti prensipalman lo *internet*. E sa. *TV* nou pa'n *focus* bokou lo la sa letan. Selman mon'n pran not kekfwa en keksoz ki pou nou gete. Akoz mannyer mon pe ekout kestyon zot pe rod konmsi bann kalite servis kot en kliyan i kapab *pick* son kalite *channel*. E ganny sarze zis pou sa, sa zafer sa.

Ultimately selman i en desizyon komersyal sa *operator*. Selman i vre sa area nou pa ti pe *focus* lo la. Nou *focus primarily* la ti lo *broadband - internet*.

Coverage kominikasyon mon krwar sa ou pe dir mobile. Wi i annan serten landrwa ki annan *issues coverage*. An mezir sa bann landrwa nou konnen. Aktyelman nou pran sa bann ka avek bann operater.

Pou gete si nou kapab rezoud sa.

Akoz ennler bann landrwa *coverage* lontan ti napa dimoun. Epi konmela *overtime* nou annan dimoun.

So, zot bezwen re aziste zot *network* osi tou pou kouver. So sa anmezir i ale li osi tou i pou ganny adrese. Enn bann defi la. sa ki mon aware ek bann *operators* se landrwa pou zot met *towers*. Sa enn ban defi.

I annan serten lide ki'n ganny mete pou nou amelyor sa. Mersi.

MR SPEAKER

Byen. Mersi Mr Choppy. Mn ava pran siplemanter Onorab Gabriel.

HON CONRAD GABRIEL

Mersi Mr Speaker. Mon ti ava zis kontan *panel* i klarifye. Ki bann diferan form *tax* ki zot anmase lo sa bann *operators*?

Epi dezyennman an zeneral zis donn nou konbyen, kantite *tax* apepre Gouvernman i anmase par lannen avek sa bann *operators*? Mersi.

MR SPEAKER

Mersi. Vis-Prezidan si ou annan sa bann lenformasyon silvouple.

THE VICE-PRESIDENT MR AHMED AFIF

Mersi bokou Mr Speaker. Mr Speaker, Sekter Telekomunikasyon i enn ki pa ganny egzonere dan *tax*. Savedir *tax* normal i enplike. *Business tax* i pey li lo son profi par lao R1 milyon 33 poursan *tax* lo la.

Income tax tou travayer i peye. *VAT* i aplikab lo Sekter Telekomunikasyon 15 poursan.

Lo son lenportasyon si i annan *customs duty* i peye. Si i annan *VAT* i servi sa koman en kredi kont son *sales*. Alor *tax* normal i aplike pou Sekter Telekomunikasyon.

Si ou demann mon an term konbyen zot kontribye dan en lannen. Mon napa sif egzakt akoz i pa ti lye direktman dan kestyon.

Be selman mon kapab dir ou ki zot sif dafer. Zot *turnover* i environ R1.4 bilyon par lannen.

So, lo la zis son *VAT* i bezwen apepre R200 milyon. Zis son *VAT*. E son *business tax* mon napa la avek mwan. Me selman i en sonm konsiderab.

An plis ki sa zot osi annan en *license fee* ki environ 8 poursan zot *turnover*.

Alor sa i pa en *tax*, ou'n demann mwan *tax*. Me sa i en *license fee*. Me i 8 poursan zot *turnover*.

So en sonm konsiderab ki i peye dan lekonomi. E i en sekter definitivman trez enportan. Mersi Mr Speaker.

MR SPEAKER

Mersi Vis-Prezidan. Onorab Gill siplamanter.

HON CHURCHILL GILL

Mersi Mr Speaker. Dan larepons PS in mansyon, lo kote *coverage*. In mansyonnen ki i annan konversasyon pe ganny fer.

Mon ti le zis met dan son latansyon ki Praslin osi nou annan menm konsern. I annan serten landrwa ki nou ganny difikilte ek *coverage*.

Alor si ler i pe fer sa konversasyon, i osi enkli Praslin ladan. Mersi.

MR SPEAKER

Mersi. Mersi. Nou napa en kestyon la. mon pa konnen si PS ou annan okenn remark lo Praslin an term *coverage*? Oubyen i ava pas ansanm avek lezot?

PS BENJAMIN CHOPPY

I ansanm avek lezot.

MR SPEAKER

Mersi. Bon nou ava *move* lo prosen kestyon. E nou'n ganny.

Ok pou nou kapab pran kestyon Onorab Esparon.

Premyerman mon ava dir Mr Choppy mersi bokou. E bonn kontinyasyon.

Nou ava pran en poz *sanitizing please*.

(technical break)

MR SPEAKER

Bonzour e byenveni zofisye ki'n zwenn nou. E mon *welcome* Mr David Andre, Sekreter Zeneral pou *Seychelles National Institute for Culture, Heritage and the Arts*.

Ms Cecile Kalebi, *Principal Secretary* dan menm lenstiti. E Ms Benjamine Rose, *Executive Director* dan menm lenstiti.

Nou ava pran kestyon limero 100. Onorab. Wi VP ou annan en remark?

THE VICE-PRESIDENT MR AHMED AFIF

Mersi Mr Speaker. Mon pe zis demann ou permisyon. Vi ki nou annan Sekreter Zeneral Mr Andre avek nou. E i annan 2 kestyon ki vize ver Kiltir.

Si nou ti kapab pran tou lede ansanm. So nou ti kapab liber zot pou larestan lazournen avek ou permisyon.

MR SPEAKER

Wi nou pou bezwen donn en gran leskiz Mr Dupres. Ki nou'n met li retar. Me mersi delegasyon Mr Andre pou konpran nou pou sanz lord bann kestyon. I tou senpleman pou nou kapab permet en Manm fer en travay ki i dan lentere Lasanble.

Wi VP nou ava sey fer sa. E nou ava prezant nou leskiz avek Mr Dupres.

Onorab Esparon ou kestyon.

HON REGINA ESPARON

Mersi Mr Speaker. Bonzour tou dimoun a lekout.

An vi ki sa batiman byen koni koman batiman Makaryos North East Point ti sipoze ganny zere par Leritaz Nasyonal pe tonm an rin, e pe ganny servi koman en landrwa kot aktivite ilegal e anti-sosyal pe pran plas,

Eski Vis Prezidan i kapab dir Lasanble ki pa'n ki i annan pou devlop sa landrwa pou benefis Distrik Glacis? Mersi.

MR SPEAKER

Mersi Onorab. Vis-Prezidan.

THE VICE-PRESIDENT MR AHMED AFIF

Mersi bokou Mr Speaker. Mersi Onorab. Mr Speaker vi ki *Seychelles National Institute for Culture and Heritage* i

endepandan. I pa tonm anba direksyon en *Minister as such*.

Avek ou permisyon mon ti ava demann Mr Andre pou reponn sa kestyon. Mersi.

MR SPEAKER

Mersi Vis-Prezidan. Mr Andre.

SECRETARY GENERAL
DAVID ANDRE

Mersi Mr Speaker. Mersi Onorab pou sa kestyon. Mon prezimen ou pe refer lo sa bout later *H5028 North East Point*, Ki ansyen *World War II bunker*.

Mon pa ti okouran i apel Lakaz Makaryos. *So anyway*, so si sa i korek *ok*. Sa later i donn en sipersifi 1367 met kare. E i annan en investiser *Aries Investment* ki ti ganny *awarded tender*. I ti le sel *bidder* o fet dapre lenformasyon ki mon annan.

2015 a 2020, plizyer konsern ti ganny leve konsernan sa proze. Sirtou lo latransparans *tender* ki ti ganny fer sa lepok. Vi ki ti annan bann lezot ki ti *claim*, zot osi zot in deza montre lentere pou sa proze.

Me apre plizyer kominikasyon e verifikasyon, dan *file* i montre ki *Aries Investment* ti annefe sel *tender*.

E *Seychelles National Heritage Resource Council* sa

lepok, ti apros *Aries Investment* pou vwar si i ankor annan lentere pou sa proze. E i ti konfirman ki wi.

Swivan sa bann prosesis pe ganny fer avek Biro *Attorney General* pou drafte en *sub-lease* ki a zour avek sa bann *terms and conditions*.

I reste zis pou vwar pri par met kare avek Minister Later pou nou kapab finaliz sa dokiman, sa *sub-lease*.

Sa proze i konpri en mize ki montre listwar sa batiman ki relye avek dezyenm lager mondyal e bann veteran ki ti partisip ladan.

Detrwa *outlet* ki pou ganny met a dispozisyon bann artizan. En *café*. E osi i annan propozisyon pou fer en pti akomodasyon pou touris lo premye letaz.

Vwala ki mon kapab dir ou pou lenstan ki pe arive avek. Mersi.

MR SPEAKER

Mersi. Wi Onorab Esparon ou siplemanter.

HON REGINA ESPARON

Mersi Mr Speaker. Mr Speaker mon ti ava kontan demann Mr Andre ki dele letan konmsi zot pou donn li, sa investiser *Aries Investment* la, ki dele letan zot pe donn li pou fer sa

devlopman? Parski i ti ganny sa landrwa depi 2015, li e ziska prezan i fer 7an. I pa ankor fer nanryen e ou pe dir mwan poudir i ankor pe montre lentere. Eski zot pe donn li en dele letan?

Parski an se moman sa landrwa pe ganny servi pou fer en kantite aktivite anti-sosyal. E ou dir mwan pou annan en kafe, lezot apartman. E ki loportinite ki pou annan pou bann lezot dimoun dan distrik, Glacis ki anvi sa landrwa pou fer lezot aktivite?

E la mon pe mazin, Brian Bonnelame ki li osi i ti a kapab, ganny enn pti landrwa pou li fer son biznes koud son sofa. Jourdanne anler lo vilaz ki ti a ganny enn pti bout pou li kapab met son pti latelye koud. Ton Joe li osi ki pe rod en fasilite pour li annan son bann zafer plonber e Mr Serge Benstrong ki li osi i ti anvi enn pti labousri la.

Konmsi ki loportinite pou annan pou bann lezot, dimoun pou kapab ganny enn pti, en landrwa la pou zot kapab fer zot biznes. E pour lemoman ki garanti ki zot pe donner, ki sa landrwa pa pou reste dan en leta delapide e pou atir bann delenkan? Mersi.

MR SPEAKER

Mersi, wi Mr Andre ou a kontinyen *please*.

SECRETARY GENERAL **DAVID ANDRE**

Yes, sa ki mon kapab dir ou Onorab, se ki in pran en pe letan akoz zisteman mon'n eksplike ti annan en pe problem lo bann zafer *tender*, ti annan serten dimoun ti pe *claim* ki zot in *tender* eksetera. Donk ti annan serten verifikasyon, ki *Heritage Section* ti bezwen fer sa lepok.

Me apre ou konnen avek *COVID* osi i annan retar, donk ti'n met en *stop* avek sa proze. Me sa dimoun, sa investiser i montre ki i enterese. E parey mon'n eksplike, dan sa ki i pe propoze, i pou annan bann *outlet*, ki pou met a dispozisyon parey bann dimoun ki ou pe dir, dimoun ki kapab *rent out* sa. Sa bann dimoun ki ou pe dir bann artisan - bann dimoun.

So i ava annan posibilite, kot sa bann dimoun i ava ganny lespas pou zot fer serten aktivite ki relye avek, kiltir artizanal, oubyen lezot keksoz. Donk mon sipoze bann dimoun Glacis, i ava en loportinite pou zot kapab vin devan. E loportinite i ava vini ki zot a kapab *apply* pou zot vini, pou zot vin soumet zot bann proze,

zot bann keksoz ki zot annan pou fer.

So sa en keksoz ki mon kapab, dir ou. I normalman i pou ganny lan, pour li fer sa proze. *Du moment* ki tou sa dokiman i ganny sinyen, bann *lease and all* i pou annan lan pou li fer sa. Mersi.

MR SPEAKER

Klarifikasyon Onorab Esparon.

HON REGINA ESPARON

Mersi Mr Speaker. I annan enn mon kestyon pa'n ganny reponn. Ki garanti ki zot pe donnen ki sa landrwa pa pou reste delapide, pou atir bann delenkan? Parski an se moman son pli gro problem la, se ki la anndan dan sa landrwa la, an vi ki i dan en nespes fernwar, bann delenkan i antre, a en moman i ti annan 11 zot pe reste la. Met matla, fer tou bann kalite aktivite anti- sosyal. Nou fer Lapolis pase, fer zot fann kler.

A en serten letan zot retournen. Konmsi ki garanti ki zot pe donn nou, ki sa landrwa pa pou reste delapide e pa pou ganny akse, bann delenkan pa pou ganny akse pou fer sa bann aktivite anti-sosyal?

MR SPEAKER

Mon'n konpran ou Onorab. Mr Andre ou annan en repons *please?*

SECRETARY GENERAL
DAVID ANDRE

Donk sa ki nou pe fer, nou pou donn zot *entry* lo *site*. Sa envestiser, pou li netwaye pour li komans anfen *take care of* sa landrwa. E definitivman mon sipoze, i annan serten keksoz ki nou sipoze fer avek Lotorite sekirite, Lapolis pou verifeye, parske sa si i annan serten aktivite ilegal, e pe ganny fer.

So mon sipoze Lapolis i kapab donn en koudmen lo la. Be selman antretan nou pou donn sa dimoun permisyon, pour li antre pou li netwaye pou komans repar son landrwa. Mersi.

MR SPEAKER

Mersi Mr Andre Onorab Georges., Siplemanter.

HON BERNARD GEORGES

Mersi Mr Speaker. Bonzour Vis-Prezidan. Bonzour Mr Andre, bonzour Ms Rose. Mr Speaker mon ti a kontan, avek ou permisyon demann sa kestyon swivan.

Mr Andre etandonnen ki deza lo kote listwar nou, bann landrwa i nou annan, ki annan en serten lentere istorik i tre

limite. E sa se enn ki annan en laspe nou listwar, ki nou kapab eksplwate, non selman pou touris, me osi pou konesans bann dimoun ki pe grandi isi Sesel.

Annefe i annan sa batiman ki nou pe koz lo la, la. E *across the road* i annan en lot ankor, e en pe pli lwen i annan bann *gun emplacements* ki, tousala ti annan pou fer avek Lager Mondyal. Annefe sa landrwa parey zot konnen, *When Ships Comes* anler li osi i annan serten lentere, defans dan Dezyenm Ger Mondyal.

Etandonnen sa, eski mon konpran lentere Onorab dan son distrik ki pe rod *outlets* pour bann pti biznes. Me eski, nou pa devret plito valoriz son kote istorik? E si pou annan okenn lezot keksoz ki pou asosye avek, annou asosye li dan en nivo istorik, pou donn o mwen en lot keksoz pour dimoun vizite. En lot, en lot landrwa, e ki nou pa perdi sa dan nesosite Glacis pou annan en landrwa pou bann pti biznes ki tre nesese e ki fodre i arive.

Eski nou kapab ganny ou konfirmasyon ozordi, ki ou ava sey reponn sa de legzisans, premyerman ki nou ava annan son kote istorik ki pou ganny byen dokimante, pou ganny byen fer pour ki i kapab la pou

vizite. Non selman sa batiman ki nou pe koz lo la, me bann lezot osi.

Par egzanp enn sa *gun emplacement* i annan enn pti siny lo la. Epi li anndan i plen ek makadanm avek ros eksetera. I pa donn en lenpresyon, ki zoli e ki nesese. Eski nou kapab ganny ou konfirmasyon, premyerman ki son kote istorik pou ganny valorize, lo nivo tou sa bann pti batiman?

E dezyenmman dan sa konteks, i ava annan en debouse pou bann zabitan Glacis osi. San ki enn, i trespas lo lot.

MR SPEAKER

Mersi Onorab Georges.

SECRETARY GENERAL **DAVID ANDRE**

Mersi Onorab Georges. Mon kontan pou Onorab ou sansib anver sa ki nou pe sey fer. E enn bann difikilte ki, anfen Departman Lenstiti Kiltir e ansyen Minister Kiltir in annan se zisteman, finansman pour *maintain* sa bann moniman istorik ki nou annan. E nou'n vwar i annan plizyer lezot landrwa, e sa i sagrinan pou tou Seselwa.

E letan i annan en dimoun i vini i anvi fer en keksoz nou la,

nou premye dabor se pou ankouraz sa dimoun, pou donn nou en koudmen. Me tout an fezan sa, definitivman sa kote istorik i primordyal nou bezwen fer sir, ki i ganny prezerve.

I pa ganny, i pa ganny andomaze. E i annan bann kriter tre spesifik ki nou pe mete, nou pe negosye. Anfen pa negosye me ki nou pe mete avek sa investiser pou fer sir ki i respekte valer istorik sa sit.

E parey ou'n dir, tout an fezan sa ki nou donn serten loportinite bann lezot Seselwa pou kapab fer serten aktivite ekonomik, ki pou anbelir sa landrwa osi, ki i ava ganny viziter ki ava osi kontribye pou *maintain*, sa landrwa.

Akoz nou'n vwar Sesel, enn nou bann gro se nou annan en gro problem kiltir mentenans. E i enportan ki nou kapab trouv serten *funding*, dan sa proze ki nou pe fer, pou fer sir ki sa landrwa i gard son kote istorik e *maintain* li. E lezot osi keksoz ki annan dan sa landrwa, North East Point ler ou pe dir.

E i annan serten aktivite ki nou ti propoze avek Onorab Esparon. Nou'n al fer vizit enn de fwa anler laba Glacis osi, kot nou kapab devlop serten lezot sit osi. Pou fer sir ki sa kote bann valer istorik, kiltirel, i

ganny prezerve e i anmenn osi en reveni pou nou popilasyon. Mersi.

MR SPEAKER

Mersi Mr Andre nou a pran kestyon Onorab William.

HON WAVEN WILLIAM

Mersi Mr Speaker. Mr Speaker etandonnen ki Minis Tourizm pe dir ki lakantite ki vizit pei. Me selman zot depans i vreman pa balanse avek lakantite touris ki vizit pei. E par lefe ki an Oktob, la pou annan sa *meeting* Konsil Onorer.

E mon panse ki, zot kapab fer en prezantasyon dan sa *meeting* avek Minis Touris avek bann Konsil Onorer, pou kapab vwar bann fon par lefe ki i annan sa nosyon kot bann Konsil Onorer pou adopte enn parmi bann distrik.

So mon panse ki ava en sours petet pou reveni, ki zot kapab gannyen. Eski zot kapab konsider sa lide ki mon pe met devan zot? Mersi.

Mersi Mr Andre.

SECRETARY GENERAL **DAVID ANDRE**

Wi definitivman. Definitivman Onorab se en tre bon lide ofet, personnelman mon'n komans deza angaze avek serten bann Konsil Onorer, pou vwar ki

manner zot kapab donn en koudmen. Pou fer sir ki nou, nou fer avanse serten proze. Sirtou dan domenn kiltirel e artistik. E parey ou konnen nou fek sorti Paris pou en gran levennman.

Donk mon'n ganny sans zwenn plizyer dimoun, e definitivman sa en lokazyon ki ou pe dir an Oktob. Kot nou ava profite, pou nou met devan sa bann nide, sa bann proze, ki mon krwar i ava enteresan. Mersi.

MR SPEAKER

Mersi Mr Andre mon a pran siplemanter Onorab Cosgrow.

HON WALLACE COSGROW

Mersi Mr Speaker. Bonzour Mr Andre ek ou tim. Mr Speaker enn bann keksoz ki mon ti anvi koz lo la, me mon krwar Onorab Georges in touse. Mon ti pe enkyete ler mon tann nou pe koz lo labousri, landrwa ki fer sofa.

Me selman nou *at the same time* nou pe koz lo en sit leritaz. E mon kontan ki zot in dir poudir sa *heritage aspect* i pou vin premye. Apre si i annan lezot keksoz, *then* nou a kapab konsidere pou donn enn pti pe lanpler *around* sa landrwa.

Me mon kestyon, i tourn otour eski nou annan, eski zot annan en levanter *of* bann diferan landrwa ki annan, valer leritaz e valer kiltirel. Eski zot annan en lenvanter, zot konnen kote? Eski zot annan nide kwa ki zot anvi fer avek sa bann sit?

E eski zot annan en Polisi, tan ki zot pa en Minister, zot pa en Departman e zot *operate* parey VP in dir endependaman avek Minister e departman. Kwa ki gid zot Polisi, kote Polisi i sorti? E kwa ki gid zot Polisi an sa ki konsern leritaz, proteksyon nou bann leritaz? Mersi.

MR SPEAKER

Mersi Onorab. Mr Andre oule adrese.

SECRETARY GENERAL **DAVID ANDRE**

Wi Onorab. Definitivman Lenstiti Kiltir, i annan en levanter anba seksyon *Heritage*. I annan en levanter, tou bann landrwa, mon kapab donn ou enn de.

Par egzamp nou annan Mission Lodge, La Bastille, Domenn Val de Pres, La Plaines St Andre, Bel Ombre *Treasure Site*. I annan en lalis bann landrwa ki bann sit leritaz, ki nou bezwen preserve.

E nou annan, nou annan en plan, nou annan anba nou *Act sa Institute for Culture*. Definitivman i annan bann keksoz ki, obliz nou pou fer sir ki sa bann landrwa i ganny non selman prezerve. Me solman devlope osi pou lezot dimoun kapab zwir ki swa etranze koman Seselwa.

E bann zanfan osi aprann ki tou Seselwa i konnen, ki nou leritaz i konpri. Definitivman nou annan sa. Mersi.

MR SPEAKER

Mersi Mr Andre. Vi ki nou pros 10er edmi, nou pou bezwen apel pou en poz la. E nou a rebran VP avek delegasyon, nou a rebran kestyon 11er. Mersi.

(BREAK)

MR DEPUTY SPEAKER

Bonzour tou dimoun, byenveni pou kontinyasyon nou sesyon travay pour sa Mardi bomaten. Donk nou pou kontinyen ek *Question Time*. E pour sa enn kestyon i annan bann zofisye, ki'n sanze.

Nou pe al pran kestyon 99. Ki kestyon Onorab Adelaide, ek bann zofisye ki'n zwenn nou. I annan Sekreter Zeneral pour Lenstiti Kiltir avek Leritaz e Lar Mr David Andre i ankor la. Direkter Egzekitiv

Creative Seychelles Agency Mr Emmanuel D'Offay in zwenn nou, e Direkter Egzekitiv pour *International Events Intellectual Property and Investment* Mr Gallen Bresson.

Byenveni e Vis-Prezidan i ankor avek nou. Donk mon ava en vit Onorab Adelaide pou prezant son kestyon silvouple.

HON FRANCOIS ADELAIDE

Mersi Mr Speaker. Ankor enn fwa bonzour VP avek ou delegasyon. Bonzour tou dimoun ki a lekout. Espesyalman bann mizisyen dan Sesel. Mon kestyon i al koumsa,

Eski Minis i kapab donn Lasanble detay lo stati Stad Lanmizik ki sitye dan distrik Larivyèr Anglez, son kou total, son plan lilizasyon, bann fasilite ki pour egziste ladan, e kan eski i pour ganny inogire e ganny met a dispozisyon Seselwa pour lepanouisman nou kiltir Kreol?

MR DEPUTY SPEAKER

Mersi Onorab. Vis- Prezidan Afif.

THE VICE-PRESIDENT MR AHMED AFIF

Mersi bokou Mr Speaker. Mersi Onorab, Mr Speaker avek ou permisyon, mon a permet

Sekreter Zeneral Andre pou reponn sa keston, vi ki i tonm anba kiltir. Mersi.

MR DEPUTY SPEAKER

Sertenman, Mr Andre.

SECRETARY GENERAL
DAVID ANDRE

Bonzour ankore enn fwa tou dimoun. Mersi Mr Speaker. Mersi Onorab pou ou keston. Stad Lanmizik in fin ganny konplete e lakle, in ganny donnen avek *CEO CINEA* sa letan, ki Mr Bresson le 11 Septanm 2020.

I pe aktyelman pe ganny servi par Minister Lasante koman en sant pou fer bann tes *PCR*. Nou konnen dan letan pandemik, nou ti ganny demande pour, demann pou pran *Music Stadium*, pou servi koman en sant pou fer bann tes *PCR*.

Son kou total pou fini sa Stad Lanmizik, in kout Gouvernman R22milyon 799mil 244.16.

Son plan litalizasyon, apre ki restriksyon in ganny tire par Minister Lasante, e keksoz i retourn normal, Stad Lanmizik i ava ganny servi pou bann spektak mizikal. E osi bann lezot performans artistik pou devlopman e promosyon Lendistri Kreativite.

Sa landrwa otour Stad Lanmizik, pou ganny amelyore e anbelir pou met, valer azoute avek sa stad koman sipor pou bann aktivite par egzant, bann kyosk ki pou vann manze rafresisman, kiosk ki pou bann mizisyen i kapab vann zot *CD*, zot disk. Be ki se ki sa landrwa ai vin en vilaz artistik e i servi li, non selman pou bann spektak mizikal. Me lezot aktivite, ki annan pou fer avek Lendistri Kiltirel.

Bann fasilite ki pou egziste ladan. Stad Lanmizik i annan tou fasilite neser, pou son fonksyonman. Sa i enkli fasilite twalet, *changing room*, *waiting area*, e lasal kot bann artis i kapab prepar zot mantalman e fizikman avan mont lo lasenn. E osi bann lasal repetisyon.

E kan eski i pou ganny inogire e ganny met a dispozisyon Seselwa pou lepanouisman nou kiltir Kreol? Mr Speaker parey mon'n dir dan mon lentrodiksyon, Stad Lanmizik pou selman pou selman vin fonksyonnel ler nou pou ganny permisyon avek Minister Lasante.

E selman ler Minister Lasante, i vwar li apropriye pou zot sorti pou servi sa landrwa koman en landrwa pou tes *PCR*.

Akoz nou konnen sa i en priyorite Nasyonal.

Du moman ki zot sorti, nou pou antre, pou nou komans fer nou bann aktivite. Mersi bokou.

MR DEPUTY SPEAKER

Mersi Mr Andre, siplemanter Onorab Adelaide?

HON FRANCOIS ADELAIDE

Mersi Mr Andre pou ou larepons. Premye kestyon mon oule demann ou, vi ki nou tou nou konnen ki Minister Lasante in dir ki le 15, tou keksoz pou large. E de plis mon krwar Minister Lasante, i annan ase landrwa pou zot kapab transfer zot bann servis. E donn sa pou mizisyen aköz, sa ti en keksoz pou mizisyen.

Mon le konnen petet, ki komantr ou annan pou fer lo la. Aköz parey mon pe dir ou, nou konnen pe al large le 15, so ki pli boner posibil, donn nou en *time frame*, pour ki bann mizisyen deor zot a konnen, zot a komans prepar zot.

Apré mon lot siplemanter se ki, nou tann poudir konplent poudir lanmizik pou fer tapaz dan lavil. E i annan bann distrik ki otour sa stad. Eski i annan *survey*, ouswa eski i annan bann letid ki'n ganny fer, pou determinen si vreman sa

stad, lo fason ki in ganny fer i pou vreman pou napa sa lenpak polisyon tapaz dan zanmirant lavil e pou bann dimoun a lantour?

Apré petet mon dernyen pti kestyon se, sa stad li menm lanmizik ler nou pe dir Stad Lanmizik. Apepre konbyen petet dimoun i kapab pran, ler nou pou fer en *show*? Ki maksimonm i kapab pran? Mersi.

MR DEPUTY SPEAKER

Mersi Onorab i annan trwa kestyon, *panel*.

SECRETARY GENERAL
DAVID ANDRE

Mersi pou ou kestyon. Parey mon'n dir *du* moman ki Minister Lasante i ofisyelman dir i pe sorti, pou fer bann tes PCR. Nou ava komans antre pou fer bann preparasyon pou nou komans travay lo en program, pli vit posibil pou nou kapab fer bann aktivite ladan.

Ou'n koz lo si i annan en *survey* ki'n ganny fer, pour evalye kantite tapaz ki i kree. Me depi ler Stad Lanmizik in fer, in napa okenn spektak ki'n fer ladan. So i ase difil poudir si vreman i pe *disturb* dimoun oubyen vi pa pou *disturb* dimoun. Nou prezimen sa i kapab annan serten,

disturbance. Me selman sa i pa ankor arive.

Me parey mon'n eksplike i annan keksoz ki nou pe travay lo la dan nou plan, pou fer si ki napa nou minimiz bann tapaz ki kapab evantelman egziste zour nou pou komans servi li.

E maksimonm dimoun ki sa stad i kapab pran, i prezimen sa stad i kapab pran apepre 8000 dimoun 8-10mil dimoun. Dapre *survey* ki'n ganny fer. Mersi.

MR DEPUTY SPEAKER

Mersi Mr Andre. Onorab Adelaide ou annan klarifikasyon?

HON FRANCOIS ADELAIDE

Dernyen pti klarifikasyon. Ordinerman sa bilding i pou zot, i anba zot responsabilite. Eski i annan koze avek Minister Lasante, eski i annan koze ant zot ek Minister Lasante, pour ki Minister Lasante i kapab dir zot kan i pou sorti, pou bann artis ganny zot landrwa?

Ou konpran mwan ou. I zot rol, pou zot koz avek Minister Lasante, e non-pa Minister Lasante pou reste la dan ziska ler li i anvi, sorti. So sa i pou Minister Kiltir. Mon oule konnen si i annan negosyasyon, ant Minister Kiltir avek Minister Lasante, pou zot

kapab ganny zot landrwa, pou epanouisman bann artis? Mersi.

MR DEPUTY SPEAKER

Mersi Onorab. *Panel*.

SECRETARY GENERAL
DAVID ANDRE

Mr Speaker, mon ti ava kontan demann Mr D'Offay pou reponn sa kestyon silvouple. Avek ou permisyon.

MR DEPUTY SPEAKER

Sertennman. Mr D'Offay?

EXECUTIVE DIRECTOR
EMMANUEL D'OFFAY

Bonzour tou dimoun. Bonzour bann Onorab. Onorab pou reponn ou kestyon wi, i annan en konsiltasyon ki pe *go on* avek Minister Lasante an se moman menm.

Nou'n anvoy zot let, nou'n demann zot pou eksprimen ki zot sa. E i annan lendikasyon, ki dernyen konversasyon ki nou'n gannyen ek Minister Lasante zot pe fer plan pou zot re-rann nou *Music Stadium*.

Vwala kot nou ete dan nou demars avek Minister Lasante. Me in annan kominikasyon avek Minister Lasante.

MR DEPUTY SPEAKER

Mersi Mr D'Offay. Mon a pas laparol aprezan avek Manm Elekte distrik English River Onorab Labonte.

HON ANDY LABONTE

Mersi Mr Speaker. Bonzour Vis-Prezidan e delegasyon an antye. Nou'n vreman apresye ki en Stad Lanmizik in ganny fer pou al, pou kapab ed bann artis pou defoule. Me selman en keksoz ki pa kler, akoz Mr Andre la in konfirman, ki i pa kapab dir si vreman i pou en, *noise disturbance* dan English River.

Me selman ou'n dir poudir sa stad pa ankor zanmen ganny servi. Me malerezman in deza annan en *trial*, sa tapaz ti deza, tro bokou pou zabitan La Rivière Anglaise. E en lot keksoz ankor ou'n konfirman ki sa stad pou pran 8000a 10mil dimoun.

E mon mazine ki *usually* i annan bann spektak parey, i toultan annan transpor ki ganny servi. Eski zot in mazine osi? Akoz mon pa'n tann ou dan ou prezantasyon, koz lo *parking* malgre ki ou'n dir i annan tou lezot fasilite. Mersi.

MR DEPUTY SPEAKER

Mersi Onorab. *Panel?*

SECRETARY GENERAL
DAVID ANDRE

Wi mersi. Parey mon'n eksplike, mwan mon pa en eksper dan enzenyer, oubyen dan *whatever*. Stad pa ankor ganny servi pou fer en *show* kot nou kapab, vreman evalye ki kalite lenpak sonor i annan lo bann dimoun dan sa lanvironnman.

Si in fer en ese kot nou'n santi poudir, zabitan i santi poudir vre i pou annan en *disturbance*, sa i posib.

Me selman i pa ankor ganny servi, koman pou fer en spektak. Me parey mon'n eksplike mon krwar nou tou, nou kapab rezonnen e lozikman en landrwa ki *open air*, i kapab annan posibilite ki i fer tapaz.

Me selman nou pa kapab dir presizeman, wi i pou annan en *disturbance* oubyen si serten ler ki nou pou fer sa bann aktivite, i pou akseptab pou fer e arete en serten ler, pou pa *disturb* lezot dimoun. Sa i bann keksoz ki nou pou bezwen vwar.

Sa ki nou bezwen realize, i annan en stad ki'n ganny fer, pour bann mizisyen. E sa stad in ganny fer en bon pe letan pase, nou pa kapab retourn an aryer.

So nou bezwen gete ki mannyer nou kapab *mitigate* sa keksoz, ki mannyer nou kapab servi li dan en fason ki pa pou *disturb* dimoun an menm tan ki pou kapab permet nou, pou fer

bann aktivite ki nou merit fer. E amelyor li o firamezir, an mezir nou ale.

An se ki konsern *parking*. *Parking* dimoun ki pou vin, bann dimoun ki pou vin kot sa Stad Lanmizik, normalman bann dimoun pa pou park la. Akoz napa vreman gran fasilite *parking*. Zis bann dimoun ki pou enplike direktman kekfwa bann artis bann Lazans ki pli *involve* dan sa bann aktivite.

Me si non piblik li menm i pou park, an deor pou napa fasilite *parking*. Swa nou a park kot *stadium*, oubyen kot *Espace* lot kote, oubyen en pe partou dan lavil dimoun i marse pou vin la. Akoz i pa lwen pou sorti nenport ki landrwa lavil pou vin la apye. Mersi.

MR DEPUTY SPEAKER

Mersi Onorab. Klarifikasyon Onorab Labonte.

HON ANDY LABONTE

Mersi Mr Andre pou ou leksplikasyon. *Just in regards to* bann lezot servis ki ou dir i pou annan ladan se ki, pou annan bann kyosk kot dimoun pou kapab vann manze. Eski zabitan La Riviere Anglaise, vi ki zot ki pe plis sibir sa kou tapaz, zot pou annan serten priyorite, *when it comes* bann

servis ki pe ganny donnen dan sa stad li menm li? Mersi.

MR DEPUTY SPEAKER

Mersi Onorab. Panel.

SECRETARY GENERAL **DAVID ANDRE**

Definitivman. I *mean* definitivman i pou annan bann *appel d'offre*, bann dimoun ki ava enterese pou vin partisipe dan sa bann aktivite. E mon krwar i totalman normal, ki si i annan dimoun dan la rezyon la Rivière Anglaise ki kapab ofer bann servis, ki ale avek, Mon pa vwar okenn problem avek sa. Definitivman wi.

Letan sa bann letan i ava arive, Dimoun i ava konnen zot ava fer zot bann demars neserer pou zot partisipe. *Yeah* definitivman.

MR DEPUTY SPEAKER

Mersi Mr Andre. Mon a donn laparol Onorab Vidot.

HON AUDREY VIDOT

Mersi Mr Speaker. Mr Speaker, mon ti le demann avek Mr Andre. Prenon kont ki avan ti annan konsern ki nou ti leve avek Lasante. Ler kot sa bout morso kot bann dimoun, ti *provide* zot *I.D cart*, letan soley for apre lapli, ti annan konsern lo sa bout *area*.

Akoz mon konnen ler Lasante pou rann Stad Lanmizik, posibilite sa landrwa zot pou servi pou vann tiket. Sa bout *area* an deor, kot stad la. Eski in fini adrese, oubyen i deza fini annan en plan ki'n fini prepare pou petet *extend* en kouvertir, lo sa bout *area*, ki petet ler Stad Lanmizik pou *reoperate*, bann dimoun ki si zot pe vann tiket dan sa bout *area*, lapli soley bann dimoun *at least* i annan en *proper* kouvertir. Sa i enn.

Aprè i annan konsern ki i annan dimoun letan ki zot ti pe al laba pour *PCR*, zot in vwar serten bann *crack*, dan bilding *inside*. Eski sa pa en problem, i pa en danze? Zis pou eklersi. *Thank you.*

MR DEPUTY SPEAKER

Mersi Onorab. *Panel.*

**SECRETARY GENERAL
DAVID ANDRE**

Mr Speaker mon kapab avek ou permisyon demann Mr D'Offay pou eklersi Onorab silvouple.

MR DEPUTY SPEAKER

Sertenman. Mr D'Offay.

**EXECUTIVE DIRECTOR
EMMANUEL D'OFFAY**

Onorab mersi pou ou kestyon. Pou reponn ou kestyon, ler - *I*

mean ou dir nou i annan dimoun in vwar *crack*, i kouvertir *booth*. Ler Minister Lasante, i rann nou *Music Stadium*, nou pou bezwen al reevalye li. Akoz pandan sa bann letan i dan zot, i dan zot posesyon zot ki ti pe servi, nou pou al reevalye.

E konsiderasyon pe ganny pran pou kouvertir sa bout parey ou pe demande kot *booth* pou *ticket*. I pou annan serten keksoz ki nou bezwen fer pou asire ki sa, sa Stad Lanmizik i donn maksimonm konfor, ki bann dimoun i bezwen ler zot pe vin servi, nou bann kliyan. Mersi.

MR DEPUTY SPEAKER

Mersi pou ou larepons. Ti napa lezot Manm ki ti'n endike, poudir zot oule demann kestyon lo sa enn kestyon. Donk napa person ki mon'n manke. Si napa alor nou a pran en poz pou *sanitize*. Akoz nou pou sanz *panel*, pou pas lo lot kestyon.

Nou ava remerci bann zofisye, sorti kot Lenstiti Kiltir Lar avek Leritaz, pou zwenn nou bomaten. Nou a pran en poz *sanitize* pou nou kapab anmenn lot Zofisye. Mersi pou zot prezans.

(technical break)

MR DEPUTY SPEAKER

Ankor enn fwa byenveni. Nou pou kontinyen ek nou sesyon kestyon pour la bomaten. Nou pou aprezan pas lo kestyon 98 ki pou Onorab Gill. Zofisye ki'n zwenn nou se Sef Egzekitiv SBC Mr Berard Dupres e Vis-Prezidan Ahmed Afif i ankor avek nou. Donk mon ava envit Onorab Churchill pou poz son kestyon silvouple.

HON CHURCHILL GILL

Mersi Mr Speaker. Bonzour CEO.

Eski sa Lasanble i kapab ganny lesplikasyon: -

Konbyen *airtime* ki raportaz SBC i donnen ler zofisye baze Praslin i anvoy lenformasyon pertinan e enportan pou benefis zabitan sa 2 zil?

Prenon kont ki lenformasyon sorti lo sa 2 zil, i pa pas tou le zour, akoz ki SBC i bezwen edit sa bann lenformasyon dan en fason ki i vin bokou pli kourt e bann pwen pertinan pa ganny pase? Mersi.

MR DEPUTY SPEAKER

Mersi Onorab. Vis-Prezidan.

THE VICE-PRESIDENT MR AHMED AFIF

Mersi bokou Mr Speaker. mersi Onorab. Mr Speaker vi ki SBC i en lenstitisyon endepandan e menm ki SBC ki tonm anba portfolyo lenformasyon, i tonm anba Biro Vis-Prezidan, sa kestyon i teknik, e baze lo son bann loperasyon. E avek ou permisyon mon ti a demann avek CEO pou reponn kestyon. Mersi.

MR DEPUTY SPEAKER

Sertenman. Mr Dupres?

CEO SBC BERARD DUPRES

Mersi Mr Speaker. Bonzour Mr Deputy Speaker eskiz mwan. Bonzour tou Manm Onorab ek tou dimoun a lekout.

Lo premye kestyon ki demande konbyen *airtime* ki raportaz i donnen ler zot zofisye baze Praslin i anvoy lenformasyon pertinan. *Airtime* setadir ki kantite letan ki en raportaz i gannyen dan en bilten, i baze lo son lenportans medyatik. Son *news worthiness* parey i ganny dir an Angle. Savedir son relevans, konteks e lenportans vizavi nou manda pou enformen, e edik piblik.

An menm tan, mon bezwen fer resorti ki parey tou medya, SBC i osi esey swiv bann standar etabli konsernan

grander reportaz. Sa i egzize ki en rapor i pas depas 3 minit an mwayenn e bann ekstre entervyou oubyen diskour i an mwayenn 45 segonn.

Se sa ki nou pe montre nou bann zournalis, ki zwenn nou e ki an zeneral nou ekspekte zot aplike letan zot komans fer zot rapor pou raportaz. Sa bann tel konsiderasyon, i responsabilite *hiérarchie* nou lasal redaksyon.

Partikilyerman, nou redakter an *chef*, ki kontinyelman zot bezwen reviz e priyoritiz bann reportaz pou en bilten. Napa okenn kantite *airtime* oubyen letan spesifik ki ganny dedye pou Praslin. Nou konsider tou nouvel dan konteks Sesel, an antye avan tou.

I enportan pou fer resorti, ki apard nouvel, *SBC* i fer son mye pou kouver nou bann Zil Pros Praslin ek La Digue an partikilye, atraver bann lezot program televizyon ek radyo.

Ou dezyenm kekyon, parey mon'n mansyonnen taler, bann editer ki reviz bann reportaz, dan en fason ki zot reste an konteks e relevans avek sa size ki pe raport lo la.

E byensir pou reste an ankor avek nou bann editoryal e nou bann standar etabli. Parey mon'n dir avan enn sa

bann standar, etabli se ki en reportaz pa devret depas 3minit.

Enn bann preokipasyon kotidyen lo lasal nouvel i pou pas an reviz reportaz sa i enkli koupe, senplifye, e bann detay ki pa nesese ganny retire, afen ki sa bann rapor i ganny pli byen asimile par nou lodyans, avan ki nou pe pas sa bann tel lenformasyon.

Sa redaksyon pa ganny fer avek zis bann reportaz ki sorti ou relye avek Praslin. I ganny fer avek tou reportaz, e sa i tipik partou dan bann tou lasal redaksyon atraver lemonn. Si i annan lenstans kot raportaz in ganny koupe, ou senplifye dan en fason kot lenformasyon nesese pa'n ganny pase, *SBC* i plis ki kontan pou resevwar bann tel konplent spesifik. Sa i ava ed nou pou amelyore.

An menm tan *SBC* i rekonnèt ki i annan lenformasyon, enportan ki ganny pase e ki pa posib pou pas li dan sa 3 minit ki en reportaz pe donner.

Dan sa bann ka nou demande ki nou ganny enformen byen davans, pour nou kapab organize pou filmen, swa pou en *News Extra* - en lot program televizyon ou radyo, oubyen menm pou rikorde, pas preski an antye pli tar.

I osi enportan Deputy Speaker, pou note ki *SBC* pe finans en lofis permanan lo Praslin. An se moman i annan en travay ki pe ganny fer pou donn plis lespas travay pou nou bann *staff* Praslin. E i bon note ki sa i enn bann rekomandasyon ki Komite Medya dan Lasanble Nasyonal ti fer apre ki zot ti fer zot vizit lo lofis Praslin pli boner sa lannen.

E resaman nou'n ranforsi nou lekip Praslin avek en lot zournalis sorti Mahé. Sa de pwen i en lendikasyon ki *SBC*, i pran son zefor pou donn otan kouvertir lo Praslin ek La Digue o serye. Mersi Mr Deputy Speaker.

MR DEPUTY SPEAKER

Mersi pou larepons *CEO*. Onorab Churchill Gill, siplemanter?

HON CHURCHILL GILL

Mersi Mr Speaker. Mersi *CEO* pou leksplikasyon. Selman ou a dakor ek mwan ki menm sa standar 3 minit, i annan de ka kot *SBC* i pas serten reportaz ki bokou plis ki 3minit.

Dan sa konteks koumsa ki mon pe koze, si i annan loportinite ki serten raportaz sorti Praslin ki pertinans - Natirelman pa tou reportaz, ki

ganny klasifye koman pertinans - i ganny sa menm loportinite.

Nide se sa ki nou pe rode, ler i annan bann lenformasyon ki tre enportan pou zabitan, i ganny sans pase. Mwan mon respekte striktir mannyer i fer, mannyer ou'n eksplike. Me selman petet dan lasal editasyon kot zot edit.

Mon konnen zot en bann profesyonnel. Me selman par ler vi ki nou, nou *involve* dan sa bann lenformasyon ki nou pe koz lo la, nou santi petet par ler pwen pertinans pa sorti, dan sa sans ki nou pe koze. Petet revwar byen, ler i ganny edite ki lenformasyon i dan son konteks e i pertinans.

E sa i a fer ki zabitan sa 2 zil, zot a kapab ganny lenformasyon. Akoz nou kapab konpran, ki pa tou dimoun ki ganny sans vwar lenformasyon ler i pe arive. Bokou dimoun i depan lo televizyon apre, pou zot lenformasyon. Se dan sa konteks ki nou pe demande ki otan posibil, kot i annan loportinite fer nou osi ganny sa loportinite pou benefis bann dimoun. Mersi.

MR DEPUTY SPEAKER

Mersi Onorab Gill. Mr Dupres.

CEO SBC BERARD DUPRES

Mersi Onorab pou ou *feedback* - i apresye nou pran li, nou *take* li *onboard*. E aneife i en *feedback* ki nou gannyen pa zis sorti Praslin. Me an zeneral dan bann reportaz SBC, ki pou ranforsi lafason ki mannyer kominik mesaz dan en fason pli *pointu*, pou nou *stakeholders*.

MR DEPUTY SPEAKER

Mersi, pou ou larepons. Onorab Woodcock.

HON WAVEL WOODCOCK

Mersi, Mr Deputy Speaker. *VP* mon kestyon i *comme* swivan;

Permet mwan pou komanse Deputy Speaker par remersye bann reporter Praslin. Sirtou Davis, Ms Alisson Dugasse li osi, Ms Nicole Asba pou sa bon travay ki zot pe fer.

Mon kestyon i sirtou kot i konsern bann program lo zil, eski ou kapab spesifye bann program aktyel, radyo ek televizyon ki kouver rapor, lo Praslin osi e La Digue.

E par lefe ki program 'Zil Pros An Mouvman' i kouver spesifikman kominote biznes ki benefisye - ki benefis ki sa i anmennen pou bann biznes lo Praslin? Enn pti pe ki bann *challenge* osi ki SBC i pe fer fas avek?

Akoz mon konnen i annan en kantite - pou limit resours limite ki zot annan en pas travayer. Konmsi ki enn pti pe bann dezavantaz, bann difikilte ki zot pe fer fas avek e ki mannyer zot pou *accommodate* sa bann difikilte ki zot pe fer fas avek? An vi sa gro travay ki zot pe fer lo Praslin? Mersi.

CEO SBC BERARD DUPRES

Mersi Onorab. Mersi pou ou *feedback* - i apresye. Tou an rekonesan sa bann defi, nou *committed* pou nou kapab kontinyen fer bann program parey 'Zil Pros An Mouvman.' I annan lezot program televizyon. Apre mon a vin lo pou radyo ki nou pe kontinyen fer pou sey kouver Praslin.

'Tremolo' tanzantan i monte, pou fer serten pwen lo la. I apropiye poudir vi tanzantan nou pe koz televizyon ek nouvel, ki lo radyo nou osi annan konteni ki kouver Praslin e Zil Pros.

An se moman i annan en lekip radyo lo Praslin ki pe travay lo edisyon Praslin pou trwa program. 'Nouvote', ki pou kouver bann artis Praslin, 'Laz Dor' ki kouver bann trwazyenm-az. E 'Vizit' ki kouver bann biznes e diferan lendistri. I osi annan en nouvo program 'Kokosye', ki li i

kouver zis Praslin. E i en versyon Zil Pros An Mouvman lo radyo.

So mon oule profite fer enn pti *advertisement* pou nou lot platform radyo dan sa konteks.

Lo kote 'Zil Pros An Mouvman', wi i en resours, nou *commit* sa bann resours. Mon krwar, i donnen vizibilite bann biznes Praslin dan en fason pozitiv. An menm tan ou kapab rekonnèt poudir i annan biznes lo Mahé ki dir be nou ki manner, nou pa pe ganny sa kalite *exposure*?

Be zisteman sa enn bann pozitiv ki nou bezwen rekonnèt dan nou zefor pou Praslin. Mersi.

MR DEPUTY SPEAKER

Mersi Mr Dupres. Mon vwar, Onorab Woodcock pe endike - ou le *clarté*.

HON WAVEL WOODCOCK

Wi en siplèmanter Mr Deputy Speaker. *CEO* mon konnen, dan sa bann dernyen mon krwar poudir bann Onorab ki'n ganny plis *coverage* Sesel, se bann Onorab lo Praslin, enkli proporsyonnel *Liaison Officer*.

Si nou pou admet, nou ase souvan lo televizyon enkli nou *Liaison Officer* osi. Petet ou kapab donn nou en pe detay -

mon pa konnen si ou pou annan sa statistik avek ou la - li dirasyon reportaz, *coverage* Praslin e La Digue pe gannyen an mwayen par mwan lo *SBC*? Mersi.

CEO SBC BERARD DUPRES

Mersi pou ou kestyon Onorab. Mon napa statistik spesifik lo sa dirasyon. Akoz petet nou preokipasyon i pa neserman vin dirasyon. Me avek kalite bann program ki nou anmennen. E mon kapab dir i annan bokou - parey mon'n donn legzanp.

Sepandan lo kote zis reportaz nouvel an mwayenn, nou'n mon krwar nou'n, nou kapab *provide* sa statistik ki ou'n demande me pour lo kote nouvel, mon krwar mon'n ganny en pe la, mon pa konnen si i kapab dan prezantab. Me selman petet, mon pe rod en *figure* pou mwan donn ou.

Depi Zanvye ziskan lafen Zen, nou'n ganny nou'n fer nou an total 50 spesifik *news item*, ki relye avek Praslin. E 23 ki relye avek La Digue. Tout an rekonesan ki i annan ankou bokou ki nou kapab fer, sanmenm sa nou'n *beef up* ou tim Praslin.

E si ou pou porsyon li relativ avek bann lezot 23 distrik ki reste Mahé, mon

krwar i en o statistik. Mersi Onorab.

MR DEPUTY SPEAKER

Mersi Mr Dupres. Mon'n rekonnet Onorab Aglae ti'n endike ou le demann kestyon.

HON EGBERT AGLAE

Mersi Mr Speaker. CEO dan ou larepons ou'n fer resorti ki zot annan en standar - en norm enternasyonal ki zot servi letan zot pe fer bann raportaz lo medya. E enn bann eleman kot ou'n nonmen, ou'n site se *news item worthy* petet.

So mon kestyon, i ladan petet en? An vi ki se zournalis li menm li ki, labaz prodiksyon sa nouvel ler zot ti pe fer *interview*, avek okenn endividi dan okenn levennman, sirtou la nou koz dan konteks Praslin,

Eski prezan bann kestyon ki mon krwar i enportan, pour ganny demande a sa endividi baze lo sa levennman ki zot pe kouver, eski zot etabli en format pour kapab sa ki pe ganny *interview*, i kapab fer sorti son konsern klerman.

San ki i bezwen, ki parfwa ou pe vwar bokou bann *voice over* zis pou ou re-kapte en fwa. I pa kapte osi, sa ki petet sa ki sa dimoun pe dir. Eski zot pe servi en standar pou fer sir ki, *the juice of the event*, i ganny

kapte. E sa ki pe met son konsern devan i kapab servi?

E lot osi enportan, se *how far* ki zot ale osi pou ganny the *views* dan bann lenstans kot, i kapab annan serten sityasyon kot ou bezwen annan tou lede kote *views*. *The pros and the cons*, parey nou dir. Eski zot fer sir ki sa bann keksoz i ganny adere pou kapab anmenn sa *fairness* dan sa bann reportaz? Mersi.

MR DEPUTY SPEAKER

Mersi Onorab. Mr Dupres?

CEO SBC BERARD DUPRES

Mersi Onorab pou kestyon. Sa bout ki ou'n leve an term pou pli byen *capture* sa *interviewee*, i en *challenge* ki de kote. I sa zournalis li menm. Parey nou konnen, me osi sa *interviewee* ki mannyer i reponn son kestyon.

E parfwa nou ankouraze ki, i *to the point, short and sweet*, parey Angle i dir. Ki i kapab ede ki zot vin ek zot *soundbar* ki zot, zot ti ava kontan i pase. E fer sir ki sa i ganny dir. E sa i ede ladan. E nou osi ankouraz bann *stakeholder*, ler zot annan en levennman, oubyen en keksoz zot anvi pas ek lapres. I annan en *written press statement* ki *point out* lo la ki mon ti a kontan

i ganny dir. Sa i benefis sa zournalis.

Nou rekonnet poudir, menm si sa i annan parfwa, sa pa ganny relye dan en fason apropiye, *to the satisfaction of sa stakeholder*. E nou pe travay lo la. Nou annan - annefe i annan en diskisyon an se moman dan nou editoryal, pou nou vwar ki mannyer, an plis ka sa 3 ou 5 *minute or whatever*, ki nou kapab fer dan *news*, nou donn *better* reprezantasyon, *better exposure*, pour sa ki'n ganny dir lo serten size pertinan.

Sa i en travay kontinyel, e mon enn bann diskisyon ki nou annan se pour nou kapab *engage* avek bann *stakeholders*, zisteman lo en fason fer ki en pe pli byen, ki en pe pli agreab pou nou tou lede kote. Tout an rekonesan nou bann defi, pour nou kapab kit li dan sa format ki nou, nou annan. Sa i enn.

Aprè lo kote balans. Mon krwar si nou sey rekonnet, i annan en bon pe travay, ki'n ganny fer pou anmenn balans, dan nou bann rapor. E si i pa ganny fer toudswit i ganny fer o firamezir sa size sa topik i ganny depouye, dan diferan fason, pa zis dan nouvel.

Eski nou kapab fer pli byen? Byensir. E sa nou rekonnet e *feedback* ki ganny ki

nou gannyen, ki *pointu* lo tel ou tel reportaz, i pa'n balanse oubyen kwa, i ed nou osi pou nou kapab amelyore, pou nou kapab pran li *onboard*, pou nou kapab fer li *better next time*. Mersi Onorab.

MR DEPUTY SPEAKER

Mersi Mr Dupres, mon'n sezi lapant kestyon Onorab Aglae. Solman mon kosyonn Lasanble *subject matter* i Praslin, *let's keep it* lo travay SBC lo Praslin. Mon ava apel Onorab Adelaide.

HON FRANCOIS ADELAIDE

Mersi Mr Speaker. Bonzour CEO Dupres. CEO mwan mon kestyon petet, Speaker gid mwan si mon al *out of order*. Me selman mon krwar i *in order*. An mon konnen zournalis i pa en tyak, i pa en dyob, i en profesyon.

E pou ou fer sa travay, mon krwar i devret annan bann bagaz ki ou antreprann. E pou ou kapab delivre selon lekspektasyon, eski kot SBC, zot annan sa bann kour pou bann zournalis, pou ou donn bagaz zournalis pour ki zot vin profesyonnel, e ki zot kapab *attend* zot lobzektif? Vi ki zournalis i mon krwar i katriyenm pilye la demokrasi.

So eski zot annan bann *course* ki zot *train* zournalis pou

zot vin en profesyonnel, non pa zis vini rod en, dyob zis pou fer sa travay? Mersi.

MR DEPUTY SPEAKER

Ou zis lo *border*, me sa i enkli bann zournalis ki pe baze li Praslin avek La Digue i osi. *Proceed* Mr Dupres.

CEO SBC BERARD DUPRES

Mersi Mr Speaker. Mersi Onorab pou ou keston. I pertinan. *Challenge* ki nou annan, dan mon krwar tou profesyon osi, se atrakte e retain *caliber* zournalis. Me osi dimoun ki pran li koman en vokasyon. I pa zis en travay. Ou kapab donn bokou. Me SBC i donn en ta *training*, *Learning Centre* i pe roule.

En *batch* i vini, en lot i vini. E nou kontinyen demann *additional training* tou nou bann zournalis. Met an aplikasyon i en lot keksoz, e i pa zis nouvo zournalis ki devret mete. Zournalis ki la de long dat, ki'n deza adapte e kontinyen keep *on top* lo zot profesyon.

Mon pou profite petet fer resorti ki, si nou petet anvil lev en pe plis standar, nou bezwen get saler ki nou pe peye pou atrakte sa profesyon. E nou'n fer travay pandan sa lannen ki'n pase, pour nou revwar

Scheme of Service pou zournalis. E nou'n pa'n kapab enplimante aköz in ganny dir, nou bezwen tenir, nou bezwen espere.

So pou nou i mars de kote. Si nou anvil lev standar, nou anvil ganny pli bon kalite, nou osi bezwen fer atrakte kalite. Pou bann ki deza la, i annan en travay kontinyel pou nou donn sa ki nou apel *in service*, *peer to peer*, ki plis ki 70poursan of the *training that you have*.

I annan bon kalite ki nou kapab swiv. E lezot osi i pe ganny ankouraze e nou striktir *hiérarchie* nou zoom, i enn ki baze bokou lo *feedback*.

So nou bezwen travay avek sa ki nou annan, dan nou **toll**. E nou pe kontinyelman fer pou amelyore. Zisteman mon a profite, i annan *Diploma in Journalism Course* ki pe ganny *advertise* par *University of Seychelles for the next second batch*.

SBC i pare pou *sponsor scholarship* pou bann etidyan ki'n fini la, pou zot vini pou zot kapab vin dan sa profesyon. E mon pe ekspekte ki nou respekte osi sa valer sa profesyon ki ou Onorab ou'n donn li katriyenm pilye nou demokrasi ki enportan.

E parfwa petet enn bann komanter sosyal or an zeneral

ki fer ki dekouraz dimoun pou vin dan sa profesyon osi, *or* sa saler ki annan lezot talan pli *attractive* ki sa profesyon ladan. Sa osi nou bezwen konsidere koman en pa zis *SBC*, be dan nou pei an zeneral. Mersi.

MR DEPUTY SPEAKER

Mersi Mr Dupres. Onorab Gabriel. *The gist of the question* i reste en, Praslin.

HON CONRAD GABRIEL

Mersi Mr Speaker. *welcome* Mr Dupres. Zis an pasan, mon ti anvi konnen, apepre konbyen i pe kout *SBC* pou mentenir sa lofis Praslin? Donn nou enn pti pe lozistik detay ki kalite *work base* ki ou annan?

E nou konnen ou anvi *beef up* sa *process*. Ki zot pe mete pou 2023, pou kapab mentenir e fer sa Praslin relevan konmsi, lo kote *journalism*. Mersi.

MR DEPUTY SPEAKER

Mersi Onorab. Mr Dupres.

CEO SBC BERARD DUPRES

Mersi Onorab. Parey mon'n mansyonnen pli boner, deza nou'n komans met en pe resours Praslin. Nou'n bezwen lwe *additional space* dan sa bilding, pou nou kapab fer ki i annan, plis lespas pou

nou 4, ou 5 *staff* la, ki mannyer i annan en dan en tranzisyon.

E pou kapab *allow* en pe nou bann *staff* Mahé si ler zot pou al travay zot kapab *edit*, Praslin, fer zot travay Praslin e anvoy sa Mahé. So deza nou ep double mon kapab dir nou kapasite *rental* pou *office space*.

Nou'n pe investir dan lekipman *IT* ankor pou al *enable better* transfer lenformasyon avek Mahé. Lo kote resours imen, pou lemoman nou krwar ki *optimal*, nou bezwen get li dan konteks *SBC* an antye, ki li osi annan son kontrent pou li ganny zournalis an zeneral.

Me i parey mon'n mansyonnen i annan lezot program e mwan mon anvi fer pwen lo la, ase byen ki pe fer sorti Mahé pou kapab kouver nou bann lezot Zil Pros. Mersi Onorab.

MR DEPUTY SPEAKER

Mersi Mr Dupres. Mon pas laparol avek Onorab Loizeau.

HON NORBERT LOIZEAU

Mersi Mr Deputy. Bonzour *VP*, bonzour msye *CEO* Dupres. *CEO* mon anvi demann ou en kestyon an relasyon ek Praslin. En nouvel i bezwen *news worthy* pou pas lo televizyon. Mon korek? *Ok*.

Ki kriter zot servi pou Praslin, menm si i pa *news worthy* nou pase aköz Praslin, La Digue i laba, nenport ki keksoz ki zis nou filmen, menm i pa *news worthy* nou bezwen pase, aköz pou fer plezir Praslin? Mon ti a kontan ou rann mwan sa larepons. Mersi.

MR DEPUTY SPEAKER

Mersi pou ou kestyon. *CEO*.

CEO SBC BERARD DUPRES

Mersi pou ou kestyon Onorab. Onorab nou pe seye pou ganny en balans. Pou nou evite en pe bann kestyon ki nou'n gannyen ozordi. Nou reprezant nou *Seychelles Broadcasting Corporation*. Nou reprezant Sesel an avan tou.

E en bon pe program, nou bann program ki nou fer e nou bann nouvel i pertinan pou Sesel antye. I annan Praslin ek La Digue ki annan keksoz, ki pase ki pertinan pou Sesel antye. E nou, nou sey balans. E enn bann kritik petet ler ou pa'n pas li a tan.

Me selman nou krwar si i vo lapenn, pou pase pour pa zis Pralinwa konnen. Tou dimoun Mahé, Praslin, La Digue, Sesel antye pou konnen ki pe pase Praslin. Nou pe gannyen, nou pe sey gannyen sa balans. E parey ou'n vwar Onorab, nou pe

ganny *feedback* petet pe dir pa ase.

Mon krwar ou pe dir, en pe petet pa relevan tro bokou. Me nou dan milye, nou pou kontinyen *try to fer li as best as we can*. Mersi Onorab.

MR DEPUTY SPEAKER

Mersi Msye Dupres. Mon ava pas laparol avek *Leader of Government Business* Onorab Georges.

HON BERNARD GEORGES

Mersi Mr Speaker. Bonzour *CEO*, Mr Speaker mon napa en kestyon, mon ti a kontan zis solman fer en lobzervasyon ki mon i ava sitye en pa sa ki nou, pe fer la dan konteks kestyon Onorab Gill.

Obviously nou tou nou politisyen, nou tou nou anvi ganny maksimonm *coverage* ki nou kapab annan. Sa i toutafe normal, e i en laspirasyon ki antan ki politisyen nou annan. E i annan de fwa ler nou pa gannyen, nou mekontan ou nou dezapwente.

E mon koz personnelman la. Par egzantp, tanzantan mon fer sa ki mwan mon krwar i en entervansyon ekstraordiner dan sa Lasanble. E i pa pas ditou, oubyen mon fer en pwen e lafason ki lapant raportaz i ganny donner, se konmsi en lot

dimoun ki'n fer sa pwen. E sa nou tou, nou tou nou, nou dan sa ben. Nou tou nou annan sa.

Nou bezwen rekonnèt ki SBC, i pa enfayib. I pou fer *mistake* tanzantan. Rezon mon pran laparol la apre midi, e mon pa, pardon wi - la bomaten eskiz mwan se, se pa pour pran okenn *side*, me pour fer Lasanble rapel ki sa ki nou pe koz lo la ozordi la, in toultan dan Lasanble.

Annefe an 2001, ler mon ti'n fek antre dan Lasanble menm keksoz in arive. E mon ti fer, mon ti lev en *matter of privilege* avek Speaker. E mon ti dir ki mon'n fer en pwen ekstraordiner, ki ti annan kapasite pou sanz direksyon pei. E SBC in kit mon pwen ater.

E Speaker in donn en, en *ruling*. E mon krwar, e se sa ki mon ti anvi partaz ek Lasanble ozordi. Akoz i annan en *ruling* sa Lasanble lo sa pwen. E Speaker MacGregor, ti dir dan son *ruling* ki Lasanble i annan pouvwar kontrol lafason ki son bann deba i ganny raporte. I annan sa pouvwar. Nou annan sa pouvwar absoli, i dan nou lanmen.

Me Lasanble pa met okenn restriksyon, zeneralman e i les *editorial freedom* avek sa *broadcaster* ki pe *broadcast*. Me

fodre pa ki sa *broadcaster*, i an *mauvaise foi*. Fodre ki i sey annan en bon balans e fodre i raport keksoz mannyer i ete.

Si i fer en fot, nou pou bezwen eskiz li, sa ki sa *broadcaster* pa kapab fer, se anmenn en rapor ki fo, oubyen ki'n distorte, oubyen ki parsyel, oubyen ki donn en move lenpresyon. I pa kapab i napa drwa fer sa. Si i fer sa i pou en *breach privilege* bann Manm, e privelez Lasanble.

Alor finalman Speaker in dir e mon partaz son lopinyon ki a mwen ki en *broadcaster* i fer par ekspre pour montre en Manm dan en move limaz, oubyen montre Lasanble dan en move limaz, Lasanble akoz son dinyite koman en Lasanble i pa pou pran en *view* serye.

I pa pou kondann en medya, tan ki medya i esey fer le mye ki i kapab, menm si tanzantan i pou fer fot. Donk mon ti anvi zis sitye sa dan sa konteks. Mon pa pe dir ki nou bezwen donn en *free pass SBC, far from it*. Me mon pa oule dir osi ki nou bezwen kondann SBC ouswa okenn medya, sak fwa ki nou pa ganny en bon *coverage* parey nou ekspekte.

Mon krwar dan sa bann ka, nou annan Komite Medya Lasanble ki nou kapab raport avek. E demann sa komite, *fight*

nou *fight* avek bann medya. Mersi Mr Speaker.

MR DEPUTY SPEAKER

Mersi Onorab Georges pou ou lentervansyon, pou ou obzervasyon. Mon'n note *Chairman* Komite Medya in *acknowledge*, in sakouy latet. Mon pa konnen si *panel* i annan en *response*? O si nou mon ti pou move, pou donn laparol Onorab Gill koman en dernyen pwen klarifikasyon. Parski sa i son kestyon orizinal.

HON CHURCHILL GILL

Mersi Mr Speaker. Mr Speaker mon la dan Lasanble koman reprezantan bann dimoun Baie Sainte Anne, e sa kestyon se pou rod leklersisman pou zot pa pou mwan personnelman. So mon bezwen met sa lo rikord. Prezan mon vin lo mon klarifikasyon.

CEO ou en profesyonnel medya, Deputy Speaker, ki manner nou ganny *news*? *News* ou bezwen fer *news* pou ganny *news*, so sa zafer statistik, ou pou al rod en statistik, ki kantite *news average* in pase Praslin, pou ou konpar ek lezot distrik.

Natirelman se distrik ki fer *news*, ki pou annan *news*. So ou statistik ki ou pou al rode, mon pa konnen dan ki manner

nou pou servi li, oubyen nou pou *gage* li ek kwa. Akoz si nou pa rod *news*, nou pa kree *news*, pou napa *news*.

Mon ti anvi zis met sa lo rikord, pou fer kler poudir ou pa kapab fer konparezon statistik avek en keksoz ki pa egziste, oubyen si napa *happenings* e ki ou pou al konpar sa.

Me selman mwan mon kestyon i tre kler. *CEO* mon kontan bann larepons ki ou'n donn mwan. Ou'n konpran bann leksplikasyon ki mon'n rode. E mon espere ou'n promet mwan osi, ki bann serten konsern ki'n sorti, menm si ou konnen ou bann *staff* pe fer zot travay.

Me selman ou a gete ki fason nou kapab gradyelman adres sa bann konsern ki'n sorti. Mersi pou sa, mersi.

MR DEPUTY SPEAKER

Mersi pour sa bann pwen. Onorab Gill, an pasan mon a dir ou *on a bad news day, I can make news out of nothing*. Pou en dimoun ki kapab fer sa travay. Me mon krwar en pwen obzervasyon, lefet ki mon annan laparol *and as a friend of SBC*.

Mon krwar sa travay ki zot pe fer, lo Praslin La Digue lavenir i merit ganny regarde koman en model, ki manner

SBC prezan i kapab osi kouver bann lezot rezyon, pou get bann *community based news*.

E mon ti pe partikilyerman sa zafer Praslin, bann agrikilter ti'n met en konsern devan ki kapab ariv kot Lotorite. Sa osi i kapab gete avek bann lezot rezyon. E mon *proud to say*, mon ti enn bann premye dimoun dan *SBC* ki ti fer en programm spesifikman lo Praslin, La Digue ki ti apel "Vwazen Vwazin" ant lannen 2000 ziska 2007. Ler mon ti kit *SBC*, so mon bezwen zis rapel zot sa.

Nou ava dir mersi, *CEO SBC* pou son prezans avek nou e osi Vis-Prezidan ki'n la avek tou bann lezot entervenans bomaten. Nou ava, eskiz zot parmi nou. Non, me Vis-Prezidan ou pou reste, nou ava eskiz Mr Dupres. Akoz avan ki nou *break*, nou pou pas lo en prosen, en prosen *item*.

(MR BERARD DUPRES WAS EXCUSED FROM THE HOUSE)

MR DEPUTY SPEAKER

E mon ava donn laparol, *Leader of Government Business*. Nou pou pas lo en *item*, konsernan *Bill*. E mon krwar poudir tou bann Manm, lo zot

WhatsApp message dan 7th *Assembly*, Clerk in anvoy en mesaz, pou zot konnen ki nou pe koz lo la egzaktman. *LGB*.

HON BERNARD GEORGES

Mersi Mr Speaker. Mr Speaker, Manm Onorab zot ava rapel ki a lafen *Second Reading* e *Committee Stage*, *Law Commission Bill* semenn pase, mon ti demann pa pas direktman *Third Reading*, me *postpone* li pou en lot zour, pou permet *panel* e mwan menm pou regarde ki mannyer bann lamannman ki ti ganny propoze, ki ti ganny vot lo la, ti'n kapab afekte sa *Bill* avan ki nou al dan *Third Reading*. E mon krwar i enportan, pou mwan eksplike ozordi, kisisa ki ti a la baz sa - ki nou pa'n kapab pran sa desizyon vitman.

E sa sete, akoz apre ki Lasanble ti'n vote pou tir *Clause 23*, dan sa *Bill* lo *Pre-Legislative Scrutiny* en lot *Clause*, *Clause 5(D)* ki *Bill Committee* ti'n rekomande pou osi ganny tire. Akoz li osi i ti annan pou fer avek *Pre-Legislative Scrutiny*.

Me *mover* lamannman in dir ki nou pou gard *5(D)*, me in amann sa *Clause* pou tir *Attorney General* ladan. Poudir ki en *Bill*, en *draft Bill Attorney General* ki sipoze anvoy lo kot Komisyon apre pou Komisyon

retourn kot *Attorney General*, i ti trouve i sa pa ti byen. Akoz *Attorney General* pa kapab anvoy en keksoz, apre retourn kot li.

So sa bann mo '*Attorney General*' ti ganny tire. Lakonsekans tousala sete annefe ki, tou sa ki ti'n ganny tire, dan *Clause 23* in re-antré a travè *Clause 5(D)*. E nou ti anvi fer sir ki, *that was actually the case*. E konsilte *verbatim* eksetera.

E donk se sa annefe ki'n arive, e se sa ki nou ti anvi verifye pour fer sir, ki nou ti'n byen tande. So avek sa detrwà mo leksplikasyon Mr Speaker, ki mon krwar ti nesese donn Lasanble pour ki nou konpran egzaktman ki ti napa okenn rezon, artifisyel ki sa ti'n ganny fer, avek sa detrwà mo leksplikasyon, Mr Speaker mon le *move* anba *Order 76(1)* ki *The Law Commission Bill 2022 as amended* i ganny lir en Trwazyenm Fwa. Mersi.

MR DEPUTY SPEAKER

Mersi *LGB*. Donk mon vwar Onorab William in endike pou segonn *for Third Reading*.

HON WAVEL WILLIAM

Mersi Mr Speaker. Mon le segonn sa demann. Mersi.

MR DEPUTY SPEAKER

Mersi Onorab. Donk aprezan nou pou pran en vot lo *Bill as amended*. Donk mon ti ava demann tou bann Manm ki an faver pou endike, Silvouple? Mersi. Okenn Manm ki kont? Mersi. Donk lo *Formal Third Reading Law Commission 2022 as amended*, i annan 25 Manm ki'n vot an faver, personn pa'n vot kont, e okenn Manm pa'n *abstain*. Donk sa *Bill* i pase par linanimite ozordi bomaten.

In osi enteresan akòz, dan mon letan dan setyenm ouswa sizyenm Lasanble, premye ki nou fer sa staz, anba *Order 75(4) Recommittal of Bill*.

So antre nou la, nou'n fer en pti moman istorik dan listwar Lasanble Nasyonal. Donk mon ava envit Madanm Clerk pou fer en *Formal Third Reading of the Bill*.

MADAM CLERK

Mersi Mr Speaker. *This Act may be cited as the Law Commission Act, 2022*. Mersi Mr Speaker.

MR DEPUTY SPEAKER

Mersi Madanm Clerk. In ariv nou zis midi. Donk nou ava *break* la pour nou repran travay 2er apre midi. E apre midi byensir, Vis-Prezidan pou ankor avek nou.

Akoz nou annan de lezot *Bill* ki pou nou fer, *Second Reading*. Donk nou ava *adjourn*, pou nou rezwenn 2er apre midi.

(BREAK)

MR DEPUTY SPEAKER

Bonn apre midi tou dimoun, *welcome back*. Nou kontinyen avek, nou travay pour sa apre midi. E prosen *item* lo nou *Order Paper* se nou annan en *Bill* ki nou pe al pran. So mon ava demann *parliamentary reporter* pou fer le neser.

Bon nou ava ankor enn fwa swet labyenveni Vis-Prezidan Ahmed Afif, avek nou e zofisye ki sorti kot Biro *Attorney General*, Mr Stefan Knights avek nou. Nou pou pas lo *Bills*, so mon envit *Leader of Government Business* pou *move* Mosyon for *Second Reading*.

HON BERNARD GEORGES

Mersi Mr Speaker. Bonn apre midi Mr Speaker. Bonn apre midi Vis-Prezidan. *Good afternoon* Mr Knights, bonn apre midi tou bann Manm Lasanble, e tou dimoun ki pe ekout nou. Mr Speaker anba *Order* 69(2) mon *move* ki *The Probates (Re-sealing) Bill, 2022* i ganny lir en Dezyenm Fwa. Mersi.

MR DEPUTY SPEAKER

Mersi Onorab Georges. Mosyon segonde, Onorab Hoareau?

HON JOHN HOAREAU

Bonn apre midi Mr Speaker. Mon pe segonn Mosyon ki sa *Bill* i ganny lir en Dezyenm Fwa. Mersi.

MR DEPUTY SPEAKER

Mersi. donk mon ava envit Vis-Prezidan Ahmed Afif pou fer lentrodikeyon *Bill* silvouple. Mersi.

THE VICE-PRESIDENT MR AHMED AFIF

Mersi bokou Mr Speaker. Bonn apre midi Mr Speaker, *Leader Business Gouvernman*, tou bann Manm Lasanble, tou dimoun a lekout.

Probates (Re-sealing) Bill, 2022 i en Prozedlwa, ki mon pe prezante devan sa Lasanble, e son bi se pou ranplas *Probates (Re-sealing) Act, Sapit 183, Lalwa Sesel*. Sa en Lalwa ki'n vin an viger depi 1935, e son dernyen lamannman ti ganny fer an 1976. Anfet i en Lalwa ki pa tro koni vi ki son laplikasyon i limite, a en lapwentman fer par en Lakour Britanik e Ekose.

Lobzektif sa Prozedlwa, se moderniz Lalwa, ki annan pou fer avek *Probates (Re-sealing)*

Sesel. Mr Speaker dan bokou pei, ler en dimoun i mor son pros oubyen sa dimoun ki in apwent koman egzekiter, son testaman, i fer en aplikasyon devan Lakour ou Lotorite konpetan, pou ouver son siksesyon e konfirm oubyen apwent en egzekiter oubyen en administrater, pou zer ou administer son siksesyon.

An Angle, sa i ganny apele *grant of probate or letters of administration*. Parey nou okouran pandan letan kolonyal, ti annan plizyer sitwayen Britanik Sesel. An ka ki zot mor pandan ki zot isi, oubyen si zot mor aletranze avek byen Sesel, sa *grant of probate*, oubyen *letters of administration*, i ganny donnen par en Lakour, ou Lotorite konpetan La Grande Bretagne oubyen Lagos, oubyen en Lakour dan nenport pei ki annan pouwar dan bann koloni Britanik.

Sa egzekiter oubyen en dimoun enterese, i kapab fer en demann devan Lakour Siprenm Sesel, anba *Probates Re-sealing Act*, 1935, pou konfirm oubyen an Angle *Re-seal* sa *grant of probate* oubyen *letter of administration*. E la sa egzekiter i a kapab egzers son fonksyon an relasyon avek sa bann byen sa dese ki Sesel.

Anvi son aplikasyon limite, mon ganny dir ki sa Lalwa pa'n tro ganny servi. An '76 *Code Civil*, ki ti entrodwir sistenm egzekiter isi Sesel. E la bokou dimoun ki ti mor avek byen Sesel, sirtou later, en egzekiter ti forseman bezwen ganny apwente, pou administre zot siksesyon.

Avek sa Prozedlwa, nou anvii moderniz e elarzi son aplikasyon. Sa i neserer sirtou ki Sesel i en sant fer biznes enternasyonal e osi pou benefisyer diaspora Seselwa.

Pare egzamp, si en Seselwa oubyen en etranze ki annan byen isi Sesel, i mor aletranze, e son siksesyon i ganny ouver aletranze par *grant of probate* oubyen *letters of administration*, sa egzekiter oubyen nenport ki dimoun enterese dan son siksesyon, i kapab fer demann avek *Curator*. Pou *reseal* oubyen konfirm sa *grant of probate* oubyen sa *letter of administration*.

Si *Curator* i konfirm sa *grant of probate*, oubyen *letter of administration*, pou annan menm lefe ki en lapwentman egzekiter fer par *Curator* anba *Code Civil* e *Curatelle Act*.

Avek sa Prozedlwa, nou pou elarzi laplikasyon sa Lalwa. Ensi i pou aplik pou tou pei, ki dapre resers ki *Attorney Zeneral*

in fer, en Lakour en Lotorite konpetan i ouver en siksesyon, oubyen apwent egzekiter par *grant of probate* oubyen *letters of administration*.

Sa lalis pei i dan sa Prozedlwa, e i enkli serten pei *Commonwealth*. Leta-z-Ini, *Hong Kong*, eksetera. An firamezir ki nou ganny enformen ki i annan plis pei ki adopte sistenm *grant of probate* oubyen *letters of administration*, zot a ganny enkli lo sa lalis.

Par egzanp dapre resers ki nou'n fer, *Maurice* napa sistenm *grant of probate* oubyen *letters of administration*. E son sistenm i parey sa ki ti egziste isi avan *Code Civil '76*. Savedir sistenm kot o moman en dimoun i *décéder* tou son byen i vin otomatikman pour son bann zeritye, san pas atraver en egzekiter.

Laplikasyon sa Prozedlwa, pour sirman fasilite louvertir e ladministrasyon siksesyon sa bann dimoun, espesyalman bann dimoun ki annan par dan bann *compagnie* Sesel, larzan dan bann kont labank, oubyen sitwayen Seselwa aletranze ki *décéder* ki annan later, kont labank, eksetera isi Sesel.

Anfet mon ganny enformen ki *Leader* Zafer Gouvernman dan Lasanble an

konsiltasyon avek *Attorney* Zeneral, in dakor pou propoz en lamannman pou fer sir ki *Curator* i konfirm *grant of probate* oubyen *letters of administration*. Si li i fer sa i pa pou nesese pou fer okenn lezot aplikasyon, pou apwent egzekiter, en siksesyon.

E sa konfirmasyon pou ase, pou sa egzekiter, administre siksesyon sa dese isi Sesel. Sa Prozedlwa i nesese avek sa kad legal ki *Code Civil* 1976, in anmennen - pli presizeman sistenm egzekiter. E osi bann lamannman, anmennen par Kod Sivil, 2020 e *Curatelle Act* 2021. An vi se ki *Curator*, ki bezwen apwent egzekiter aprezan, sa Prozedlwa i propoze ki se *Curator*, ki ava reseal oubyen *confirm*. Konfirm sa *grant of probate* oubyen *letters of administration*.

Mr Speaker sa Prozedlwa, pe ganny anmennen pou reform serten Lalwa, an koneksyon ek Lalwa Sesel. Menm si sa Lalwa, 1935 pa byen koni i Lalwa enportan. E si Lasanble, i pas sa Prozedlwa i pour sirman donn benefis e konfor plizyer dimoun. Me osi bann lenstitisyon parey bann labank. An konklizyon, mon demann tou bann Manm Onorab dan sa Lasanble pou siport sa Prozedlwa. Mersi bokou.

MR DEPUTY SPEAKER

Mersi Vis-Prezidan pou sa lentrodiksyon. Donk aprezan *floor* i ouver pou deba zeneral lo merit sa *Bill*. Okenn Manm ki le entervenir a sa pwen? Onorab Georges.

HON BERNARD GEORGES

Mersi Mr Speaker. Mr Speaker mon pa pou entervenir lo sa *Bill as such*. Etandonnen ki mon krwar leksplikasyon Vis-Prezidan in konpreansif, e byen detaye. Mon ti a kontan zis dir enn de pti keksoz ki pou ranforsi enn pti pe sa ki Vis-Prezidan i dir. E zis pou enform en pe piblik, ki pe ekout nou.

Akoz i en Lalwa me koni e pa bokou itilize. Annefe mon kapab dir ki, dan tou mon letan ki mon'n servi koman en Avoka isi. Mon'n fer en *re-sealing*. Zis enn.

E sa se en biro ki fer preski en apwentman egzekiter toulezour. Dan 43an nou'n fer en *re-sealing* alor zot ava vwar ki manner i pa bokou, i pa en Lalwa ki ganny itilize bokou.

Dezyenm keksoz mon ti a kontan fer resorti zis pou lenformasyon ankor, se sa mo *probate*, i annefe son lenterpretasyon se '*proving*'. Ou anmenn dan bann pei ki annan *probate*, ou anmenn sa

testaman devan en Lakour. E Lakour i *prove* sa *Will*.

I dir sa *Will* i valab, e alor ou kapab - la i donn permisyon prezan swa sa egzekiter, ler napa egzekiter atraver *letters of administration*, i donn en zeritye anba sa testaman oubyen donn li *letters of administration*. Setadir donn li permisyon kot pou li administre sa siksesyon.

E parey Vis-Prezidan in dir isi Sesel, nou pa erit direktman. Me nou erit en byen parfwa enterpoz... - setadir i al dan egzekiter avan, epi sa egzekiter i transmet sa byen. E sa i annan en rezon ase senp, akoz sa i arive. Annefe se pour sa rezon ki annan *probate* dan bann lezot pei. Se ki sa dimoun ki ganny apwente pou administre en siksesyon son premye *job* sete pou fer en levanter tou bann byen. Dezyenmman se pou pey okenn *tax*, okenn *duty*, ki annan.

E trwazyenmman se pour li distribye *the net estate*. Apre peyman tou bann det, tou bann *tax or whatever* parmi bann zeritye. E se pour sa rezon ki bann pei parey nou, nou'n vwar li i preferab annan en dimoun koman en lentermedyer pou fer tousala, olye depann lo sak zeritye ki annan de fwa pa

bokou ka pa manz disel enn ek kanmarad, i annan tirayman.

Alor i pli senp annan en dimoun, pou administre sa. E parey Vis-Prezidan in dir, dan serten pei kot *probate* i ganny donnen. Me kot i annan en byen isi, oubyen en dimoun ki annan en lye avek Sesel, annan de fwa pou li kapab *access* en byen *somewhere else*, i pou bezwen, fer sa *probate* ki'n gannyen dan sa pei, ganny otantifye isi Sesel. E sa ki nou apel *re-sealing*.

Re-sealing annefe i tou sa ki i ler dir se i ganny prezante, parey devan en *Ziz Probate*, i ganny prezante devan *Curator* isi. E *Curator* i met son *seal* lo la. Son stanp.

In other words i dir mon'n vwar, mon'n verifye, e mon'n stanpe. Savedir i valab, prezan zot kapab fer sa ki zot anvi avek. *That's basically*, sa ki sa Lalwa pe dir. E parey Vis-Prezidan in dir, enn bann keksoz ki ler nou ti pe relir sa *Bill*, dan sa detrwa dernyen zour, *Attorney Zeneral* avek mwan, nou'n vwar ki ti annan kekfwa en landrwa kot nou ti kapab fer li vin pli senp, anfen - pa pli senp eskiz mwan - me pli kler.

E sa se taler nou ava vwar dan *Clause (3)*. *Clause 3* i dir - *3(D)*, ti dir ki ler Kirater i re-stanp en *grant of probate*, isi

Sesel en *grant of probate* ki'n ganny fer dan en lot pei - enn sa bann pei dan *schedule*.

Ler i fer sa, sa stanpe - sa *re-sealing*, pou annan menm lefe konmsi dan en testaman Sesel, en dimoun ti'n ganny apwente egzekiter. E *Curator* ti pe konfirm lapwentman sa egzekiter. Donk in fer lekivalans ant en konfirmasyon lapwentman egzekiter isi Sesel ek en *grant of probate* deor, ki pe ganny *re-seal* isi. I ti pou annan menm lefe.

I ti souzantandi ki si i annan sa lefe, *obviously* sa dimoun ki ti'n ganny sa *grant of probate*, sa egzekiter, ti pou kapab azir koman egzekiter isi Sesel. Akoz i ti pou annan en lekivalans. Me i ti souzantandi - i pa ti kler.

Alor taler dan en propozisyon lamannman, nou pe fer sa vin pli kler e dir parey Vis-Prezidan in fer resorti ki, ler sa i arive, sa dimoun pa bezwen *on top of that*, fer lapwentman egzekiter oubyen en konfirmasyon lapwentman egzekiter. *It's taken* ki sa i ase, e donk i pa bezwen al fer en lot *step* ankor.

Vwala Mr Speaker, mon krwar ki nou'n fer le pwen lo sa Lalwa. E ankor enn fwa se en Lalwa ki la depi bokou letan e ki nou pe fer li vin pli performan,

anmezir ki bann Gouvernman siksesif pe moderniz nou bann Lalwa.

E fer ki nou met nou lekor azour avek bann devlopman dan lemonn. E nou fer keksoz vin pli senp ki posib isi, Sesel. E finalman, sa Lalwa in profit lokazyon pou osi tir Lakour”, e met ‘*Curator*’ anba *Curatelle Act*, akoz koman en Lasanble zot ava rapel, nou’n sanz sa sistenm siksesyon isi.

Bann zeritye nepli bezwen al Ankour pou fer apwentman egzekiter eksetera, se ki Kirater sa nouvo pos ki fer sa. Donk in moderniz dan sa sans osi. Mersi Mr Speaker.

MR DEPUTY SPEAKER

Mersi Onorab Georges. Mon pas laparol avek Onorab Loze.

HON JOHAN LOZE

Mersi Mr Speaker, Mr Speaker mon annan en *feeling* ki tou lede kote latab ozordi nou pou dezapwent nou bann siporter deor. Apre sa bann roulman semenn pase la. Ozordi Lasanble i *very mild and tame by comparison*.

Mr Speaker devan nou i annan en morso Lezislasyon ki esansyelman tou lede kote latab mon krwar, nou napa gran *issues*, gran kontansyon avek. Ofet mon'n pran laparol ozordi

senpleman akoz mon'n prezan lo bann diskisyon lo *Bill Committee*.

E kot Mr Knights in vini in donn nou leksplikasyon tre kler, lo kwa lentansyon sa *Bill* e akoz ki i pe vini. E nou lo nou kote latab, nou pa'n vwar okenn gran kontansyon avek. E ofet morso Lezislasyon li menm *speaks for itself*, i napa nanryen ladan ki annan pou fer avek nanryen ki bezwen ganny obzekte *or anything like that*.

Selman, Mr Speaker mon annan en kestyon pou adres ver Vis-Prezidan. In nonm *Curator*, e Onorab Georges in fer kler, ki *Curator* anba *Curatelle Act*. Be i annan dimoun deor ki pe sers en leklersisman, si Vis-Prezidan i kapab fer kler kote zot kapab ganny kontak avek *Curator*?

Akoz i paret i annan dimoun ki pe sey sers kontak. E ziska prezan zot pa pe kapab allocate kote i baze. E pour zot antre an kontak avek *Curator* depi Prezidan in apwent li. So si sa morso lenformasyon ti kapab ganny fer *available*.

Apard sa parey mon'n dir. Nou napa gran *issue* lo nou kote. So mon ti zis anvi kominik sa. Mersi Mr Speaker.

MR DEPUTY SPEAKER

Mersi. Onorab Loze mon pas laparol avek Onorab Aglae.

HON EGBERT AGLAE

Mersi Mr Speaker *Bill* ki la devan nou i kler. *VP* ki mon in met tou keksoz ofe, e *Maître Georges* atraver ou, Onorab Georges osi in eksplik nou en pe, dan son kad legal. E ler dan pas dan *Bill* osi, nou'n vwar poudir i annan sa bann prosedir ki bezwen ganny swiv, pou ou kapab met an aplikasyon. *Ok?*

Ler mon'n regarde mwan i annan serten konsern petet, leklersisman ki mon ti a kontan ganyen dan bann lenstans, *ok?* Parey dan *Bill* li menm li i fer referans avek bann ziridiksyon, i annan apepre 64 ziridiksyon ki ganny rekonnèt anba sa *Re-sealing Probate Bill*.

E pou mwan ler nou pe get serten, mon vwar i annan serten pei ki pa neserman pe tonm anba la. E dan bann lenstans parey petet, kot en dimoun petet i mor, e son *asset* i dan enn sa bann pei, ki li i pa tonm anba sa kad ziridiksyon parey ladan, mon vwar *Maurice* pa ladan, *Madagascar* pa ladan.

E dan sa bann lenstans ki sa ki pe rod sa drwa, oubyen sa byen li menm li pou sa dimoun ki'n mor, ki swa i parante direkteman, i pou bezwen al fer, eski i pou bezwen swiv sa

prosedir legal ki sa pei an egzistan? E ouswa eski i pou bezwen servi enn, parey pe dir nou Kirater isi lokalman?

Pou kapab al rod tou fason, pou kapab rekiper sa byen, ouswa fer sa byen ganny rekonnèt, anba sa menm Lalwa li menm. So sa i en pe leklersisman ki mon ti a kontan ganyen. E mon pa vwar problem, ni problem. Mon krwar i pe met keksoz annord.

E fer lavi nou bann dimoun ki annan zot byen ki sa, fer li pli fasil san petet al pas dan bann gran, gran tourman legal. E avek sa Mr Speaker, mwan mon pare pou donn sipor sa *Bill* akoz i annan son merit. Mersi.

MR DEPUTY SPEAKER

Mersi Onorab Aglae. In napa lezot Manm ki'n endike poudir zot oule fer lentervansyon lo sa *Bill* devan nou. Donk mon ti ava envit Vis-Prezidan, Ahmed Afif pou fer son *Right of Reply*.

THE VICE PRESIDENT MR AHMED AFIF

Mersi bokou Mr Speaker. Mr Speaker pou komanse mon krwar sa *Bill* i ase senp, e i paret ler mon'n ekout bann entervansyon tou lede kote, i vwar son merit. Me byensir i

annan enn de pti klarifikasyon ki'n ganny mete.

Premyerman ladres *Curator* ti ganny apwente ase resaman. E mon rapel ki ler sa ti ganny fer, ti ganny pibliye. E Zidisyer ti osi pibliye ki biro *Curator* kote i pou ete. Mon kapab dir ou poudir i lo premye floor Premiere Building, lasanm 101.

Sa *Curator* se Mr Danny Lucas, e parey mon'n dir son floor Premiere Building, lasanm 101. So se premye lenformasyon. Dezyenm an se ki konsern si en *letter of probate* - en *grant of probates* par egzantp, i sorti dan en ziridiksyon ki pa lo sa lalis. Sa ki arive se ki sa *Curator* pa pou kapab otomatikman, zis met en *seal* lo la. E sa i vin en dokiman normal.

Alor li i pou bezwen al *apply*, avek *Curator* ki pou bezwen fer tou le nesaser, pou li etabli sirtou bann norm e tou keksoz i annord. I pou pran en pe plis letan, me i pa osi vit ki si i lo la. Sel keksoz ki pou aplike dan bann lenstans koumsa.

E si ou get dan sa *Schedule* ki lo *Schedule 1* sa Lalwa, parey ou'n dir Onorab. Maurice i pa ladan, *Canada*, i tou bann provens eksepte *Quebec*. Alor i vwala leksplikasyon lo la. An gro Mr

Speaker sa Lalwa, i en vye Lalwa depi 1935, i pa'n ganny servi bokou. Me selman nou dan en prosesis moderniz nou bann Lalwa. E nou dan en prosesis fer keksoz vin pli vit pou tou dimoun.

Sirtou ler i annan bann ka, kot bezwen apwent egzekiter nou bezwen rekonnèt bann, bann *grant of probates* ki'n ganny donnen dan lezot pei. E sel keksoz ki nou pe fer se ki pe fer sa prosesis vin pli vit. Akoz ozordi nou annan en *Curator*.

Sa *Curator* pou aksepte sa bann let ki sorti dan sa bann ziridiksyon. I annan 64 ziridiksyon e dek ki zo pou ganny sa, zot pou aksepte sa let konmkwa lala tou sa ki aplikab, avek sa ki konsern siksesyon. E zot pou senpleman met zot stanp lo la, ki nou apel sa en *seal*.

E alor tou keksoz kot i konsern travay egzekiter, e travay ki swiv lo la i ava al bokou pli vit. Alor remersye tou bann Manm, e mon espere ki nou a kapab pas sa Lalwa pli vit posib. Mersi bokou.

MR DEPUTY SPEAKER

Mersi Vis-Prezidan pou sa *Right of Reply*. Donk aprezan nou pou pran en vot lo *general merit of the Bill*. So nou ava, mon ava

demann tou bann Manm ki an faver pou endike silvouple? Mersi, okenn Manm ki kont? Mersi.

Mersi Madanm Clerk. Donk vot lo *general merit of the Bill Probates (Re-sealing) Bill, 2022*. Nou annan 18 Manm ki'n vot an faver, napa personn ki'n vot kont. E okenn Manm pa'n *abstain*. Donk sa *Bill* in ganny aprouve ozordi apre midi.

Donk aprezan, mon demann Madanm Clerk pou fer *Formal Second Reading of the Bill* silvouple.

MADAM CLERK

Mersi Mr Speaker. *A Bill for an Act to provide for the resealing of probates and letters of administration granted by a court of probate in a recognised jurisdiction in respect of the estate of the deceased persons and to provide for matters connected therewith or incidental thereto*. Mersi Mr Speaker.

MR DEPUTY SPEAKER

Mersi Madanm Clerk. Donk prezan nou pou al lo, dan *Committee Stage*, pou nou konsider bann lamannman. Mersi. *Ok* sa ki pou *lead* nou avek say Onorab John Hoareau Manm *Bills Committee*, ki pou

lead nou avek bann lamannman. *Proceed*.

HON JOHN HOAREAU

Mersi Mr Chair. Bon premye lamannman i ganny trouve lo *the long title*. Mon krwar i lamannman ki'n ganny, met devan par Onorab Georges. Mon a les li *forward* sa lamannman. Mersi.

MR DEPUTY SPEAKER

Mersi. *Proceed* Onorab.

HON BERNARD GEORGES

Mersi Mr Chair. Mr Chair dan *long title*, dan trwazyenm laliny, *estate of the deceased persons*, nou pe propoze ki “*the*” i ganny retire, pour ki i *read* “*in respect of the estate of deceased persons*” generally. Mersi.

MR DEPUTY SPEAKER

Mersi. So nou pou fer li parey labitid. Si *panel* i annan obzeksyon, komanter rezervasyon, zot ava endike. Ou sinon, nou zis nou *proceed*. So i paret ki sa enn la nou *ok* avek? Mersi *VP*. Nou ava kontinyen Onorab Hoareau.

HON JOHN HOAREAU

Dezyenm lamannman i ganny trouve lo *Clause 2*. Zis o bor *Clause 2*, i annan *en (1) in bracket*, ki devret ganny retire.

Aprè nou annan en nouvo definisyon, “*Mortgage and Registration Office*”, ki ganny azoute zis aprè a definisyon pou Minister.

I lir koumsa “*Mortgage and Registration Office*” the *Mortgage and Registration Office established under the Mortgage and Registration Act, Cap. 134;*”

MR DEPUTY SPEAKER

Mersi. Panel i ok avek sa so nou proceed.

HON JOHN HOAREAU

Nou next amannman i pou en amannman propoze par Onorab Georges dan anba 3(2).

MR DEPUTY SPEAKER

Onorab Georges oule pran laparol la?

HON BERNARD GEORGES

Mersi Mr Chair. Mr Chair e sa se sa lamannman ki mon ti pe mansyonnen taler. Annefe i annan enn de pti amannman. Me enn en pe pli, en pe pli long. Sa ki nou pe propoze se ki dan son katriyenm laliny, sa enn ki komans avek *Seychelles*, “*as if it were an order of confirmation*” nou pe propoze ki nou azout “*or they*”.

So that it read “*as if it or they*”, “*it*” means probates

“*they*” being letters of administration. “*So as if it or they were an order of confirmation of*” avan sa i ti lir “*of an executor by the Curator*”, e nou, nou pe propoze pou fer li vin pli kler,

“*an order of confirmation of*” azout “*a testamentary appointment of an executor*” tir comma by the Curator. So that it reads “*an order of confirmation of a testamentary appointment of an executor by the Curator*”, etandonnen ki annan konfirmasyon en par Curator, se toultan konfirmasyon en apwentman en egzekiter dan en testaman.

Ler en dimoun apwent en egzekiter, dan en testaman. Ou bezwen konfirm sa devan Lakour. Me ler i pa'n apwent en egzekiter dan en testaman, ou bezwen al Ankour pou demann apwent en egzekiter.

So pou fer li pli kler “*confirmation of a testamentary appointment of an executor by the Curator*”, e la nou pe propoze azout sa bann mo swivan, “*and no further appointment of executor shall be required if the estate of the deceased person comprises immovable property in Seychelles.*”

E sa se pou fer kler, ki en fwa ki sa re-sealing in arive, ou

nepli bezwen al demann en egzekiter ganny apwente, oubyen konfirman ankor. In fini fer sa *re-sealing is tantamount to* en laplikasyon apwentman en egzekiter.

Akoz comprises immovable property in Seychelles? Akoz anba nou Lalwa, se selman ler i annan *immovable property* Sesel ki ou bezwen en egzekiter. Si napa *immovable property*, ou pa bezwen egzekiter. E la siksesyon i direk.

Setadir ki si en dimoun i mor i le zis en loto, i pa bezwen en egzekiter, oubyen i le zis larzan labank i pa bezwen e egzekiter, son zeritye i pran direkteman. Me si i annan later, i bezwen en egzekiter.

Donk vwala Mr Chair avek ou permisyon vwala, bann amannman ki mon pe propoze pou fer sa sityasyon vin osi kler ki posib. Mersi.

MR DEPUTY SPEAKER

Mersi pou leksplikasyon, *panel* endike ki zot *ok* avek sa propozisyon lamannman. Onorab Hoareau nou pou kontinyen.

Dan 3(2) versyon ki mwan mon pe swiv, dan son trwazyenm laliny ki komans avek *“so sealed shall have the like force”* mon vwar en propozisyon lamannman la. Me

solman mon note, ou pa'n note. *Ok. Proceed.*

HON JOHN HOAREAU

Ok nou ava *proceed* avek sa lamannman ki zisteman ou pe koz lo la. *After the word “like force”* trwazyenm laliny nou pou retir *“and effect and have the same”* e nou pou insert *“effect and”*.

MR DEPUTY SPEAKER

Ok panel i endike ki zot *ok* avek sa. Nou *proceed*.

HON JOHN HOAREAU

Ok, next amendment i ganny trouve menm lartik. Vedir Lartik 3. Menm *Clause* sorry, *Clause* Selman 3(5)(a) kot i lir *“a copy of the grant of probate or letters”* i annan en *“s”* la pou azoute. *“of administration in accordance with section 5 that the petitioner seeks”* apre la nou pe azout *“to reseal”*

MR DEPUTY SPEAKER

I akseptab pou *panel, proceed*.

HON JOHN HOAREAU

Subsection (c) “proof of the person's identity” nou pe tir sa mo *“person's”*

MR DEPUTY SPEAKER

Panel i ok avek sa.

HON JOHN HOAREAU

Ok nou kontinyen lo 5(2) b *sorry* 4. Eskiz mwan 4(1).

MR DEPUTY SPEAKER

So i annan en lamannman dan 4(1) ki pou Onorab Georges *proceed*.

HON BERNARD GEORGES

Mersi Mr Chair. Mr Chair eskiz mwan dan 4(1) i annan en pti lamannman trwazyenm laliny. Kot i met - anfen in komans dezyenm laliny "*probate duty or succession duty has been in respect of*" nou le insert mo "*paid*" - "*has been paid in respect of*."

MR DEPUTY SPEAKER

So zis relir li ankor enn pti kou.

HON BERNARD GEORGES

Wi. Mon a relir li an antye 4(1) "*The Curator shall, before sealing a grant of probate or letters of administration under this Act, be satisfied that probate duty or succession duty has been paid*" - insert "*paid*", in respect of *bla bla ...* Ok Mersi.

MR DEPUTY SPEAKER

Mersi *ok panel i ok* avek sa. Onorab Hoareau nou kontinyen.

HON JOHN HOAREAU

Right nou ava al lo 5(2)(b) I annan sa, kot komans avek "*cause the publication*" nou'n fer li koman en *subclause*, so nou pe azout *lettering "b"* pou sa *subclause*.

MR DEPUTY SPEAKER

Panel i ok ek sa. So nou kontinyen.

HON JOHN HOAREAU

Mr Chair lo mon lalis sete sa bann lamannman ki'n ganny propoze. Mon pe mazinek kefwa si Onorab Georges. An "*of Gazette*" wi, *after "Gazette of a notice"* *yes*.

So 5(2)(b) after the word "Gazette" nou include "of", ok?

MR DEPUTY SPEAKER

Of a notice of confirmation. Panel in swiv sa enn la. Zot ok avek sa?

HON JOHN HOAREAU

Lo mon lalis se tou ki mon annan Mr Chair.

MR DEPUTY SPEAKER

Wi Onorab Zialor..

HON JOHN HOAREAU

Eski Onorab George ...?

MR DEPUTY SPEAKER

Ou ti pe endik en keksoz Onorab Zialor, *somewhere?*

HON NADDY ZIALOR

Mersi Mr Speaker. Non-mon pa konnen petet *I don't know if we are following the same amendments*, sa enn ki pou LGB dan *Schedule 2* kot *form 1* dezyenm laliny, i annan en "s" kot *letters*. *I don't know if it's the same*.

MR DEPUTY SPEAKER

Dan *schedule 2*.

HON NADDY ZIALOR

Yes

MR DEPUTY SPEAKER

Form 1.

HON NADDY ZIALOR

Yes.

MR DEPUTY SPEAKER

Ou dir dezyenm laliny?

HON NADDY ZIALOR

Yes.

MR DEPUTY SPEAKER

Kot i komans avek *probate* - *letter*.

HON NADDY ZIALOR

I annan en "s".

MR DEPUTY SPEAKER

Ok. Probate forward slash "letter" i vin plural. Onorab

Georges ou annan, *ok panel i ok ek sa*.

HON BERNARD GEORGES

Mersi Mr Chair, Mr Chair mon ti a wi sa efektivman, ti en pti *omission* sa *letter*. I dan, *it should be plural*. Akoz menm si i annan en sel let, *it's son terms of arts* se touzour *letters of administration*. Be mon ti anvi avek ou permisyon, malgre ki nepli annan ankor amannman, reponn en kestyon - ou plito, donn en leklersisman ki Onorab Aglae, ti'n kestyonnen pli boner.

In fact i ti dir napa *Maurice*, napa *Madagascar*. E efektivman, sa se bann - napa *La France* osi. Se bann landrwa, se bann pei ki napa en sistenm *probate*.

Akoz sistenm *probate* i sirtou bann *ex colony* Britanik. E si nou regard, dan *Schedule 1* nimer 14, *Canada including all the provinces*, eksepte *Quebec*. Akoz *Quebec* li osi i annan Kod Sivil parey nou. E i napa en sistenm, en sistenm *probate* dan tou bann lezot i annan.

E mon mazine ki i annan, i annan serten lezot teritwar ki pa ladan akoz zot Lalwa i baze plito Lalwa Franse, non pa lo ou Lalwa Siksesyon sirtou i baze lo Lalwa Franse non pa Lalwa Angle. Mersi.

MR DEPUTY SPEAKER

Mersi pou sa leksplikasyon. Sa i ti bann lamannman ki ti annan. Donk aprezan nou pou retourn dan Staz Lasanble, pou nou kapab pran en vot lo bann lamannman. Mersi.

Donk nou ava demann LGB pou *move* en Mosyon pou *Third Reading* of the *Bill*.

HON BERNARD GEORGES

Mersi Mr Speaker. Mr Speaker anba *Order 76(1)* nou *Standing Orders*, mon *move* ki *the Probates (Re-sealing) Bill, 2022, as amended* i ganny lir en Dezyenm Fwa. Mersi.

MR DEPUTY SPEAKER

Mersi LGB. Onorab Hoareau?

HON JOHN HOAREAU

Mosyon i ganny *seconded*.

MR DEPUTY SPEAKER

Mersi pou segonn Mosyon. Donk aprezan nou pou pran en vot lo *Motion for Third Reading Bill as amended*. Nou ava demann tou bann Manm, ki an faver pou endike silvouple? Mersi.

Okenn Manm ki kont? Mersi Madanm Clerk. *Formal Third Reading, Probates (Re-sealing) Bill, 2022 as amended*, 18 Manm in vot an faver, okenn

Manm pa'n vot kont e okenn Manm pa'n *abstain*. Donk *Bill as amended*, in pase.

Prezan nou ava demann Madanm Clerk pou *proceed* avek *Third Reading* silvouple.

MADAM CLERK

Mersi Mr Speaker. *This Act may be cited as The Probates (Re-sealing) Act, 2022*. Mersi Mr Speaker.

MR DEPUTY SPEAKER

Mersi Madanm Clerk. Nou pou pas lo prosen *item* lo nou *Order Paper*. E sa i pour en lot *Bill Immovable Property Tax (Amendment) Bill, 2022*. Bann Zofisye ki pou avek nou Vis-Prezidan i reste. Mr Stefan Knights sorti kot Biro *Attorney General* i reste. Me mon krwar i annan de lezot zofisye, ki pou zwenn nou.

Donk mon ti ava demann madanm raporter, pou al sers zot silvouple. Mersi. Bon nou pou kontinyen ek nou programm travay e nou ava swet labyenveni bann zofisye ki fek zwenn nou.

Nou annan dabor bann ki pe asiz lo latav devan, i annan manmzel Seylina Verghese ki Direkter Zeneral pour *Tax and Financial Sector Policy Division*, i annan osi Mrs Wendy Pierre ki *Registrar General* kot

Registration Division. E lo nou side table nou annan manmzel Roseline Lepathy ki Director Compliance and Policy Unit, sorti kot Seychelles Revenue Commission. Welcome.

So nou ava aprezan demann LGB pou fer, pou request Second Reading for the Bill, please.

HON BERNARD GEORGES

Mersi Mr Speaker. Bonn apre midi bann zofisye ki fek zwenn nou. Madanm Pierre, Verghese, Lepathy. Mr Speaker anba Order 69(2) mon move ki the *Immovable Property Tax (Amendment) Bill, 2022*, i ganny lir en Dezyenm Fwa. Mersi.

MR DEPUTY SPEAKER

Mersi LGB. Onorab Hoareau ou pe move pou segonde.

HON JOHN HOAREAU

Mersi Mr Speaker. Mon pe segonn Mosyon.

MR DEPUTY SPEAKER

Mersi Onorab Hoareau. Donk mon ava envit, Vis-Prezidan Ahmed Afif pou entrodwir nou sa Bill silvouple. Mersi.

THE VICE-PRESIDENT MR AHMED AFIF

Mersi bokou Mr Speaker. Leader Zafer Gouvernman tou

bann Manm Onorab, tou piblik a lekout, bonn apre midi.

Mr Speaker mon pe vin devan Lasanble, ozordi ankor pou prezant *Immovable Property Tax (Amendment) Bill, 2022*. An gro bann lobzektif prensipal sa Prozedlwa, se premyerman, fer serten lamannman pour fasilite lenplimantasyon *Immovable Property Tax, Act*, mye koni koman *IPT Act*.

E ed bann Lotorite konsernen ki enkli Komisyon Reveni, Biro Rezistrar Zeneral e Lofis Zofisye ansarz pou Valyasyon ki baze kot Minister responsab pou Later pou administre sa Lalwa.

Dezyenmman fer serten lamannman an relasyon avek prosedir valyasyon, ki enkli prosedir ki ganny servi pou determin valer bann propriyeter ki'n ganny aste an deviz etranzer.

E trwazyenmman, fer serten lamannman miner pou fer *IPT Act* pli kler. E asire ki i konsistan avek bann Lalwa relevan, tel ki *Land Registration Act*. Mr Speaker mon pou prezan donn plis detay lo bann lo bann lamannman mazer ki pe ganny propoze atraver sa Prozedlwa e souliny zot rezondet.

Sa Prozedlwa pe propoze ki Seksyon 13, i ganny amande pou donn Biro Rezistrar Zeneral abilite, pou kapab anrezistre bann propriyete. E *update* bann *ownership details*. Dan bann lenstans spesifik, kot sa bann propriyete in ganny transmet lo endividi, ouswa antite etranze.

Par egzanp dan bann sirkonstans kot sa propriyeter in mor. Sa antite oubyen sa konpanyen, in faid, oubyen kot Lakour in donn en zizman. Ouswa lord pou transfer sa propriyete.

I pou annan sa abilite pou tir bann, propriyeter lo sa rezis. Me sa pou selman si in ganny demontre par sa *tax payer* ki i pa dwa okenn *tax*.

Zis pou soulinyen, enn bann rol prensipal Biro Rezistrar Zeneral, an sa ki konsern *IPT Act*, se pou mentenir en rezis, kot tou bann propriyete ki *appartient* a bann etranze.

An prensip sa lamannman, pou ed Biro Rezistrar Zeneral, pou li pli byen deservi sa fonksyon e asire ki sa rezis i korek e i reste azour.

Mr Speaker an relasyon avek valyasyon, sa Prozedlwa pe propoze ki Seksyon 15, i ganny amande pou enkli serten provizyon, pou spesifye

prosedir egzakt ki pou ganny servi, pou kalkil *market value*, an Roupi, dan lenstans ki en propriyete i ganny aste an deviz etranzer.

Sa i enportan, anvi ki sistenm *SRC*, an se moman i pa annan sa abilite, pour li viv avek sa bann peyman dan okenn deviz apard ki Roupi.

Prenon kont ki a sa moman, napa okenn provizyon dan Lalwa ki fer mansyon, to lesanz ki devret ganny servi, i annan en nesesite pou enkli serten provizyon dan sa Lalwa, an relasyon avek sa.

I enportan pou note ki anba *IPT Act*, i annan de metod ki kabab ganny servi pou determin valer, ouswa *market value*, bann propriyete. Sa i *purchase price* - enn. Si sa propriyete in ganny aste dan en peryod 5an, ki *IPT Act* in antre anfors. Ouswa atraver en valyasyon, ki'n ganny fer par en dimoun kalifye.

Esansyelman dan lenstans ki en propriyete in ganny aste an deviz etranzer, sa Prozedlwa pe propoze ki dan premye lannen ki sa propriyete in ganny soumet pou valyasyon, sa to lesanz ki'n ganny pibliye par Labank Santral, pour zour ki a ganny soumet kot Lofis Zofisye ansarz pou Valyasyon, i ganny servi.

An vi ki valyasyon en propriyete i valid pou en peryod 5an, son valer an deviz i reste parey, pour sa 4an ki swiv apre ki in ganny valye. To lesanz ki ganny servi, pou sak sa bann lannen, i pou sa to lesanz ki ganny pibliye par Labank Santral pou le 1 Zanvyè dan sa lannen konsernen.

Rezon prensipal ki sa to lesanz pe ganny servi, se akòz anba Seksyon 5, *IPT Act, tax* i ganny enpoze, le 1 Zanvyè, sel leksepsyon pou sa pwen se pour lannen 2021.

Sa *Bill* pe propoze pou lannen 2021, ki valer sa propriyete an deviz, i ganny konverti, an servan to lesanz ki ganny pibliye par Labank Santral, pou le 01 Avril 2021. Sa i akòz pou lannen 2020, Gouvernman ti prolonz, *deadline* pou peyman *tax* sorti le 31 Desanm 2020, pou vin le 31 Mars 2021.

Sa i vèdir ki *tax* pou lannen, 2021 ti ganny enpoze le 01 Avril, 2021. E non pa le 1 Zanvyè parey labitid.

Mr Speaker avek sa prosedir nou anvizaz-e ki sa ki nou apel *market value*, sa bann tel propriyete pou ganny determinen dan en manner pli zis. E pour afekte mwens, avek bann diferans dan to lesanz.

I bon note ki malgre ki provizyon dan sa Lalwa i fer ki valer en propriyete i valid pou 5an, napa nanryen ki anpes bann propriyeter soumet en nouvo valyasyon avan sa. Sa i pou arive, normalman dan bann sityasyon ki valer sa propriyete in monte ou desann.

Pou kouver bann tel sirkonstans, seksyon 15(10) in ganny enkli dan sa Prozedlwa. Mr Speaker baze lo sa bann eleman prensipal ki mon'n prezante lo sa *Bill*, mon ti a kontan soumet sa *Immovable Property Tax (Amendment) Bill, 2022*, pou laprouvasyon Lasanble Nasyonal. Mersi bokou Mr Speaker.

MR DEPUTY SPEAKER

Mersi Vis-Prezidan pou ou lentrodiksyon lo sa *Bill*. Aprezan, lasal i ouver pou deba lo merit zeneral sa *Bill*. Okenn Manm ki ti ava kontan entervenir a sa staz. Non mon pa vwar okenn lendikasyon. So ki nou pou fer la nou al dan, nou *move* direk?

I annan lamannman, so nou bouz direk lo komite? Oule entervenir? Wi *ok*. So nou ava pran en vote lo merit sa *Bill*, parce napa personn ki anvi entervenir. So bann Manm ki an faver, zot ava endike

silvouple? Mersi. Okenn Manm ki kont? Mersi.

Vot lo *general merit Immovable Property Tax (Amendment) Bill, 2022*, i annan 17 Manm ki'n vot an faver, okenn Manm pa'n vot kont, 1 Manm in *abstain, Bill* in pase.

Donk prezan nou ava demann Madanm Clerk pou fer *Formal Second Reading* silvouple.

MADAM CLERK

Mersi Mr Speaker.

A *Bill for an Act to amend the Immovable Property Tax Act, 2019*. Mersi Mr Speaker.

MR DEPUTY SPEAKER

Mersi Madanm Clerk. Nou aprezan demann Serzan pour *move pou Committee Stage*. Mersi. *Bills Committee* Onorab Hoareau mon prezimen ou ki pe *lead* nou dan sa *Committee Stage, proceed*.

HON JOHN HOAREAU

Mersi Mr Chair. Mr Chair nou premye lamannman i ganny trouve. *Amendment of Section 13, subclause 11*. E la i lir koumsa, “*Notwithstanding subsection (10), the Registrar General shall not remove the name of a person*” prezan la nou pe retir sa bout ki dir “*who is no longer liable*”, i kontinyen i

dir “*as a taxpayer from the register unless*”, la nou'n add “*evidence has been provided under section 26(2) and section 26(3) that*”, ok sa in ganny azoute e i kontinyen, “*all taxes due and payable by that person are paid.*”

MR DEPUTY SPEAKER

Mersi Onorab Hoareau. Mon vwar *Mr Knight* has indicated that you want to say something.

ASSISTANT PRINCIPAL STATE COUNSEL STEFAN KNIGHTS

Thank you, Mr Speaker. In that *Section I* would propose that it reads, on the *Section 26 subsection 2 and 3* as opposed to *rewritten the section 26(3)*.

MR DEPUTY SPEAKER

Honorable Hoareau, you are in agreement with it?

HON JOHN HOAREAU

Yes, yes. It's alright.

MR DEPUTY SPEAKER

So it will read as...?

HON JOHN HOAREAU

Instead of the 26, we've removed the 26. It's just 2 and then goes 3, instead of repeating 26 again.

MR DEPUTY SPEAKER

Ok so we can proceed. Hang on. Onorab Hoareau, Onorab Loze in endike i le pran laparol.

HON JOHAN LOZE

Mr Speaker mon ti pe sers en leklersisman. Petet avek Onorab Georges, ki li i *sit on the former alteration of the law revision*, ki nou fek amande *ce matin* la, i fer detrwa fwa kot nou pe pas bann lamannman, kot nou pe swa *enforce* oubyen reser rol *of the Registrar*.

Mon krwar dernyen fwa ti anba bann Lalwa *AMLCFT* kot nou, ti amann son pozisyon anba *ACCS*, nou servi *ACCS* wi, *if I remember correctly*.

Kestyon ki mon anvi demann Onorab Georges, eski i pa santi i annan serten neseseite petet *to pay* pe *particular attention* dan bann Lalwa kot *Registrar* i aparet. E *once and for all* petet nou gete, nou reviz tou bann bout ki annan pou fer avek li.

Akoz mon pa konnen aköz mon ganny lenpresyon ki'n en pe ganny negligez. E sak fwa i vini prezan, nek i pe dir nou poudir i annan isi, i annan laba ki li i santi i bezwen ganny ranforsi, kot rol son lofis i konsernen, an relasyon avek sa bann divers Lalwa, kot li i

annan en rol pou zwe ladan. Mersi Mr Speaker.

MR DEPUTY SPEAKER

Mersi Onorab ou ti pe adres sa *query* avek Onorab Georges. Aköz *Law Commission*, ki i byen nou'n aprouve bomaten. Be solman lefet ki i *Registrar General* i la, li osi kekfwa i a kapab dir nou en parol, si i santi wi i annan sa bann neseseite.

Onorab Georges oule *comment* lo la?

HON BERNARD GEORGES

Mersi Mr Chair. Mon krwar ou annan rezon, *Registrar* i ava mye plase pou reponn sa kestyon. Me solman, e mon'n dir sa dan lefase, *Registrar General* isi Sesel, i *Registrar General*, i *Registrar of Deeds*, e *Land Registrar* i *Registrar of Trade Marks* i *Stamp Duty Commissioner*, i *Registrar of Associations*, *until recently* i ti *Curator of vacant estates*.

Donk se en rol, ki vreman *vast* son, parey bann *Français* i dir son *chant d'action*, i vreman *vast* e kekfwa. I nesese reform, e la prezan nou'n azout sa *job*, nou pe al azout sa *job* taler pou fer li notifie *tax*, pour *immovable property tax*. *Big job*.

E mon krwar si mon pa tronpe, i annan menm en *move*

pour merge registry, sorry Registrar of Companies osi. E i posib ki annan en *move* pou *merge Registrar of Companies* avek *Registrar of International Business Companies*, dan en sel landrwa.

So definitivman i enn sa bann landrwa kot nou bezwen, regard fonksyon ek kapasite sa *unit as a whole*. Mersi.

MR DEPUTY SPEAKER

Savedir Lasanble pa pou konplent si *Registrar* i demann en *pay rise* dan Bidze lafen lannen. Madanm Pierre ou le fer en komanter, lo sa bann fonksyon ki ou pe gannyen dan sa bann bout Lalwa ki vin kot nou detanzaot?

REGISTRAR GENERAL WENDY PIERRE

Bonn apre midi tou Manm. *Thank you, Mr Chair. Anyway*, si mon kapab, sa ki mon kapab partaze la se i annan en legzersis ki nou fer ansanm avek Biro *Attorney Zeneral*. Kot i annan bann Lalwa ki tonm anba responsabilite Rezistrar Zeneral. Nou pe revwar tousala pou nou, regard zot relevans.

Espesyalman vi ki annan bann Lalwa ki pe ganny revize. Pou kapab fer ki zot konsistan avek, bann provizyon ki egziste anba bann Lalwa ki tonm anba

Rezistrar. So i en legzersis ki *ongoing*. *Yes, anyway, if i may add*, definitivman i annan son bann *challenging* ki vin, sa *challenge* ki vin avek.

Be selman nou restriktir nou lofis avek nou bann *staff*, pou asire ki *as much as possible* nou kapab delivre lo bann responsabilite ki nou ganny konfye. So i en *work in progress*, si mon kapab partaze. Kot nou pe revwar tous sa bann Lalwa.

E definitivman si nou vwar bann lenstans kot nou bezwen amande, pou *update*. E pou fer li konsistan avek bann lezot Lalwa ki tonm anba bann lezot antite. Kot nou bezwen travay ki zot, sa i en legzersis ki nou pou pare pou nou fer. E nou pe *actually* fer li osi. *Thank you, Mr Chair*.

MR DEPUTY SPEAKER

Mersi Mrs Pierre. Avan ou *proceed* mon ti'n vwar Onorab Aglae. In endike i le pran laparol.

HON EGBERT AGLAE

Yes mersi Mr Speaker. An referans dan menm laliny, avek valer ki i annan trwa akter kle. Sirtou dan *Mother Bill*, dan *Act 2019*. Ou annan kot ou annan Komisyoner Zeneral, ou pou annan *Rezistrar Zeneral*, apre i

fer mansyon avek *Chief Evaluation Officer*.

Prezan mwan mon le konn en pe petet rol. Akoz dan lenstans parey kot i annan bann egzanpsyon, egzanpsyon se Minis ki pou donn egzanpsyon dapre *Mother Act ok?* Me selman i pa fer okenn, referans si i pou bezwen annan okenn konsiltasyon avek sa trwa per kle li menm.

Baze lo egzanpsyon, me selman i kapab fer bann regilasyon dan ki konteks, i kapab kree bann egzanpsyon ki pa pou pey *tax*. So la mon vwar poudir, *Minister* li dan en sans i pou *act alone*. Me selman bann pli gro travay, se sa trwa dimoun prensipal ki pou bezwen fer dan sa *Bill* li menm li. Petet leklersisman ladan. Mersi.

MR DEPUTY SPEAKER

Mersi Onorab. *Panel* i le fer en komanter lo sa? Vis-Prezidan Afif.

THE VICE-PRESIDENT MR AHMED AFIF

Mersi Mr Chair. Mr Chair mon mazine, Rezistrar Zeneral i kapab donn en leklersisman lo bann *exemptions*. Otan ki mon konnen bann *exemptions* i ganny fer klerman anba Lalwa. E i annan bann *Clause* spesifik

pour zot. Me mon a les li donn sa, mersi.

MR DEPUTY SPEAKER

Sertennman Mrs Pierre.

REGISTRAR GENERAL WENDY PIERRE

Thank you, Mr Chair. *Ok so*, pou sa *process registration* peyman *tax* anba sa Lalwa spesifik. I komans avek nou lofis, so nou prensipalman nou kit nou en rezis, kot nou anrezistre tou bann *non-Seychellois*. *Be it* en endividi en antite. E i pas atraver en *process* mon kapab dir, en *due diligence* kot nou *ascertain* poudir, definitivman lekel ki pe vini.

Zot *actually indeed* sa ki zot pe *claim to be*, zot pa annan *interest* dan propriyete oubyen zot *own* propriyete. So *once* ou'n fini fer sa prosedir, anrezistre, nou *push* sa kot *Validation Officer - Chief Validation Officer*. E ki *eventually* i al *end up*, kot *Biro Tax* pou peye. *Ok?*

So an term *exemption* par egzanp anba Lalwa, parey Onorab Afif in mansyonnen, *when it comes to commercial*, dan bann ka kot dimoun in marye avek en Seselwa, dan bann ka i miner par egzanp. Kot paran osi i Seselwa.

Bann *first time owner*, when it comes to residential osi. Tousala parey VP in mansyonnen, i klerman ganny site dan Lalwa. Savedir definitivman nou *go through* en *checklist* pou *ascertain* poudir *indeed whoever* pe *claim* i ganny *exempted* e i *indeed* ganny *exempted*.

Aprè osi i annan prosedir *exemption* ki zot pas atraver. So tousala, zot bezwen *apply to be exempted*. So tousala i ede pou kapab fer sa, ou konnen pou fer sa *process* ki i enn ki transparan. E si pou pe *eventually*, ou pe ganny *exempted from payment of tax*. Ou kapab asire poudir ou'n pas dan en *due process* ki'n *ascertain* sa stati.

MR DEPUTY SPEAKER

Mersi *Registrar General*, mon vwar Vis-Prezidan ou le dir en keksoz.

THE VICE-PRESIDENT MR AHMED AFIF

Mersi bokou Mr Chair. Mr Chair en reprezantan Finans, Ms Seylina i ti a kontan osi donn en pe leklersisman lo *exemption* anba sa Lalwa. Mersi.

MR DEPUTY SPEAKER

Ok sertenman. Manmzel Verghese.

DIRECTOR GENERAL SEYLINA VERGHESE

Bonn aprè midi tou dimoun. Mersi Mr Chair. Parey in mansyonnen par VP, e *Registrar General*, dan Lalwa li menm li in spesifye lekel bann propriyete ki *actually exempt from taxes*.

E an menm tan, Minister Finans i pe al pibliy en *Exemption Order*, kot i annan an plis ki sa bann, ki *Registrar* in mansyonnen, i annan enn de bann lezot *exemptions* ki nou pe al donner.

Sa i *in terms of* parey, si i annan bann akomodasyon ki zot donner pou bann *employees*, oubyen osi si i annan bann propriyete ki kekfwa i annan sa laspe konservasyon.

E baze lo *approval*, from Minister responsab pou Lanvironnman, i annan bann provizyon ki nou pou donner ki zot kapab *exempt from Immovable Property tax*. Osi i annan en pe *in terms of* bann klarite lo kote bann *Embassies*, *as per* sa *Vienna Convention* ki nou pou fer li pli kler ki i annan sa *exemption* lo *Immovable Property Tax*.

So i pou napa sa diskresyon ki pou ganny donner a Minis Finans. Me

selman i pou spesifik dapre Lalwa. Mersi.

MR DEPUTY SPEAKER

Mersi manmzel Verghese. Onorab Woodcock ou annan en pwen?

HON WAVEL WOODCOCK

Mersi Deputy Speaker. mon kestyon i pou madanm *Registrar General*.

Mon annan en kestyon aneife i pa zis sorti kot mwan, kot plizyer manm piblik pe demande. I annan en kantite etranze ki pe tenir propriyete Sesel. Me zot pa'n Sesel pou plizyer lannen i annan ki 10an, 15an, 20an e menm plis.

E en bon pe zot pa pey zot *tax*. Eski zot in nobou kapab idantifye ouswa en resansman in ganny fer, pou idantifye lekel sa bann etranze, lekel sa bann propriyete ki petet *tax* pa pe ganny peye lo la?

Si ou kapab donn ou en pe lenformasyon. Eski si ou kapab donn ou en pe lenformasyon eski zot annan sa kapasite pou zot al idantifye al rod sa bann later?

E pou zot al rod sa bann dimoun osi aletranze ki'n aste propriyete Sesel ki zot pa pey *tax* lo la? mersi.

MR DEPUTY SPEAKER

Mersi pour sa pwen. Mon vwar *Registrar General* ki pou reponn. *proceed*.

REGISTRAR GENERAL WENDY PIERRE

Yes thank you Mr Chair. Mersi Onorab.

Ok so yes like you said sa pou *actually* asize pou *ascertain* kantite propriyete i ganny *owned by* etranze. Sa i en legzersis ki nou pa ankor fini - *ok? I ongoing*. Me selman *as* nou konmans si mon kapab *share* avek ou, definitivman ler i annan en *window* pandan lannen kot *Registrar* i sipoze pe pibliy en notis dan Nasyon, apre dan *Gazet Ofisyel* kot pe notifie tou bann etranze pe annan propriyete pou zot vin devan pou zot anrezistre zot lekor, apre pou *eventually*. *So zot liable* pou zot pey zot *tax*.

So sa dan li menm i en fason pou nou pibliy sa nesesite pou sa bann dimoun vin devan pou nou kapab ganny sa lenformasyon.

So definitivman *as you know over the years* nou lofis i enn ki'n *paper based* en kantite. *It's only now* ki nou pe fer serten travay pou nou kapab met keksoz elektronik.

So pou *actually* asize avek plis ki 90 mil *file* i pa en pti ou

kapab mazin en i pa en pti task dan li menm.

Be selman sa i en pwen ki nou'n diskite *at length* e monpanse *once* nou'n kapab met nou'n *update* nou bann sistenm - aköz nou annan en sistenm *land registration*. Kot nou pe kontinyen travay lo la pou nou *update* li ek *data*.

Apre nou pe scan tou bann *files* atraver proze, so nou panse ler nou'n met tousala *electronically* avek diskisyon ki nou ava gannyen avek *DICT* ava *allow* nou, nou ava kapab *pick up* lo bann - i annan lo bann propriyete ki ganny *own by* etranze. Aköz la *recently* i enportan ki definitivman zot donn nou par egzanp zot paspor tousala.

So sa i bann detay ki pou *allow* nou pou servi nou kapab *pick up* lo sa bann lo sati *ownership as to foreigners* dan Sesel.

Be selman i en travay kontinyel. E sa *of course* i reste enportan pou nou and *hopefully* parey mon'n mansyonnen nou ava kapab ganny sa bann lenformasyon in *the near future*. *Thank you*.

MR DEPUTY SPEAKER

Mersi *Registrar General*. Lasanble i ava rapel ki nou ti fek etable en kestyon pour

Minis Finans 2 ou 3 semenn pase *on the very subject Immovable Property Tax*.

Donk i en *area* ki nou merit gard nou lizye lo la aköz i anmenn en konponan reveni enportan pou Gouvernman. Donk nou bezwen kontinyen gard nou lizye lo la, pou asire ki tou bann resours ki bann antite konsernen i merit gannyen zot gannyen.

Nou pou *proceed* avek lamannman. Onorab Hoareau.

HON JOHN HOAREAU

Mersi Mr Chair. Mr Chair *next* lamannman i en lamannman ki ou menm ou'n anmennen Onorab Gervais Henrie.

Pou *insert* en *new 13A (3)* ki pou lir koumsa. "*Upon the registration or insurance of a certificate of registration the Registrar General shall forward the details of registration under this section to the Commissioner General and the chief valuator for the purpose of determining whether the person is liable as a tax payer.*"

MR DEPUTY SPEAKER

Mersi Onorab Hoareau. Mr Knights *you want to make a comment on the propose amendment?*

**ASSISTANT PRINCIPAL
STATE COUNSEL STEFAN
KNIGHTS**

Yes please Mr Speaker. Mr Speaker with the greatest if respect we don't agree with proposal. And the reason being is that not every person on that list will be liable to pay taxes. This will include the commercial properties in particular. So thank you.

MR DEPUTY SPEAKER

Thank you for the contribution. Honourable Georges you want to add something to that?

HON BERNARD GEORGES

Yes Mr Chair, if I may. As I understand your proposal, you want it to be made clear that the moment a person who is due to pay tax, is registered that not only that person is notified but also the Commission General and the chief valuation officer are notified.

If I understand you correctly then, Mr Knights reservation might need to be reconsidered, because it's only tax payers who will be affected and not those who don't have to pay tax.

And if I understand that correctly I wonder whether Mr

Knights might take into consideration, the not a new insertion of 13A but an amendment of the current 13 sorry not a new subsection to 13 A, but an amendment to the current 13A(2) which obliges the Registrar General to give right notice in writing to a person who is registered.

And I wonder whether we could not break that into two and to say the Registrar General will give notice not only to that person, but also to the Commission General and the Chief Valuation Officer. If you see what I mean?

So instead of inserting new subclause that it could break clause 13A(2) which obliges the Registrar General to give notice to the person affected, also now obliges the Registrar General to give notice not only to the person affected, but also to the Commission General and the Chief Valuator Officer.

MR DEPUTY SPEAKER

Thank you Honourable Georges. The proposed amendment it's quite straight forward in the sense that it's an administrative procedure that we want to be clear in the law just to avoid any ambiguity for a person appointed to that

position, to claim I was not aware that I had to do this.

So it's just make sure that this procedure is stated in black and white. Mr Knights.

ASSISTANT PRINCIPAL STATE COUNSEL STEFAN KNIGHTS

Mr Speaker thank you. Again I do not agree respectfully with the Honourable Georges.

At section 14 of the Act itself it provides that the Commission General in consultation with the Registrar General and the Chief Valuation Officer shall prepare annual register of tax payers. And I think this matter shall be left administratively to be dealt with.

For in the Bill itself we have made it clear that a person cannot rely on the section as a lawful excuse for failure to apply to the Registrar General to be registered the non-Seychellois Immovable Property owners register.

So we think that it's just remain as it is as opposed to that it may cause difficulty on us in that regard.

MR DEPUTY SPEAKER

Thank you Mr Knights. Honourable Georges you want to add on something?

HON BERNARD GEORGES

I am fighting your fight Mr Chair. But I think it's a fight worth fighting if you permit me.

Because I can see where you are where you are proposing to go. And perhaps I am not making myself clear to Mr Knights.

If we look at the amendment which is before us so 13A (2) - 13A subclause (2) says that the Registrar General in 13A(1) is given the power to register and not wait until the beginning of the year to do the list.

And that is a worthwhile insertion. Because something might happen during the course of the year where the Registrar General becomes aware that somebody has become a ... So the Registrar registers and notifies the person.

What the amendment seeks to do is that the Registrar not only notify the person, but while notifying the person also lets the Commission General know of that new registration as it were, and also let the Chief Evaluation Officer know, instead of waiting for the next year. So that already they become aware and they can start taking steps to value the property and collect the tax. I

*think that's your intention.
Thank you.*

MR DEPUTY SPEAKER

And If I may add, in some instances the Commissioner General may write back to the Register General and say this property is not acceptable because it falls under such and such exemption. Because the Registrar General will not know in which category that property is registered or falls under. Mr Knights?

**ASSISTANT PRINCIPAL
STATE COUNSEL STEFAN
KNIGHTS**

Mr Speaker I am not gonna engaged in a battle with the Honourable Georges on this.

But administratively we already get the information as well because of the TIN that is shared amongst the three bodies in any event.

So we don't think that it's necessary to put it in the law itself, because administratively the bodies will already get access to that information based on their current status. Thank you.

MR DEPUTY SPEAKER

Ms Vergheze you want to say something?

**DIRECTOR GENERAL
SEYLINA VERGHESE**

Yes. If I could just add to what Mr Knights just mentioned. So the way the system is, is that as soon as registration does put in the information in the system, if it's or one which would be liable to taxes they would raise a TIN number.

So SRC would then know - they would be aware of all those which have been registered are liable to taxes.

So I believe if it's an issue in terms of to make sure of that we have someone who registered but who is not paying the taxes SRC would be able to pick up, thank you.

MR DEPUTY SPEAKER

If I may ask is the panel telling us that right now, there is a platform that information is input and both - I mean all Registrar General. Commissioner General and the Chief Valuator have access too?

So the system it's online and it's working? That's what we've been told now as the Assembly?

**DIRECTOR GENERAL
SEYLINA VERGHESE**

Yes Mr Chair.

HON BERNARD GEORGES

Thank you. Well that's certainly clarifies the position.

But the way I read 13A assuming in June I sell my property – it's not registered because I am a Seychellois.

But I sell my property to a non-Seychellois in June. What we are doing now under 13A (2) is we are saying the Registrar General must tell the person who I sold my property to, that, that person has now been registered for the tax and not wait until the list is made next year. That was 13(2) does.

Now are you saying that when the Registrar tells the person who brought the property from me, that they are now registered to pay Immovable Property Tax, that the Commission General and the Chief Valuation Officer somehow know about that? That is the question.

MR DEPUTY SPEAKER

But may I ask the Registrar General to comment on the proposed amendment. Because this is another task that the Assembly is proposing that she takes up.

It's just a simple administrative procedure to inform the Commissioner General and the Chief Valuator that I've registered property X

with that be too much to ask of you from the National Assembly?

REGISTRAR GENERAL **WENDY PIERRE**

Thank you Mr Chair. Ok so tou sa ki'n - all that has been said by Mr Knights, Ms Verghese that these are correct.

I mean they we've got a system. But as you said if this is gonna be purely kind of notification administratively which is on our office, which will ensure that this information is pushed through. For instance if there is a problem with the system which is not working which can happen. And when I look at the instances under these new subsection where the Registrar may cause tax payer to be registered – it's not, I don't see this as happening everyday.

So personally after listening to everything which is being said and when you pass in terms of whether that's gonna be an administrative burden I don't see it as such.

So for me it's not a big task. So if the Assembly would like us to put that, so that you know it ensures that the information are shared amongst these three main authorities, I've not objection to that. Thank you.

MR DEPUTY SPEAKER

Thank you Registrar General. As the main sponsored of the of the Bill, we would like to hear VP's point of view on the proposed amendment. Particularly I am ok with the way Honourable Georges has amended the amendment. So I am ok.

So what is the VP's point of view on the proposed amendment?

THE VICE-PRESIDENT MR AHMED AFIF

Thank you Mr Chair. Mr Chair I have listen to both sides and the way I see it is that if as Honourable Georges suggested, half way through there is a new registration that happens and the person is liable to tax.

From what I understand is what he is suggesting would happen in any case. Because the person would have to be through the Registrar General registered for tax.

And because it's about Immovable Property Tax. So automatically, because they are taxable they would have to be assigned a TIN.

And that TIN would be from SRC. So they would have - there is - she's got the powers to assign that TIN automatically.

So that process that you're asking to put in the law would happen anyway automatically through the system as it is.

So you can add it, but it's not going to make a difference because it would happen anyway. Thank you Mr Chair.

MR DEPUTY SPEAKER

Thank you VP. Any further comment from the floor? Mr Knights.

ASSISTANT PRINCIPAL STATE COUNSEL STEFAN KNIGHTS

Mr Speaker just to also lay any concerns that you have, the annual register and section 14 (3) of the Act itself can be amended anytime during the add a person's name to the register or even correct any error, omission or mis description.

So the correction can be - the name can be added at any point of the year. So we don't see the need to make the proposed amendment. Thank you.

MR DEPUTY SPEAKER

Thank you Mr Knights. Any suggestion from the floor? So an amendment has been moved and then Honourable

Georges has made a proposal to the proposed amendment.

The panel is not necessarily 100% in agreement. But does the Assembly feels that as an abundance of caution it's just a simple administrative procedure, will put it there or not we can take a vote or on it, what did we suggest? Honourable Georges.

HON BERNARD GEORGES

If the Honourable Leader of the Opposition were here this afternoon Mr Speaker he would have said we need to vote on it. Because it's an amendment that has been moved and ...

MR DEPUTY SPEAKER

And it's a proposal from the Assembly.

HON BERNARD GEORGES

And yes it's - the Assembly we are the Legislators not - with respect to the panel - although we are very happy for them to enlighten us.

So the issue is and we need to take we need to take the lead from you, because it is in fact your amendment. If you wish the amendment to be tabled or to continue to be tabled, it would need to be - I will move for the amendment to the amendment, and if that is

seconded then we will have to ...

MR DEPUTY SPEAKER

Yes I am ok with your amendment to the amendment. Do we have a secondment on this? Honourable Woodcock.

HON WAVEL WOODCOCK

Amendment seconded Mr Speaker.

MR DEPUTY SPEAKER

Amendment seconded. So there is a need that we take a vote on the amendment. So those in favor? But before we take a vote. Can you read what the amendment is saying? Honourable Georges?

HON BERNARD GEORGES

Thank you Mr Chair. Mr Chair the amendment is to Clause 13 capital A (2).

And it would read as follows,

"The Registrar general shall give notice in writing of such registration to" and a dash (A) in brackets "the Commission General and the Chief Valuation Officer; paragraph (B) in brackets "the person and the person's last known address or by electronic delivery, that any failure to do so, or to serve, the notice be

served etc shall not absolve the person from any obligation under this Act.”

Basically that the - we are just inserting that the Commissioner General, Chief Valuation Officer as well as the person concerned are informed. Thank you.

MR DEPUTY SPEAKER

Thank you. So everybody is clear on this one. All those in favor of the amendment? Thank you. Those against? Thank you.

So the vote on the amendment from Honourable Georges we have 14 in favor no one vote against and we have 6 abstention.

So the amendment is been approved. We will proceed with another amendment Honourable Hoareau.

HON JOHN HOAREAU

Mersi Mr Chair. Next amendment i ganny trouve lo 15A si Onorab Georges i annan lamannman avan sa, i ava fer nou konnen silvouple.

HON BERNARD GEORGES

Mersi Mr Chair. Mr Chair mon annan en de pti lamannman on the same Clause. Clause 5 to insert a new 13 capital A subclause 4.

Kot i lir “a person liable as tax payers under section 6 (1) cannot rely –” I am proposing the following change. “A person liable as (A) tax payer under 6 (1) ‘may not’ instead of ‘cannot’ – ‘ may not rely upon this section.’

MR DEPUTY SPEAKER

Panel is ok with that proposal? Honourable Hoareau.

HON JOHN HOAREAU

Ok 15A -3A i pou li koumsa, “By converting the foreign currency to Seychelles Rupees using the midrate of exchange of currency for drafts it should by the Central Bank of Seychelles.”

Apré nou retir sa bout ki dir, “daily weighted trading exchange rates of the Central Bank of Seychelles.’

Apré i kontinyen son bout normal - “On the date of receipt of the valuation and ...” ok?

Apré subsection (B) i lir koumsa, “in each subsequent year whilst the valuation is valid by converting the foreign currency to Seychelles Rupees using the ...”

Prezan nou pe retir sa bout ki dir “daily weighted trading exchange rates of the Central Bank of Seychelles.”

Nou pe *add* - nou pe *insert* “*midrate of exchange of the currency for drafts issued by the Central Bank of Seychelles on 1st January.*” Ok.

MR DEPUTY SPEAKER

Ok.

HON JOHN HOAREAU

Son swivan *subsection 4* i pou lir koumsa “*Notwithstanding subsection 3B Chief Valuation Officer and the Commissioner General shall use the midrate of exchange of the currency for drafts issued by the Central Bank of Seychelles.*” Sa i en *new insertion*.

Aprè nou pe retir *the daily weighted trading exchange rates of the Central Bank of Seychelles ...*” Aprè i kontinyen son bout normal. Mersi.

MR DEPUTY SPEAKER

Mersi Onorab Hoareau.

HON JOHN HOAREAU

E sa ti dernyen bout ki mon annan lo pou mwan konman bann lamannman. Mersi.

MR DEPUTY SPEAKER

Ok. Onorab Cosgrow ti’n edike ki oule fer en komanter lo sa seksyon la. Mersi.

HON WALLACE COSGROW

Mersi Mr Chair. Mr Chair anefe mon annan de *query*. Mon premye *query* i ti posib ganny fer dan deba merit.

Me solman vi ki ti kourt mon’n profite esper ler nou’n ariv lo sa seksyon.

Enn i konsern par egzanzp ler en dimoun i *submit* en *valuation*. Eski i annan en *counter valuation* par sa *Chief Valuation Officer*?

E si petet sa *Chief Valuation Officer* pa dakor avek sa *valuation* i annan dout lo sa *valuation*, ki arive dan sa bann lenstans?

E mon dezyenm i lo *15 (A) (B)* mon’n ekout prezantasyon *VP* taler. Mon *query* lo la i se ki vi ki nou pe pran *rate* baze lo le 1 Zanvye sa lannen.

Eski petet nou pa pe anmar nou lanmen dan en sityasyon kot petet *let’s say* sa peyman i ganny fer an Zen, sa menm lannen. E nou annan en *rate of exchange* ki petet pli o, e eski Gouvernman pa pe perdi reveni ki ti pou anmase ki si i pe *operate* lo en *rate of exchange* ki’n ganny determinen 1 Zanvye sa lannen?

So konmsi nou pe limit nou lekor to 1 Zanvye, eski napa en posibilite ki Gouvernman i perdi reveni *in the process*? Sa i mon de *query*.

MR DEPUTY SPEAKER

Mersi pour sa de pwen. *Panel* i ava endike lekel ki pou *VP*, akoz mon mazine dan son dezyenm bout i bout ki ou'n fer resorti dan ou prezantasyon. *Proceed.*

THE VICE-PRESIDENT MR AHMED AFIF

Mersi Mr Chair. Mwan mon ava reponn sa dezyenm bout kot Onorab pe demande ki dizon an Zen i ariv en tranzaksyon e prezan nou pe servi to lesanz le 1 Zanvye si sa i anmar nou?

I pa pou leka, akoz Lalwa i fer provizyon ki ler sa tranzaksyon pe arive se zour sa tranzaksyon i arive ki son to lesanz i ganny aplike.

Se kan ki ou pou servi 1 Zanvye se pour sa bann lannen ki swiv. E pou sak lannen ki swiv se i bezwen pey son 0.25 poursan.

Alor pou konn valer propriyete zot pou reevalye - *well* ot pou fer *assumption* poudir sa propriyete i menm valer pou sa prosen 5an.

Son lannen ansuit zot pou pran sa valer an deviz etranzer, selman zot pou servi to lesanz le premye Zanvye pou sa lannen an antye.

Me selman si en tranzaksyon pe ariv a ler la ozordi, lo en propriyete ki annan en valer an deviz etranzer zot pou servi to lesanz sa zour. Alor ou pa pou perdi lo la.

Selman lo kote premye kestyon ki ou pe demande si i annan en dezakor ant sa dimoun avek *Chief Valuation Officer*. Sa mon mazine *Registrar General* ava kapab reponn sa oubyen mon pa konnen si Minister Finans. Mersi Mr Chairman.

MR DEPUTY SPEAKER

Mersi *VP*. Mon vwar manmzel Verghese anler i oule reponn sa kestyon.

DIRECTOR GENERAL SEYLINA VERGHESE

Mersi Chair. Lo kote si *by any chance* sa *Chief Valuation Officer* i pa agree avek sa evalyasyon ki'n ganny soumen. I annan provizyon anba 17 dan *Act*. Kot i dir *the Chief Valuation Officer has reason to believe that the valuation is materially insufficient*. Prezan li i kapab fer son prop evalyasyon pou sa.

E zis pou azout lo sa ki *VP* in dir konsernan sa *exchange rate* pou le 1 Zanvye, sa rezon ki nou'n swazir le 1 Zanvye sa rezon ki nou'n swazir le 1

Zanvye se akoz anba Lalwa *tax payable in a financial is imposed on 1 of January*. So sanmenm sa ki nou'n servi sa *exchange rate* pou le 1 Zanvye. Mersi.

MR DEPUTY SPEAKER

Mersi Manmzel Verghese. Onorab Aglae.

HON EGBERT AGLAE

En *follow-up* lo sa ki Ms Verghese or Mrs Verghese in dir.

Be dan bann lenstans kot *ok* akoz prosedir li menm avan sa *non-Seychellois* li menm li, in ganny dir poudir i bezwen dapre Lalwa i pou bezwen konmans pey son *property tax – ok?*

E la i kapab, eski i pou soumet en evalyasyon ki pou'n ganny fer par li menm li, i pou ale i pou rod en *evaluation officer* prive i pou fer *assess* la, la mon propriyete i kout sepa 2 milyon.

E ler in ganny soumet avek Biro Rezistrar zot vwar poudir be ler zot analiz pou ou, sa *Chief* in vwar be *property* i sipoze plis parey 5milyon. Me selman i pe *under declare* sa.

So dan sa bann lenstans parey, eski i annan bann penalti ki zot kapab met sa dimoun akoz nenport ki i ti pou prefere pey mwens *tax*.

Eski i annan bann penalti ki pou antase avek, ler zot dekouver akoz i parey en frod sa? Mersi.

MR DEPUTY SPEAKER

Mersi Onorab Aglae. Lekel kot *panel ...?* Manmzel Verghese.

DIRECTOR GENERAL SEYLINA VERGHESE

Mersi Mr Chair. *Anyway* an se moman mannyer Lalwa i ete, i pa vreman annan en penalti, akoz i kapab kekfwa i pa'n fer par ekspre.

Me selman aprezan sanmenm sa ki sa *Chief Valuation Officer* li pou ler li in fer evalyasyon i vwar poudir in *understate* li i pou mete poudir sa evalyasyon ki sipoze e *tax* pou ganny *apply* lo sa valer. Mersi.

MR DEPUTY SPEAKER

Mersi Manmzel. Ou annan klarifikasyon?

HON EGBERT AGLAE

So savedir i pou vin en *second attempt of evaluation*. Eski i pou ganny sarze li? Akoz in the *first place any* evalyasyon ki pou fer pou bezwen pe peye par sa zofisye.

Then if Chief i antre li i fer son prop evalyasyon eski i pou

ganny sarze en *fee based* lo sa travay ki'n ganny fer?

MR DEPUTY SPEAKER

Mersi pou sa klarifikasyon. Manmzel Verghese.

DIRECTOR GENERAL SEYLINA VERGHESE

Anyway parey mon'n di i ki mannyer provizyon i ete la an se moman. Selman bann letan ki *actually* pou annan sa penalti i si zot pa soumet en evalyasyon ditou.

Konmsi ou'n al *register* kot *Registrar General* e ou sipoze pe *pey tax*, ou pa'n vin soumet evalyasyon dan sa letan ki'n ganny enformen.

La sa *Chief Valuation Officer* pou sarz ou en penalti. E sa penalti i dapre sa provizyon 17(2) pou ariv i double sa *amount Immovable Property Tax* ki zot sipoze peye.

So olye .25poursan *indirectly* i pou pey pwen .5poursan. Mersi.

MR DEPUTY SPEAKER

Mersi Manmzel Verghese. Mon krwar sa ti dernyen pwen dan bann dan Staz Komite.

Nou ava *reconvene* Lasanble pou nou kapab pran en vot lo *the Bill as amended*.

Meri Serzan. Donk aprezan nou pou pran en vot on *the Bill as ...* Nou ava demann *Leader of Government Business* avan pou *move for Third Reading of the Bill*.

HON BERNARD GEORGES

Mersi Mr Speaker. Mr Speaker anba *order 76(1) Standing Orders* mon *move* ki *the Immovable Property Tax (Amendment) Bill, 2022* i ganny lir en Trwazyenm Fwa.

MR DEPUTY SPEAKER

Mersi. Onorab Hoareau.

HON JOHN HOAREAU

Good afternoon mon oule segonn sa Mosyon. Mersi.

MR DEPUTY SPEAKER

Mersi. So nou pou pran en vot aprezan lo *the Bill as amended*. Tou bann Manm ki an faver mon ava demann zot pou endike silvouple.

Mersi, okenn Manm ki kont. Mersi.

Mersi Madanm Clerk. Donk *for Third Formal Reading Immovable Property Tax (Amendment) Bill, 2022 as amended*. 24 Manm in vot an faver, napa personn ki'n vot kont, e okenn Manm pa'n *abstain*.

Donk *Bill* in pase. Aprezan nou ava demann Madanm Clerk pou fer *Third Reading* silvouple.

MADAM CLERK

Mersi Mr Speaker. *A Bill for an Act to amend the Immovable Property Tax Act, 2019.* Mersi Mr Speaker.

MR DEPUTY SPEAKER

Mersi Madanm Clerk. Donk nou'n fini avek *Immovable Property Tax Bill, 2022*. Nou ava remersye tou bann zofisyè ki'n avek nou ozordi apre midi pou sa enn *Bill* apre sa enn avan, ti annan Vis-Prezidan, i annan osi Mr Stefan Knights ki sorti kot *Assistant Principal State Counsel* kot *Biro Attorney Zeneral*. Manmzel Seylina Verghese *Director General* pour *Tax and Financial Sector Policy Division*. Mrs Wendy Pierre *Registrar General* sorti kot *Registration Division* avek Manmzel Roseline Lepathy ki *Director of Compliance Policy Unit* kot *Seychelles Revenue Commission*.

Mersi pour zot prezans. E nou ava kapab eskiz zot parmi nou avan ki nou kontinyen avek nou travay pour larestan lazournen. Mersi pou zot prezans.

(THE VICE-PRESIDENT AND HIS DELEGATION WERE EXCUSED FROM THE HOUSE)

MR DEPUTY SPEAKER

Bon in nou'n sot 3er edmi ler ki nou ti pou pran *break* ziska 4er. Nou'n fini avek bann *grosso modo*.

Prosen *item* lo *Order Paper* i Mosyon. Prezan nou kapab tonm dakor, nou kapab - *Deputy Chief Whip* lo kote *US Government of Business* lo kote parti mazoriter, *do we come back for the Motion* ouswa nou pran li *fresh* demen bomaten? *LGB*.

HON BERNARD GEORGES

Mersi Mr Speaker. Lo nou kote nou ti ava prefere konmans *fresh* demen bomaten.

Mon krwar nou'n travay ase for pou en zournen ozordi. I pa zanmen en bon nide pou konmans en Mosyon 4er parey nou'n vwar enn fwa.

Akoz annan de fwa i nou pa donn li sa lanpler ki neser. Alor lo nou kote nou, nou ti ava *move* ki nou *adjourn* pour lazournen ozordi. Mersi.

MR DEPUTY SPEAKER

Mersi *LGB*. *Deputy Chief Whip* lo kote *US* ou komanter?

HON EGBERT AGLAE

Mr Chair, parey presedans in ganny kree dan Lasanble si nou pou konmans en Mosyon apre 4er, i pa fer gran zistis a loter Mosyon li menm ek sa ki pou segonde.

So mon napa lobzeksyon ki nou kapab konmanse demen bomaten. Mersi.

MR DEPUTY SPEAKER

Mersi. E par lefet ki *Chief Whip LDS* i pe endike ki i oule dir *Deputy Chief Whip* Onorab Esparon.

HON REGINA ESPARON

Mersi Mr Speaker. Mon pou segonn sa propozisyon parske nou bezwen realize Mr Speaker, ki nou annan bann manm *SADC* osi ki depi bomaten zot pe partisip dan *zoom*. Parske nou plenyer ki nou pa'n kapab *travel* nou pe fer li atraver *zoom*. E i bon pou nou e nou bezwen tournen pou al dan sa *zoom meeting* 4er. Mersi.

MR DEPUTY SPEAKER

Mersi Onorab Esparon. Wi zis pou lenformasyon piblik an ka zot in vwar poudir i annan serten Manm ki absante, letan mon pe regard lalis la i annan anviron i annan de Manm ki lo misyon aletranze.

Me apre i annan apepre 6 Manm 6 *MNA* ki dan bann sesyon *zoom* avek dan bann konferans aletranze ki pe fer *online*. Alor apre sa Mosyon ler mon pe get li ase i *heavy* e mon pe espekte poudir bokou Manm pou entervenir lo la.

Donk mon ava agree avek gidans bann *leaders* e nou ava *adjourn* ziska demen bomaten. Mersi pou zot partisipasyon.

(ADJOURNMENT)

